

Iluarsissut

Siunnersuut 16. august 2024-mik ullulerneqartoq taarserpaa

(Inatsisinut periutsini oqaaseqaatit pissutigalugit, inatsisissatut siunnersuummi annikitsumik iluarsissuteqarnerup kingunerisaanik kingunerisassanut iluarsissutinik suliaqartoqarpoq)

Siunnersuummut oqaaseqaatit

Oqaaseqaatit nalinginnaasut**1. Aallarniut***1.1 Siunnersuummut tunuliaqutaasut pingaarnerit*

Siunnersuummut tunuliaqutaasooq pingaarneq tassaavoq Naalakkersuisut kissaateqarnerat filmiliortarnermik inuussutissarsiutit nukittorsaavigineqarnissaat, inatsisiliornikkut Kalaallit Nunaanni filmiliortarnermut killiliussanik aalajangersaanikkut. Tamanna ilaatigut atuarneqarsinnaavoq nassuiaasiami *“Inassuteqaatit qanoq aaqqissuussinikkut Kalaallit Nunaanni filmiliortarnerup nukittorsaavigineqarnissaa pillugu”*, Naalakkersuisut Inatsisartunut maj 2023-imi agguaataanni.

Nassuiaasiaq suliarineqarpoq UPA 2022/75-ip *“Inatsisartut aalajangiiffigisassaattut siunnersuut, Naalakkersuisut peqquneqassasut suleqatigiissitamik pilersitsissasut Kalaallit Nunaanni filmiliortartut silarsuaata qanoq nukittorsarsinnaaneranut innersuussuteqartussanik. Naalakkersuisut sapinngisaq tamaat suleqatigiissitami attuumassuteqartut peqataatissavaat. Siunnersuutit UPA 2023-mi saqqummiunneqassapput.”* Malitsigisaanik suliasap ingerlatseqqinnerani. Aalajangiiffigisassatut siunnersuut akuersissutigineqarpoq.

Nassuiaasiami suleqatigiissitamit pilersinneqartumit (tulliuttuni taaneqartartoq “filmiliornermut atatillugu suleqatigiissitaq”) inassuteqaatit arlaqartut immikkoortitserneqarput sammisanut Inatsisiliorneq, Ingerlatsineq aamma Sakkussat. Inatsisiliornermut atatillugu nassuiaasiami inassutigineqarpoq filmiliornermik suliasaqarfimmi inatsisit marluk pisariaqartinneqartut. Siulleq tassaassaaq Inatsisartut filmiliortarnermut inatsisaat aappaalu aningaasartuutit ilaannik matussusiilluni tapiissuteqartarneq.

Filmiliortarneq pillugu inatsisiliornissamik siunnersuuteqarneq pillugu nalunaarneqarpoq: *“Inatsimmi killiliussanik pilersitsisoqassaaq filmiliornermi politikki kissaatigineqartoq pillugu. Filmiliorneq pillugu inatsit oqariartortuuvoq nunami oqartussat niuernikkut killiliussatut aaqqissuussinertigut filmiliornermut atatillugu anguniagassanik aalajangersimasunik pilersitsinerannik.*

Filmiliornermut inatsimmi nalinginnaasunik ilaasarpur filmiliorarneq pillugu aalajangersakkat, filmiliornermut aningaasaateqarfimmur atasur. Filmiliornerlu pillugu inatsisil ilanngullugu pilersitsisinnaavoq killiliussatur atugassarititaasussanik nunani allamiur Kalaallit Nunaanni filmiliorarneranni. Aamma filmiliorneq pillugu inatsimmiittarput Filminstituttimur killiliussat, aammalu filmkommissioni pillugit aalajangersakkat.

Filminstitutti nalinginnaasumik suliaasaqartarpoq piginnaanillit ineriartorteqqinnissaannik, kiisalu filmiliorneq nioqqutissiorneq nassiussuisarnerlu kalaallit filmiliorneq suliaagajullutik. Tamakkua tassaasinnaappur filmit isiginnaagassiat, animationi atorlugu filmiliorneq imaluunniit naatsunik filmiliorneq. Kiisalu aamma filminstituttimit suliaasaavoq qularnaarisarneq ilisarititsisarnerneq sulianillu ersittumiititsiniartarneq, filmfestivaalini peqataanertigut tapersersuisarnerneq ingerlanneqartarpoq.

Filmkommissionip suliaasarisinnaavaa Kalaallit Nunaanni sumiiffinni tamani locations-inik takoqqusaarisarneq nunani allamiur filmiliorarnerannur atatillugu. Filmkommissioni festivalini filmiliorneq niuerfinni amerlasuuni peqataasartussaavoq. Film.gl maanna qanittumik suleqateqareerpoq Nunani Avannarlerni tamani filmkommissioninik.”

Siunnersuutigineqartumur Inatsisartur inatsisissaannur atatillugu aningaasartuutinik utertitsisarnermik aqqissuussinermur imaattunik oqaaseqaateqartoqarpoq:

”Aningaasartuutinik utertitsisarnermur inatsimmi aalajangersarneqassappur aningaasartuutinik matussusiilluni utertitsisarnermur inatsimmi piunasaqaataasussat. Pingaaruteqarpoq piunasaqartoqarnissaa sulisunik kalaallinik atuisoqartarnissaannik sapinngisamik annertunerpaamik. Kiisalu aningaasartuutinur matussutissanik utertitsisarnerup annertussusissaa inatsimmi aalajangerneqassaaq. Nunani eqqatsinniittuni nalinginnaavoq 25 % -inik utertitsisarneq, taamaattumillu siunnersuuteqarnissaaq 25 %-inik piviusorsioruuvoq.

Nalinginnaavoq aqqissuussisarneq filmiliorneq ukiuni pineqartumi Kalaallit Nunaanni aningaasartuutininnik uppersaasiisarnissaat. Filmiliorneq nioqqutissiorneq aningaasartuutinik ilaanni utertitsivigineqartussaataappata aningaasat utertinneqartur ukiur aappaanni akilerneqartarput. Taamaasilluni taamaallaat Kalaallit Nunaanni aningaasartuutigineqarsimasur ilaat utertinneqartarput.

Maanna inatsisitsinni atuuttuni aningaasartuutaareersunur matussutissatur utertitsisarnermik inatsisini atuuttuni peqareerpoq. Ukiuni arlaqalersuni aningaasanur inatsimmi oqaasertaliisoqartarpoq aalajangersakkanik aningaasartuutinur matussutissatur utertitsisarneq pillugu. Aningaasanur inatsimmi oqaasertaliussaaq pineqartoq kontutur siunertamur 24.10. -mur atavoq, akileraarutit toqqaannartur. Aqqissuussineq ilisimaneqarpiannigilaq aqqissuussinerlu atorpiarsinnaanani. Taamaattumik aningaasanur inatsimmi aalajangersagaq taanna pineqartoq piaartumik peertariaqarpoq (kingusinnerpaamik 2024-imur aningaasanur inatsimmi, aningaasartuutinullu matussutissanik utertitsisarnermur inatsimmik maanna aqqissuussineq taarserneqarluni.”

Naalakkersuisut inatsisiliornikkut suliniutissat marluk pineqartut pillugit nalunaarusiami imaattunik oqaaseqaateqarput:

”Filmiliortarnermut inatsisiliornissaq pillugu

Naalakkersuisut pilersaarutigaat suliamik aallartitsinissaq, filmiliortarnermut inatsisiliornissamut siunnersuummik suliaqarlutik, ilaatigut imaqartussamik malittarisassanik filminstitutti aamma filmiliortarneq pillugu ingerlatsivimmik (eqqortumik taallugu “filmkommissioni”) pilersitsinissat siunnerfigalugit malittarisassanik imaqartussamik. Periarfissaanngilaq siunnersuummik pineqartumik suliaqartoqarsinnaanissaa suleqatigiissitami piffissalersuinerup nammineq iluani. Inatsisiliornissamut piareersaataasunik suliaqarneq pingaarnertut inatsisaasussaq eqqarsaatigalugu minnerpaamik ukiumik ataatsimik sivisussuseqassaaq. Kiisalu aamma filmiliortarnermut inatsisissatut siunnersuummik suliaqarnermi aningaasanut inatsisissatut siunnersuusiortarnermut ataqatigiissaarineq ingerlanneqartussaavoq.

Utertitsilluni aningaasartuutit ilaannut matussusiisarnermut inatsit

Naalakkersuisut maluginiarpaat suleqatigiissitaq isumaqartoq maanna aningaasartuutini matussusiisarnermik aaqqissuussineq atuuttoq naammangitsaq, tak. kontumut pingaarnermut 24.10. Toqqaannartunik akileraarutit. Suleqatigiissitap oqaatigiumavaa aaqqissuussineq pineqartoq ilisimaneqanngimmat, aaqqissuussinerlu atortinneq ajornarmat. Tamanna Naalakkersuisut tusaatissatut tiguaat.

Naalakkersuisut inassutigaat tamanna ersarinnerusumik misissorneqassasoq, aaqqissuussineq pitsanngorsarneqarsinnaanersoq eqqarsaatigalugu, imaluunniit nutaamik aaqqissuussiumalluni, filmiliortartunut isumaqarnerusumik. Tamatumunngalu atatillugu nalilersuisoqarumaarpoq pissusissamisoornersoq malittarisassiornissaq, matumani aamma inatsisitigut.”

Pineqartullu saniatigut aamma kingornagut Inatsisartuni aalajangiiffigisassatut siunnersuuteqartoqarpoq filmiliortarnermik ingerlatsisarnernut tunngasuni, aamma inatsisiliornissamik siuarsaasinnaaneq eqqarsaatigalugu.

Inatsisartut 2023-imi ukiakkut ataatsimiinneranni oqaluuserisassami UKA 2023/46-mi aalajangiiffigisassatut siunnersuut imaattoq suliarineqarpoq: *” Filmiliortarneq pillugu Inatsisartut inatsisissaannik Naalakkersuisut saqqummiussinissamik peqquneqarnissaannik Inatsisartut aalajangiiffigisassaattut siunnersuut. Inatsisissatut siunnersuut kingusinnerpaamik UKA2024-mi Inatsisartunut saqqummiunneqassaaq.”* Aalajangiiffigisassatut siunnersuut akuersissutigineqarpoq. Siunnersuullu taamaasilluni aalajangiussaq taanna aallaavigalugu suliarineqarpoq.

Inatsisartut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaata UKA 2023/46 -ip aappassaaneerqarnerani isumaliutissiisummi ilaatigut imaattut oqaatigai: *“Taanna pillugu ima oqaaseqaateqartoqarpoq inatsisissatut siunnersuut aqutigalugu tassungalu aningaasaliissutit aqutigalugit filmiliortarnermut tapersuineq*

annertusarneqassasoq. Siunnersuutip ilusiligaanera siullermeerinninnermi sammineqarluartut ilagaat, tassa nunanit allaneersut Kalaallit Nunaanni filmiliornerannik qanoq annertusaasorsinnaanersoq, kisiannili aamma piumasqaatit suussanersut, soorlu akiliutit, siunnersuummut ilanngunneqarsinnaanersut. Sooq nunanit allamiut filmilioraangamik ullumikkut aamma nunatsinnut isertitaqassutaasarnersut oqaaseqaateqarfigineqarluni. Tassunga ilanngullugu erseqqissarneqarpoq isumassarsiorneq Islandimi periuserineqartumi nassaarineqarsinnaasoq, tassani eqqumiitsuliortup akileraarutinut akiliutaasimasup affai tigusinnaagai.”

Ataatsimiititaliap siunnersuummik suliaqarnermini oqaatigaa: ” Siunnersuutip siullermeerneqarnerani inersuarmini taperserineqarluartoq ataatsimiititaliamit maluginiarneqarpoq. Siunnersuuteqartoq assigalugu ataatsimiititaliamit pingaartinneqarpoq kalaallit filmiliornerisa ineriartornerannik filmiliornermut inatsit nukittorsaataassasoq. Ilutigisaanilla ataatsimiititaliamit maluginiarneqarpoq isumalioqatigiissitamik pilersitsisinnaanissaq siullermeerinninnermi eqqartorneqartoq. Isumalioqatigiissitamik pilersitsisoqassappat ataatsimiititaliamit pingaarutilittut isiginiarneqassaaq, taamaaliornermi filmiliornerup nukittorsarneqarnissaanut iluaqutaasinnaammat.”

Inatsisartut 2024-imi upernaakkut ataatsimiinneranni immikkoortumi UPA 2024/56-imi aalajangiiffigisassatut siunnersuut tulliuuttoq suliarineqarpoq: ”Filmiliornermi aningaasartuutit utertinneqartarnerat pillugu Inatsisartut inatsisissaattut siunnersuummik saqqummiussinissamik Naalakkersuisut peqquneqarnissaat pillugu Inatsisartunut aalajangiiffigisassatut siunnersuut. Inatsimmi nunatsinni filmiliornermi aningaasartuutit 25 %-iilik utertitsinissaanissaq pisinnaangortissavaa, maannalu aningaasanut inatsimmi oqaasertaliussaq aqqutigalugu maleruagassiorneq taarsissallugu.”

UPA 2024/56-ip siullermeerneqarnerani Naalakkersuisut siunnersuummut allannguutissamik imaattumik siunnersuuteqarput: ”Filmiliorneq pillugu Inatsisartut inatsisissaattut siunnersuummut Filmiliornermi aningaasartuutit utertinneqartarnerannik aqqissuussinerup ilanngunneqarnissaanik Naalakkersuisut peqquneqarnissaat pillugu Inatsisartunut aalajangiiffigisassatut siunnersuut.”Allannguutissatut siunnersuut akuersissutigineqarpoq. Taamaattumik siunnersuummi ilanngussisoqarnikuvoq filmiliornermi aningaasartuutit utertinneqartarnerannik aqqissuussineq, Kalaallit Nunaanni filmiliornermi.

Inatsisartut 2024-imi upernaakkut ataatsimiinneranni ilanngulluguttaaq immikkoortumi UPA 2024/59-iimi sammineqarpoq apeqquteqaat aallaavigalugu oqallinneq imaattoq: ” Filmiliorlut isiginnaartitsisartullu nunatsinneersut nunarsuatta sinnerani filmiliaminnik filmilianiluunniit peqataaffigisaminnik takutitsisoqassatillugu peqataanissamat qanoq tapersersorneqarsinnaanerat pillugu apeqquteqaat aallaavigalugu oqallisissiaq.”

” Naalakkersuisut oqallisissiap suliarineqarnerani akiussuteqaammi ilaatigut oqaatigaat Naalakkersuisut isumaqatigigaat filmiliorartut aamma isiginnaartitsisartut periarfissaqarnissaat

tapersiisinaanissaq filmiliami nunani allani ilisaritinneqarnerani, siunnersuuteqartup oqaatigisaatut tamaanna nunani allamiunik filmiliortartunik nunatsinnut soqutiginnilersitsisassammat.

Ilanngullugulu Naalakkersuisut oqaatigaat: ”UKA 2023 -imi immikkoortoq 46 akuersissutigineqarpoq imaattumik oqaasertalimmik: Inatsisartut aalajangiiffigisassaattut siunnersuut Naalakkersuisut peqqunneqarnissaannik saqqummiusseqqullugit filmiliortarneq pillugu Inatsisartut inatsisissaattut siunnersuummik saqqummiusseqqullugit. Aalajangiiffigisassatut siunnersuut saqqummiunneqarpoq siunnerfigalugu Naalakkersuisut ilanngutissagaat inassuteqaatigineqartut ersittut Naalakkersuisut “Nassuiaasiaat qanoq aaqqissuussinikkut kalaallit filmiliortarnerat nukittorsarneqarsinnaanersoq.” pillugu. Nassuiaasiami ersipput isumaliutersuutigineqartut filmilianik nunani allani soqutiginnilersitsiniarluni ussassaarisarnerit qanoq aaqqissuunneqartarsinnaanernik. Naalakkersuisut taamaattumik isumaqarput periarfissatsialaanagerusoq filmiliortartut aamma isiginnaartitsisartut tapersersorneqartarnissaat inatsit manna aqputigalugu nunani allani filmiliaminnik takoqusaarisarneranni.”

1.2 Inatsisissamik siunnersuusiornermi qulequttat pingaarnertit

Naalakkersuisut inatsisissamut piareersaasiornermi aallaavigisimavaat Naalakkersuisut nassuiaasiaat ” “Inassuteqaatit qanoq aaqqissuussinikkut kalaallit filmiliortarnerat nukittorsarneqarsinnaanersoq. ”. Naalakkersuisut ilanngullugu maluginiarsimavaat partiit isummersuutaat imm. 1.1. -imi aalajangiiffigisassatut siunnersuummi eqqaaneqartut, aamma oqallisissiaq aallaavigalugu oqallissimaneq, kiisalu aamma pissutsit Inatsisartut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaannit saqqummiunneqartut oqaluuserisassat immikkoortut UKA 2023/46 aamma UPA 2024/56-ip oqaluuserineqarnerineersut.

Naalakkersuisut inatsisiliassamik siunnersuusiornermi nunani allani filmiliortartunut atatillugu inatsisit atuuttut paasiniaavigisarsimavaat, minnerunngitsumik nunani avannarlerni pissutsit. Aamma misilittakkanik katersisoqarsimavoq nunanit avannarlerniit, filmiliortarnermut inatsisit atuuttut sunniutaat pillugit, tamatumani ilanngullugit aningaasartuutit ilaannik utertitsisarnernik aaqqissuussinerit atuuttut pillugit.

1.3 Siunnersuuttip ataatsimut isigisumik tunngavigisai ilisarnaataalu

Siunnersuut siunertaqarpoq siuarsaanissamik filmiliortarnermik, filmertarnerup kulturianik Kalaallit Nunaannilu filmertitsisarnerup siuarsarneqarnissaannik. Tamanna pingaarnertut aaqqissuunneqarpoq filminstituttimik pilersitsinissamik siunnersuuteqarnikkut, taaneqartumik Kalaallit Nunaanni filminstitutti, inatsisit naapertorlugit pisortanit pilersinneqartumik imminut ingerlattumik ingerlatsivimmik. Filminstituttimik pilersitsisoqarnissaa filmiliortarneq pillugu suleqatigiissitamit inassutigineqartut ilagaat.

Siunnersuummi malittarisassiuunneqarput instituttip siunertarisassai, aaqqissuussaannissaa aamma pisortaqaarneraa, tamatumani siulersuisoqassasoq pisortaqaassasorlu ulluinnarni aqutsisuusussamik.

Siunnersuummi siulersuisut aamma pisortap ulluinnarni aqutsisup akisussaaffigisassai suliassaalu aalajangersarneqarput. Tamatumunngalu ilaliullugu aalajangersarneqarpoq siulersuisut namminneq suleriaasissartik aalajangersassagaat, tassanilu ilaatigut ilaassasut suliassat qanoq agguataarsimaneri pillugit malittarisassat siulersuisut aamma pisortap akornanniittut.

Aamma aalajangersagaqarpoq siulersuisut qanoq katitsigaaanissaat, piffissaq atuuffissaat honorarissaallu pillugit. Siulersuisut katitsigaaanerat eqqarsaatigalugu eqqaaneqarsinnaavoq siulersuisut siulittaasuat Naalakkersuisunit toqqarneqartassasoq, ilaasortallu sinneri inassuteqarsinnaasutut nalunaarneqartunit inassuteqaatit tunngavigalugit Naalakkersuisunit toqqarneqartassasut. Siunnersuummi siulersuisuni ilaasortat piginnaanerisariaqagaanni piumasaaqaatit aalajangersagaapput, ilaasortat ataasiakkaat aamma siulittaasoq eqqarsaatigalugu. Kiisalu aamma aalajangersarneqarput killiliussat ilorraanut illuanullu kikkut siulersuisuni ilaasortaasinnaanannut, matumani aamma qassinik ukioqarnermut sumilu najugaqartuunissamut piumasaaqaatinik. Siunnersuummi aamma aalajangiunneqarpoq, sulisut taasisinnaatitaanani peqataasussamik aalajangiisinaanani siulersuisuni ataatsimiinnerni peqataasussamik toqqaassapput.

Kalaallit Nunaanni Filminstituttip siunertaata suliassaasalu aalajangersarneranni ilaatigut aalajangiunneqarpoq instituttip siunertarigaa siuarsassallugu filmiliortarnej, filminut kulturi aamma filmertarfeqarnermi Kalaallit Nunaanni kulturi.

Kalaallit Nunaanni Filminstituttip siunertaasa allat ilagaat nunamut tamarmut atuuttumik filmkommissionimik ingerlatsineq. Siunnersuummi aalajangiunneqanngilaq qanoq aaqqissussinikkut suliassap tamatuma ingerlanneqarnissaa. Siulersuisut pisussaaffigaat tamanna pillugu nalilersuisoqarnissaa aalajangiinissarlu.

Tamatuma saniatigut erseqqissarneqassaaq Kalaallit Nunaanni Filminstitutti aamma siunertaqarmat siuarsaanissamik proffessionelt-iusumik misileraaffiusumillu filmiliortarnej eqqumiitsuliorfiussasoq piginnaasalinnillu ineriartortitsiviussasoq, filmiliortarfiup ingerlanneqarneratigut.

Filmiliortarnej pillugu suleqatigiissitaq inassuteqaateqarpoq pingaarnernik, iluaqutissartaqassasoq filminstituttip, filmkommissionip aamma filmiliornermik ingerlatsiviup - filmværksted - ataatsimoortuutinnissaannut. Taamaattumik tamanna siunnersuummi tunngavigineqarpoq aaqqissuunneqarluni, suliassat filmkommissionimiittut aamma filmiliornermik ingerlatsivimmiittut tassaassammata Kalaallit Nunaanni Filminstituttip suliassaasa ilai.

Siunnersuummi aamma nalunaarsorneqarput suliassat Kalaallit Nunaanni filminstituttimit suliarineqartussat. Taamaasilluni aalajangersagaavoq instituttip suliassarigaa

aningaasaliissuteqartarnikkut tapersersuisarnissaq allaatigisaq filmiliornermi najoqqutassaliorneq, ineriartortitsinernik, nioqqutissiornermik, saqqummiussinernik, ussassaarinernik, takutitsisarnernik nassiussuisarnernillu kalaallit filmiliaannut atasuni, aamma peqatigiilluni filmilianut - koproduktion - kiisalu aamma ingerlatsinernik allanik Kalaallit Nunaanni filmiliornermik, filminut kulturimik aamma filmertarfeqarnermik siuarsaalluni suliani.

Aalajangersakkat taakkua qulequttatut ataatsimullu isiginnittumik suliaapput, taamaattumillu Naalakkersuisunut pisussaaffiliisoqarluni pineqartut pillugit ersarinnerusunik malittarisassiornissamik, tamatumani tapiisarnerit siunertaannut, tapiissutit annertussusissaannut, akilerneqartarnerannut aammalu allaffissornerannut.

Filmiliorarneq pillugu suleqatigiissitap ilanngullugu aamma inassuteqaatigaa malittarisassanik aalajangersaasoqassasoq, siullertut piunasaqaateqartunik kikkut tamarmik proffessionelt-iusumik imaluunniit aningaasarsuutigalugu Kalaallit Nunaanni filmiliorniartut, qimmiliorsinnaanermut akuersissummik qinnuteqartassasut. Tamatumunngalu tapiliullugu inassutigineqarpoq malittarisassaqaarnissaa akitsuummik akiliuteqartitsisarnissanut kikkunnulluunniit Kalaallit Nunaanni filmiliorniartut nalunaarsorneqartarnerannut akuersissummillu tunineqartarnerannut atatillugu akilerneqartartussamik. Naalakkersuisut nalunaarusiami naliliineq taamaattoq isumaqatigalugu nalunaarutigaa. Taamaattumik siunnersuummi aamma ilanngussisoqarpoq aalajangersakkamik Kalaallit Nunaanni filminstitutti aamma siunertaqarmat akuersissutinik suliaqartarnissanik aningaasarsuutigalugu Kalaallit Nunaanni filmiliornerneq atatillugu, paasissutissanillu pingaarnernik tamanik nalunaarsuisoqartarnissanik filmiliassat suliniutissat pillugit, tamatumunngalu akisussaasut pillugit. Erseqqissaatigineqarpoq tamanna tusagassiutigalugu sulianik ingerlatsinernut atuutinngimmat. Tamannalu pillugu aamma pingaarnertut aalajangersagaliortoqarpoq Naalakkersuisut ersarinnerusunik malittarisassiornissaannut qinnuteqaatinut akuersissuteqartarnerneq paasissutissanillu pingaarnernik nalunaarsuisarnernut, ilanngullugit aamma paasissutissat sorliit Kalaallit Nunaanni Filminstituttip tamanut saqqummiuttassanera. Siunnersuummi aamma aalajangersaasoqarpoq akitsuummik akiliuteqartitsisarnernut, akuersissutinik suliaqartarnerneq aningaasartuutinut matussutaasussanik, Naalakkersuisullu pisussaaffilerneqarlutik malittarisassiornissamut akuersissuteqartarnerneq Kalaallit Nunaanni filmiliornerneq atatillugu, tamatumani piunasaqaatinik saneqqutsisinnaaneq aamma taakkua ilusissaannut, piffissalersuinernut akiliutinullu annertussusissaannut.

Filmiliorarneq pillugu suleqatigiissitaq inassuteqarsimavoq filmiliornerneq aningaasaateqarfiliornissamik, Filminstituttimut atasuusussamik. Inassuteqaat pingaarnertut tunngaveqarpoq pissusissamisoortutut isigineqanngimmat filmiliornerneq tapiissutinik tunniussisoqartarnissaa Kalaallit Nunaanni Eqqumiitsuliornermut Aningaasaateqarfimmiit, eqqumiitsuliornermik suliniutinillu ataatsimut isigisumik eqqumiitsuliornerneq tapersersuisartumit. Taamaattumik siunnersuummi tusarniaassutigineqartumi aalajangersagaqarpoq Naalakkersuisut tamakkiisumik ilaannakuusumillu tigummisinnaagaat suliaassat allaffissornerneq ingerlanneqartarnerat Kalaallit Nunaanni Filminstituttip aningaasanik tapiissuteqartarneriniittut

anigaasaateqarfiliornikkut. Tusarniaanermi kattuffik Film.gl-ip maluginiaquaa filmiliorneq pillugu suleqatigiissitap anigaasaateqarfimmik atuinera siunnersuummi oqaatigineqartumit allaanerummat, filmiliornerlu pillugu suleqatigiissitap kissaatigaa Kalaallit Nunaanni Filminstituttip anigaasanik tapiissuteqartarneq isumagisassagaa, suliamullu taassuma isumaginissaanut Kalaallit Nunaanni Filminstitutti anigaasaateqassasoq. Taamaattumik Film.gl-ip takusinnaanngilaa sooq immikkut avataaneersumik filmiliornermut anigaasaateqarfimmik inatsisitigut tunngavissanik pilersitsisoqassanersoq, taamaattumillu siunnersuuteqarpoq tassunga aalajangersakkat siunnersuummiittut peerneqassasut. Naalakkersuisut tamanna tusaatissatut tiguaat taamaattumillu maannakkut siunnersuummi filmiliornermut anigaasaateqarfimmut aalajangersagaqanngilaq.

2. Siunnersuummi qulequttat immikkoortut pingaernerit

2.1 Inatsisit atuuttut

Filmiliornermik ingerlatsineq immikkut inatsisitigut aqunneqanngilaq, kisiannili Inatsisartut inatsisaanni assigiinngitsuni aalajangersakkat aqutugalugit filmiliornermut tapiissuteqartoqartarluni. Tamatumani Inatsisartut inatsisaat makkua atuupput:

- Eqqumiitsuliornermik ingerlatsineq pillugu Inatsisartut inatsisaat nr. 11 ulloq 6. juni 2016-imeersoq, kingullermik allannguuteqartoq Inatsisartut inatsisaanni nr. 33, ulloq 13. juni 2023-imeersumi. Ataatsimoortitaq Eqqumiitsuliornermik ingerlatsineq pillugu Inatsisartut inatsisaannik Namminersorlutik oqartussat nalunaarutaanni nr 5 ulloq 25. Januar 2024-mi.
- Anigaasanoorutit ilaannit iluanaarutinit agguaassisarneq pillugu Inatsisartut Inatsisaat nr. 10 ulloq 22. november 2011 -imeersoq.
- Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5, ulloq 6. juni 2016-imeersoq.

Eqqumiitsuliornermut inatsit pillugu

Eqqumiitsuliorneq pillugu inatsimmi § 1, imm. 1-imi, aalajangersarneqarpoq eqqumiitsuliornermik ingerlatsinermi ilaasut eqqumiitsuliornermik suliassaqaarfimmi eqqumiitsulioriaatsit tamarmik, matumani aamma filmiliorneq. § 1, imm. 5 -imi, aalajangiunneqarpoq eqqumiitsuliorneq filmiliornerusoq tassaasoq assit uumassusillit aalasut suulluunniit, apeqqutaatinnagu taakkua qanoq immiunneqarsimaneri saqqummersittarneriluunniit, tamatumani aamma assilisat atorlugit filmiliat aamma video atorlugu suliat, tv-iimi aallakaatinneqartut kisiisa pinnagit.

Eqqumiitsuliornermik inatsimmi kapitalimi 2-mi malittarisassanik aalajangersaasoqarpoq akisussaaffiit suliassallu agguataarneqarnissaat eqqarsaatigalugit Naalakkersuisut aamma kommunalbestyrelsit akornanni. Taamaasilluni § 2, imm. 1-imi aalajangersarneqarpoq Naalakkersuisut Kalaallit Nunaanni eqqumiitsuliornikkut ingerlatsineq siuarsagarissagaat, aamma kalaallit eqqumiitsuliornerat nunani allani ilanngullugu, sapinngisamillu innuttaasut ammaallugit aqutissiuullugillu eqqumiitsuliornikkut neqeroorutinik eqqumiitsuliornermillu nunanit allaneersunik. Tamatumunngalu tapiliullugu § 3, imm. 1-imi aalajangiunneqarpoq Naalakkersuisut pisussaaffitik naammassisassagaat Inatsisartut Inatsisaat pineqartoq naapertorlugu, ilanngullugit

ininik tamatumunnga naleqquttunik pilersitsisarnikkut, avatangiisinillu tamatumunnga atatillugu aaqqissuussisarnertigut, siunnersuinermillu neqerooruteqarlutik fagitigut kiffartuussinertigut, neqerooruteqarlutillu ilinniagassanik, qaffasinnerusunik ilinniagaqarsinnaanernik ilinniaqqittarnernillu.

§ 4 -mi aalajangersarneqarpoq kommunalbestyrelsip siuarsassagaa kommunimi eqqumiitsuliornikkut ingerlatsineq, sapinngisamillu qularnaarniarlugu kommunimi innuttaasut periarfissaqarnissaat kalaallit eqqumiitsuliaannut eqqumiitsuliornermili ingerlatsinernut, siammasissumik tamatigoortumillu kalaallit eqqumiitsuliaannut eqqumiitsuliornermilu ingerlatsinerannut neqerooruteqartitsisarnertigut, ilanngullugit nunanit allaniit eqqumiitsuliornermik ingerlatsineq. Tamatumunngalu tapiliullugu § 5 -imi aalajangerneqarpoq kommunalbestyrelsip naammassisassagai pisussaaffini Inatsisartut inatsisaanni uani, ininik naleqquttunik avatangiisinillu naleqquttunik periarfissaqartitsinikkut, kommunalbestyrelsillu ilanngullugu aningaasatigut tapiissuteqartarneq isumagissagaa, allatigullu perrassarlugu eqqumiitsuliornermik ingerlatsineq.

Eqqumiitsuliornermik inatsimmi kapitalimi 3 -imi malittarisassanik aalajangersaasoqarpoq tapiiffigineqarsinnaasunik ingerlatsinermut aamma tapiissuteqartarnernik aaqqissuussinernik.

Eqqumiitsuliornermik inatsimmi § 6 -imi aalajangerneqarpoq Naalakkersuisut aamma kommunalbestyrelsit tapiissuteqartarsinnaasut sanaartukkanut, aserfallatsaaliinernut ingerlatsinernullu illuutinik, ininik avatangiisinillu allanik eqqumiitsuliornermi atorneqartartunut, matumani aamma ininut saqqummersitsiviusartunut, filmertarfinnut, isiginnaartitsisarfinnut, ininut sungiusarfiusartunut aamma ataatsimiittarfinnut katersortarfinnullu. Ilanngullugulu aamma aalajangersarneqarpoq kommunalbestyrelsi allalluunniit sanaartukkanut, aserfallatsaaliinermut aamma ingerlatsinernut illuutinik, ininik avatangiisinillu allanik tapiissuteqartarpata, eqqumiitsuliornermi atorneqartartunut, taava Naalakkersuisut aningaasartuutit tamakkiisumik ilaannakuusumilluunniit utertittarsinnaagaat. § 7 -imi aalajangersagaavoq Naalakkersuisut kommunalbestyrelsi isumasioreerlugu malittarisassiorsinnaasut tapiissuteqartarnernut sanaartukkanut, aserfallatsaaliinernut aamma illuutinik avatangiisinillu allanik ingerlatsinernut, eqqumiitsuliornermik ingerlatsinermi atorneqartartunut, matumani aamma akisussaaffiit agguataarneqarnerannut, tapiissuteqartarnerni atugassarititaasunik, qinnuteqartarnermi periaasiusussanik, naatsorsuutitut kukkunersiuissarnernullu aamma tunngasuni. Pisinnaatitaaneq taanna atorneqarsimangilaq.

Eqqumiitsuliornermut inatsimmi §§ 8-11 aalajangersagaqarpoq malittarisassanik tapiissuteqartarnermut eqqumiitsuliornermik ingerlatsinernut, taamaattunillu avammut saqqummiussisarnernut (tusagassiisarnernut).

§ 8 -mi aalajangiunneqarpoq Naalakkersuisut aamma kommunalbestyrelsit tapiissuteqarsinnaasut makkununnga:

- 1) eqqumiitsuliornermik ingerlatsinermut, matumanissaaq angalanernut aningaasartuutitut matussutissanik ineqarnernullu aningaasartuutitut matussutissanik,
- 2) eqqumiitsulianik ineriartortitsineranut suliaqarnernullu, matumanissaaq atortussanut eqqumiitsuliornermi, aamma
- 3) saqqummersitsisarnernut eqqumiitsulianillu allatigut saqqummiussuisarnernut.

§ 8, imm. 2 -mi, aalajangiunneqarpoq imm. 1 naapertorlugu tapiissutit tapiissutissanut qularnaveeqqusiinertut aaqqissuunneqarsinnaasut, tapiissuteqartarnermi atugassarititaasut naammassineqarnissaannut.

§ 8, imm. 3 -mi, Naalackersuisut pisussaaffiligaapput malittarisassiornissamik eqqumiitsuliornermik ingerlatsinermi tapiissuteqartarnermik aaqqissuussinernut tamakkualu oqaluttuarineqartarnerannut, matumani aamma tapiissutisisinnaasunik killiliinernik, tullerriiaarisarnermi atugassarititaasunik, suut pineqarnerannik aamma tapiissutit annertussusissaannik, tapiissutitut atugassarititaasunik, qinnuteqartunut piumasagaatinik, periaatsinik, allaffissornermut naammagittaalliuteqartarnermullu. Tamanna pisimavoq Namminersorlutik Oqartussat nalunaarutaatigut Eqqumiitsuliornermik ingerlatsineq tamatuminngalu ingerlatitseqqiisarneq pillugit Namminersorlutik Oqartussat nalunaarutaat nr. 75, ulloq 21. december 2021 -imeersoq aqquitalugu. Nalunaarummi malittarisassat ataani eqqaaneqassapput.

Aalajangersaasoqarpoq § 8 a aamma b -mi malittarisassanik ataqqinaammik tunniunneqartartunut atasunik:

” **§ 8 a.** Naalackersuisut eqqumiitsuliornermi pinngorartitsisunut ataqqinaammik tunniuttagaqarsinnaapput eqqumiitsuliornermik suliaqartunut eqqumiitsuliornermik suliaqartuni pingaaruteqartutut inissisimasunut.

Imm. 2. Ataqqinaammik tunniuttakkat eqqumiitsuliornermi pilersitsiortukkat pitsaassusiisa naliliivigineri taamaallaat tunngavigalugit tunniunneqarsinnaapput.

Imm. 3. Ataqqinaammik tunniuttakkanik sisamanik ukiunik qulinik sivisussusilikkamik tunisisoqarsinnaavoq. Ataqqinaammik tunniuttagaq tunniunneqarsimanngikkaangat ukiunik qulinik sivisussusilikkamik kingumut tunisisoqarsinnaanngusaaq.

Imm. 4. Ataqqinaammik tunniunneqartartut pillugit aalajangersakkanik erseqqinnerusunik Naalackersuisut aalajangersaassapput, tassunga ilanngullugit § 1, imm. 1-imi piumasagaatit aamma eqqumiitsuliorfiusutut eqqaaneqartut akornanni agguassinerit.

§ 8 b. Ataqqinaatissiissutitut tunniunneqartartunut aningaasat tunngaviusut ukiumut ataatsimut 250.000 kr.-iupput.

Imm. 2. Aningaasat tunngaviusut procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni maleruagassat malillugit procentimik aaqqiissutissamik ukiunut aningaasanut inatsiseqarfiusunut tamanut iluarsineqartassapput.

Imm. 3. Ataqqinaammik tunniuttakkat isertitat naapertorlugit annertussusilerneqartassapput.

Imm. 4. Ataqqinaammik tunniuttakkat isertitat naapertorlugit annertussusilerneqartarnissaat pillugit Naalakkersuisut malittarisassanik aalajangersaassapput.”

Ataqqinaammik tunniussisarnermut malittarisassanik sulii aalajangersaasoqarpoq.

§ 8 c -mi aalajangersagaqarpoq maleruagassanik eqqumiitsuliortunik nersorinnittarnermut:

” § 8 c. Aningaasanut inatsimmi aalajangersarneqartut aningaasatut sinaakkusiussat iluanni eqqumiitsuliortunik honorarisitsinermit Naalakkersuisut tapiissuteqarsinnaapput.

Imm. 2. Eqqumiitsuliortunik nersornaasiilluni tapiissuteqarneq pillugu Naalakkersuisut malittarisassanik aalajangersaassapput ukunatigut, aalajangiinermi tunngaviit pillugit, amerlassusaat pillugit aamma § 1, imm. 1-imi eqqumiitsulioriaatsit taaneqartut akornanni agguaneq pillugu.”

Eqqumiitsuliortunik nersorinninniutitut honorarisititsisarnermut sulii maleruagassiortoqanngilaq.

§ 9 -mi malittarisassanik aalajangersaasoqarpoq kalaallit eqqumiitsuliaannik pisisarnernut:

” § 9. Naalakkersuisut aamma kommunalbestyrelsi kalaallit eqqumiitsuliaannik pisiortorsinnaapput, takussutissatut katersugaateqalernissaq siunertaralugu aamma inissaq tamanit tikinneqartoq pinnersarumallugu.

Imm. 2. Naalakkersuisut kalaallit eqqumiitsuliaannik pisiortornissaq pillugu malittarisassanik aalajangersaasinnaapput, tamatumunnga ilanngullugit agguassineq, piginnittuunermit tunngasut aserfallatsaaliinerlu.”

Pisinnaatitsineq kalaallit eqqumiitsuliaannik pisisarnissanut atorneqanngilaq.

§§ 10 aamma 11 ilanngullugu malittarisassanik aalajangersagaqarpoq eqqumiitsuliassanik inniminniisarnernut aamma takusassiarinnittarnernut aningaasarsiassanik:

” § 10. Naalakkersuisut aamma kommunalbestyrelsi inissap tamanit tikinneqartartup pinnersarnissaa siunertaralugu kalaallit eqqumiitsuliaannik suliaqartitsisinnaapput (eqqumiitsuliat suliaqqiissutit).

Imm. 2. Naalakkersuisut aamma kommunalbestyrelsi inissap tamanit tikinneqartartup pinnersarnissaa siunertaralugu eqqumiitsulianik suliaqartitsinngikkaluarlutik suliniutinik allanik aallartitaqarsinnaapput, tamatumunnga ilanngullugit siunnersuusiortitsineq, isumassarsiortitsineq, unammisitsinerit aamma inissami tamanit tikinneqartartumi eqqumiitsulianut suliaqartitsisatut pilersaarutaareersunut tapiissuteqarneq.

Imm. 3. Naalakkersuisut eqqumiitsuliat suliaakkiissutit suliniutillu allat inissap tamanit tikinneqartartup pinnarsarnissaanik siunertaqartut pillugit malittarisassanik aalajangersaasinnaapput, tamatumunnga ilanngullugit agguaassineq, piginnittuunermet tunngasut aserfallatsaaliinerlu.

§ 11. Naalakkersuisut eqqumiitsuliortut suliaat pisortanut suliffeqarfinnullu saqqummersitassatut atukkiunneqarsimatillugit taakkununnga honorarisiaqartitsinissaq pillugu malittarisassanik aalajangersaasinnaapput, tamatumunnga ilanngullugit suliat honorarisiarineqarsinnaasut killilersornerat, honorarisiassat naatsorsornerat honorarisiallu tunniunneqarnerat.”

Eqqumiitsuliassanik inniminniisarnermut aamma saqqummersitsinermut honorarisiassanik malittarisassanik suliaqarnissaq suli atorineqanngilaq.

Eqqumiitsuliornermik ingerlatsinermut inatsimmi §§ 12 aamma 13 ileqqussanik aalajangersaapput eqqumiitsuliornermik ingerlatsinermut tapiissuteqartarnermi:

” **§ 12.** Naalakkersuisut eqqumiitsuliornermik ingerlatsinermut tapiissutaat sallerpaatillugu nuna tamakkerlugu aamma inuussutissarsiutigalugu eqqumiitsuliornermik ingerlatsinermut atorineqassapput.

Imm. 2. Kommunalbestyrelsip eqqumiitsuliornermik ingerlatsinermut tapiissutaat pingaarnerpaatillugu najukkami eqqumiitsuliornermik ingerlatsinermut atorineqassapput.

§ 13. Naalakkersuisut aamma kommunalbestyrelsi eqqumiitsuliornermik ingerlatsinermut tapiisassapput eqqumiitsuliornermik pitsaassutsip piginnaaneqassutsillu nalilerneqarnerat tunngavigalugu.

Imm. 2. Naalakkersuisut tapiissutinik tunniussinerminni aammattaq sapinngisaq naapertorlugu makku ilatinniassavaat:

- 1) eqqumiitsuliornermik § 1-imi taaneqartut iluanni eqqumiitsuliornermik saqqummeeriaatsillu tamaasa,
- 2) eqqumiitsuliornermik ingerlatsineq eqqumiitsuliornermik arlalinnik akimuisoq,
- 3) eqqumiitsuliornermik ingerlatsineq meeqqanik inuusuttunillu peqataatitsisoq imaluunniit meeqqanut inuusuttunullu saaffiginnittoq, aamma
- 4) nunami tamarmi eqqumiitsuliornermik ingerlatsineq sumiiffinnut assigiinngitsunut siammaassisoq.”

Eqqumiitsuliornermik ingerlatsinermut inatsimmi eqqumiitsuliornermik tamarmik pineqarput, tamatumani uani eqqaaneqartut eqqumiitsuliornermik malittarisassat malittarisassallu sinneri, matumani aamma naatsorsuusiornernut kukkunersiuisarnernullu, naammagittaalliteqartarnermut il. aamma filmiliornermik ingerlatsinermi atorineqassallutik.

Eqqumiitsuliornermik ingerlatsineq pillugu inatsimmi § 16 a -mi eqqumiitsuliornermik ingerlatsinermi malittarisassat aalajangersarneqarput:

” § 16 a. Naalackersuisut eqqumiitsuliornermik tamakkuninngalu siammarterineramik ingerlatsisunut tapiissutissaannik tamakkiisumik tamakkiisuunngitsumilluunniit aningaasaateqarfimmik isumaginnittussamik pilersitsisinnaapput.

Imm. 2. Naalackersuisut siunertat, suliassat, inissitsiterineq atuunnerlu pillugit malittarisassanik sukumiinerusunik aalajangersaasinnaapput, tassunga ilanngullugit honorarisianut, aningaasaliinernut allatseqarnikkullu siunnersuisoqatigiinnik, ataatsimiititalianik assigisaannillu sullissinerit tamakkiisumik tamakkiisuunngitsumilluunniit Naalackersuisut eqqumiitsulianik ingerlatsisunut tapiissutaannik tamakkuninnga siammarterisunut tunngatillugu suliassanik isumaginnissinnaasunik.

Imm. 3. Aningaasaateqarfiup Naalackersuisut eqqumiitsuliornermik ingerlatsisunut tamakkuninngalu siammarterisunut tapiissutaannik tamakkiisumik amakkiisuunngitsumillu isumaginnittup suliassai pillugit Naalackersuisut malittarisassanik aalajangersaasinnaapput, aamma suliassanik allanik suliassanik isumagisanut attuumassuteqartunik isumaginnittussamut, tassunga ilanngullugit eqqumiitsuliornermik ingerlatsinerit pillugit apeqqutini siunnersuisarnerit.”

Naalackersuisut Kalaallit Nunaanni Eqqumiitsuliornermut Aningaasaateqarfik pillugu Namminersorlutik Oqartussat nalunaarutaat nr. 43 ulloq 13. august 2021-imeersoq aqqutigalugu malittarisassiorput Kalaallit Nunaanni eqqumiitsuliornermik aningaasaateqarfimmiit eqqumiitsuliornermik ingerlatsinermi tapiissuteqartarnermut. Kalaallit Nunaanni Eqqumiitsuliornermut Aningaasaateqarfik pilersinneqarpoq nalunaarut aqqutigalugu ulloq 1. januar 2022.

Eqqumiitsuliornermik Aningaasaateqarfik aqunneqarpoq siulersuisunit 5 -inik ilaasortalimmit, Kulturimut Naalackersuisunit ukiunut 4-anut toqqarneqartunik.

Kalaallit Nunaanni Eqqumiitsuliornermik Aningaasaateqarfiup siunertaraa Kalaallit Nunaanni eqqumiitsuliornerup siuarsarneqarnissaa, ilanngullugit kalaallit nunani allani eqqumiitsuliaat, sapinngisamillu aningaasaateqarfiup qularnaarniartussaallugu innuttaasut ammaanneqarnissaat eqqumiitsuliornikkut neqeroorutitut tamatigoortunut, nunaniillu allanit eqqumiitsulianut. Kalaallit Nunaanni Eqqumiitsuliornermik Aningaasaateqarfiup ingerlatsinerani ilaapput eqqumiitsulioriaatsit Eqqumiitsuliornermut inatsimmi pineqartut tamarmik.

Kalaallit Nunaanni Eqqumiitsuliornermik Aningaasaateqarfiup suliassaraa makkunuuna tapiissuteqartarneq:

- 1) Eqqumiitsuliornermik ingerlatsineq, matumani aamma angalanernut ineqarnernullu aningaasartuutunik matussusiisarneq,
- 2) ineriartortitsisarneq nioqqutissiornernullu eqqumiitsulianik, matumani aamma eqqumiitsuliornermik ingerlatsinermi atortussat, aamma
- 3) saqqummersitsisarneq aammalu eqqumiitsuliornermik ingerlatsineq pillugu saqqummiussisarneq.

Eqqumiitsuliornermik Aningaasaateqarfik suliassanik allanik aamma isumaginnissinnaavoq, suliat ingerlannerannut tunngasunik, matumani aamma siunnersuineranut eqqumiitsuliornermik ingerlatsineranut apeqqutini.

Siulersuisut toqqaasarpud immikkut ilisimasalinnik piffissamut ukiunik 2-nik sivilissusilinnut eqqumiitsulioriaatsini makkunani: arkitekturi, assilialiorneq, filmiliorneq, assassukkanik eqqumiitsuliorneq aamma ilusilersuineq, atuakkiorneq, nipilersorneq aamma isiginnaartitsineq.

Immikkut ilisimasallit namminneq eqqumiitsuliornermi susassaarfimminni nalilersuivigisarpaat qinnuteqaatit tiguneqartut, tamannalu tunuliaqutaralugu Kalaallit Nunaanni Eqqumiitsuliornermut Aningaasaateqarfiup siulersuisuiner inassuteqaasiortarlutik tapiissutinik tunisisoqarnissaanut, tamatumani aamma tapiissutit ilusissaannut, annertussusissaannut piffissamullu atuuffissaannut. Siulersuisut tapiissutinik tunniussisarput inassuteqaatinik immikkut ilisimasalinneersunik tunuliaqutaqartunik. Siulersuisut immikkut ilisimasallit inassuteqaataannut pitussimasanngillat.

Eqqumiitsuliornermut inatsimmi pisinnaatitsissummik tunngaveqartumik Eqqumiitsuliornermik ingerlatsineq tamatuminnngalu ingerlatitseqqiisarneq pillugit Namminersorlutik Oqartussat nalunaarutaanni nr. 75 ulloq 21. December 2021-meersumi malittarisassaqqarpoq eqqumiitsuliornermik ingerlatsineranut tamatuminnngalu ingerlatitseqqiisarnermut.

Nalunaarut aalajangersaavoq atortitsiviusumik killiliillunilu kikkut tapiiffigineqarsinnaanersut pillugu. Taamaasilluni § 1 -imi aalajangerneqqarpoq nalunaarut atortinneqqartoq tapiissutinik Naalakkersuisunit, siunnersuisoqatigiinnit, ataatsimiititaliamit, aningaasaateqarfimmit aamma assigisaanit tunniunneqqartartunik allaffissornermut, ingerlatitseqqiisarnermullu (allaffissornermik ingerlatsisoq). Tassalu imaappoq, taanna atortinneqqarpoq Kalaallit Nunaanni Eqqumiitsuliornermut Aningaasaateqarfiup allaffissornermut ingerlanneqqarneranut.

Kiisalu aamma malittarisassanik aalajangersaasoqqarpoq tapiissuteqqartarnermi ilusissanut tapiissutinullu piimasaaqatiner. Tapiissuteqqariaatsit nalunaarut naapertorlugu tassaasinnaappud suliniutinut tapiissutit, sulinissanut legatit tunissutit, tapiissuteqqarnissamut qularnaveeqqutit, aningaasartuutit ilaannik matussusiineq aamma ingerlatsineranut tapiissutit.

Piffissami matumani tunniunneqqartarput kulturikkut nersorinninniutit nersornaat aamma qiimmassaatit nersornaat. Nersornaatit taakkua inatsisitigut annertussusissaannik akinullu iluarsiiisutinik aqunneqanngillat, kisiannili malittarisassatigut, Naalakkersuisunit suliaasutigut, saqqummiunneqqartutigut Naalakkersuisut.gl aqqutigalugu. Aammalu aningaasanut inatsisikkut aningaasaliissutissanik annertussusiliisoqqartarluni. Nersornaatit pineqqartut ukiut tamaasa tunniunneqqartarput kulturikkut ingerlatsisumut arlaqqartunulluunniit. Naatsorsuutigineqqarpoq nersornaatit pillugit nalunaarusiamik saqqummiussisoqassasoq.

Tips- aamma Lotto pillugit inatsit

Kalaallit Nunaanni Eqqumiitsuliornermut Aningaasaateqarfiup saniatigut aamma aningaasaliissuteqarpoq Danske spil-imiit, taaneqartunik “Tips- og Lottomidlerne”, aningaasanoorutinit tapiissutit, Naalakkersuisunit aqunneqartut.

Aningaasanoorutit ilaannit iluanaarutinit agguaassisarneq pillugu Inatsisartut Inatsisaat nr. 10, ulloq 27. november 2011-imeersoq inatsisitigut tunngaviuvoq, kiisalu aamma Aningaasanoorutit ilaannit aningaasanik agguaassisarneq pillugu tapeeriaatsit, tapiiffigineqarnissamut piunasaqaatit il.il. pillugit Namminersorlutik Oqartussat nalunaarutaat nr. 16, ulloq 11. maj 2020-imeersoq inatsisitigut tunngaviupput aningaasaliissuteqartarnernut.

Tips- aamma lotto -mit aningaasaliissutit immikkoortuni 4 -ani agguaanneqartarput: 1) timigissartartunut (breddeidræt), matumani aamma innarluutilinnut utoqqarnullu timersortartunut, 2), piginnaanilinnut timersortartunullu pikkorinnernut, 3) meeqqanut inuusuttuaqqanullu peqatigiiffinnut aamma 4) siunertanut nalinginnaasumik iluaqutaasussanut, tamatumani aamma kulturikkut siunertanut, innuttaasunik paasisitsiniaanernik siunertanut aamma pinaveersaartitsinernut, isumaginninnermi siunertanut, silaannarmi ingerlatsisarnernik siunertanut aamma ilisimatusarnerni siunertanut nalinginnaasunut (taanna pulje c-tut taaneqartarpoq).

Qinnuteqartoqarsinnaavoq siunertanut marlunnut pulje c-meersunut:

- *Suliniutinut tapiissutit*
 - Tassani ilaapput tapiissutigineqartartut suliniutinut piffissami killilimmi ingerlanneqartussanut, qinnuteqarfissap naareernerani aallartinneqartussanut.
 - 75 % -i angullugu matussusiisoqartarpoq aningaasartuutissani missingersuusiani tapiiffigineqarsinnaasuni, taamaattoq qaffasinnerpaamik 200.000 kr.-it.
 - Tapiissuteqartoqarsinnaavoq suliniutinut qinnuteqarfissap naareerneraniit ukiut 5-it iluanni ingerlanneqartussanut.
 - Ukiumut sisamariarluni piffissalikkalik qinnuteqartitsisoqartarpoq.
- *Ingerlatsinernut tapiissutit:*
 - Tassani ilaapput ingerlatsinernut tapiissutit, assersuutigalugu sulisunut tapiissutit, ininut, allaffissornernut, paasissutissiisarnerni atortunut aamma siulersuisuni sulinernut tapiissutit, taamaattoq siulersuisut honorisiassaas pinnagit.
 - Ukiumut annerpaamik 90.000 kr.-it.

Suliniutit pilersaarummut tapiissutit inunnit Kalaallit Nunaanni najugaqartunit aamma inatsisitigut pisinnaatitaasut Kalaallit Nunaanni angerlarsimaffeqartunit qinnutigineqarsinnaapput. Peqatigiiffiit kattuffiillu qulit ataallugit akiliisartunik ilaasortallit suliniutinut pilersaarutinit tapiiffigineqarsinnaanngillat.

Ingerlatsinermi tapiissutinik qinnuteqartoqarsinnaavoq peqatigiiffinnit aamma kattuffinnit nuna tamakkerlugu ingerlatsisuusunit 10 -inik sinnerlugilluunniit ilaasortalinnit Kalaallit Nunaanni angerlarsimaffilinnik, ingerlatsinermullu tapiissutit annerpaamik ukiumut 1-imut tunniunneqarsinnaallutik. Ukiut tamaasa qinnuteqartoqaqqissinnaavoq.

Qaffasinnerpaamik qinnuteqarfissap naareerneraniit ukioq ataaseq siumut tapiissutisisoqarsinnaavoq.

§ 8, imm. 2, Tips-imut lotto-mullu nalunaarummi naapertorlugu Kultureqarnermut Naalackersuisoq tapiissutinut atugassarititaasunik aalajangiisinnaavoq.

Suliniuteqarfinni naalackersuinikkut immikkut pingaartinneqartuni 200.000 kr.-init qaffasinnerusunik tapiisoqarsinnaavoq.

Kultureqarnermut Naalackersuisoq aalajangersimavoq iliuusissat imaluunniit suliniutit inuunermi nalilinnut tunngasunik paasisitsiniaanernut tunngasutut, inuiaqatigiinni atugarissaarnermik nukittorsaaniarnerit, aamma inuttut eqqarsartaatsimi atugarissaarnermut tunngasut, aammalu ilaqutariit meerartallit utoqqaallu inuunerannik siuarsaaviusut immikkut pingaartinneqassasut. Kiisalu aamma iliuitsit imaluunniit suliniutit eqqumiitsuliornermut, nipilersornermut imaluunniit isiginnaartitsisarnikkut neqeroorutinut ilaqutariinnut sammisut pingaartinneqassapput.

Tips-imit lotto-millu aningaasaliissutitsigut tapiissutinik aningaasaliisoqarsinnaanngilaq aningaasarsiutigalugu nioqutissianut atasunik.

Kultureqarnermut sunngiffimmilu sammisassaqaartitsinermit inatsimmut tunngatillugu
Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5 ulloq 6. juni 2016 -imeersoq aallussivoq erseqqissaaniarnermik pisortani oqartussat akisussaaffiannik aamma pisinnaatitaaffiannik suliassaqarfimmi matumani tapiissuteqartarnernut.

Naalackersuisut § 2, imm. 1 naapertorlugu pingaarnertut akisussaapput nunatsinni sumiiffinni tamani kulturikkut sunngiffimmilu sammisassaqaartitsinikkut Inatsisartut inatsisaat naapertorlugu ingerlatsisoqarnissaanut, aamma kommunalbestyrelsit peqatigalugit peqataanissaannut tamatumani killiussat atugassarititaasut pitsaasuunissaannut.

§ 2, imm. 2 naapertorlugu Naalackersuisut Inatsisartut inatsisaanni pisussaaffimmi naammassineqarnissaannut:

- 1) aningaasannik tapiissuteqarsinnaapput allatigullu qiimmassaasinnaallutik ineriartornermik aamma nioqutissiornermik, ingerlatsinermik, atuinermillu kulturikkut sunngiffimmilu sammisassaqaartitsinermik ingerlatsillutik,
- 2) peqataasinnaapput ininik naleqquttunik allatigullu avatangiisinik pilersitsisarnernut,

- 3) atugassiisinnaallutik ininik avatangiisinillu naleqquttunik,
- 4) siunnersuinikkut kiffartuussisinnaallutik kommuninik, aammalu
- 5) neqeroorsinnaallutik naleqquttunik ilinniagassanik, qaffasinnerusunik ilinniakkanik ilinniaqqittarnerillu.

Kommunalbestyrelse § 3 naapertorlugu pingaarnertut akisussaavoq kommunimi kulturikkut sunngiffimmilu sammisassaqaqtitsinernut. Kommunalbestyrelse anguniakkanik aamma killiliussanik tamatumunnga aalajangersaassaaq, kommunini innuttaasut periarfissaqaqtikkumallugit ineriartornissamut, sammisqaqarnissamut kulturikkullu neqeroorutininik tamatigoortunik atuisinnaanermut.

§ 5, imm. 1 -imi malittarisassamik aalajangersaasoqarpoq qanoq kommunalbestyrelsip Inatsisartut inatsisaannik tunngaveqaqtunik pisussaaffimminik naammassinnittarnissaanik. Tamanna pisassaaq ininik siunertanut naleqquttunik avatangiisinillu atugassiisarnikkut, aamma ininik silamilu pisariaqaqtunik ingerlatsinernut tapiissuteqaqtarnikkut, meeqqat inuusuttullu peqatigiiffiinit kattuffiinillu pigineqaqtunut imaluunniit atugassiissutigineqaqtunut. Tamatumunngalu ilaliullugu § 5, imm. 2 -mi aalajangerneqarpoq kommunalbestyrelsip Inatsisartut inatsisaat naapertorlugu pisussaaffimminik naammassisaqaqtarnissaa, makkunuunatigut:

- 1) peqataasarnikkut ininik avatangiisinillu naleqquttunik atugassiisarnikkut aamma ingerlatsinermut tapiissuteqaqtarnikkut, kulturimut sunngiffimmilu sammisassaqaqtitsinernut atorneqaqtartunut, aamma
- 2) aningaasatigut tapersiisarnikkut allatigullu perrasaanikkut ineriartortitsisoqarnerani aamma nioqqutissiornermi, ingerlatsinermi aamma kulturikkut sunngiffimmilu sammisassaqaqtitsinermik ingerlatsinikkut.

§ 5, imm. 3 -mi, aalajangersarneqarpoq Naalackersuisut malittarisassiorsinnaasut kommunalbestyrelsip pisussaaffiitut ininut naleqquttunut avatangiisinullu allanut imm. 1 naapertorlugu. Pisinnaatitsineq taanna iluaqutigineqanngilaq.

Kapitali 3-mi ingerlatsinerit tapiiffigineqarsinnaasut tapiissuteqariaatsinullu tunngatillugu sinaakkutit aalajangersimasumik tigussaasunut aalajangersakkat aamma suliniutinut aalajangersakkat avinneqarput.

Naalackersuisut aamma kommunalbestyrelsit § 7, imm. 1, naapertorlugu tapiissuteqaqtarsinnaapput sanaartukkanut, aserfallatsaaliinernut aamma ingerlatsinernut, ininut avatangiisinullu allanut, kulturikkut sunngiffimmilu sammisassaqaqtitsinernut atorneqaqtartunut, matumani fritidshjemminut, sunngiffinni sammisassaqaqtitsivinnut klubinut, ininut saqqummersitsiviusartunut, ininut sungiusarfiusartunut aamma ataatsimiittarfinnut katersortarfinnullu. Tamatumalu saniatigut aamma Naalackersuisut § 7, imm. 2 naapertorlugu kommunalbestyrelse imaluunniit allat tapiissuteqaqtarpata sanaartukkanut, aserfallatsaaliinernut aamma ingerlatsinernut, ininut

avatangiisinullu allanut kulturikkut sunngiffimmilu sammisassaqtitsinernut atorneqartartunut, tapiissutit taarserlugit utertissinnaavaat tamakkiisumik ilaannakuusumilluunniit.

Naalackersuisut § 8 naapertorlugu aamma kommunalbestyrelse isumasioreerlugu malittarisassiorsinnaapput sanaartukkanut, aserfallatsaaliinernut aamma ininik ingerlatsinernut avatangiisinillu allanik ingerlatsinernut kulturikkut sunngiffimmilu sammisassaqtitsinernut atorneqartartunut, matumani aamma akisussaaffiit suliassallu agguataarneqartarnerannut, tapiissuteqartarnermi piumasaqaatinut atugassarititaasunullu, qinnuteqarnermi periaaserineqartussanut, naatsorsuusiortarnernut aamma kukkunersiuisarnernut.

§ 9, imm. 1, -imi aalajangersarneqarpoq Naalackersuisut aamma kommunalbestyrelsit sutigut tapiissuteqartarsinnaanersut:

- 1) ingerlatsisarnernik ineriartortitsinernut aamma ingerlanneqartussanik aaqqissuussinernut, matumani ilanngullugit tamatumani atortussanut,
- 2) ingerlatsineq, matumani ilanngullugit angalanernut ineqarnernullu aningaasartuutitut,
- 3) peqatigiiffiit aamma kattuffiit ingerlanneqarnerannut, kulturikkut sunngiffimmilu sammisassaqtitsinernik ingerlatsisuni,
- 4) aaqqissuussinernut isernermut akiliutissanik apparsaanernut, peqataanermut akiliutissanut assigisaannullu, aamma
- 5) saqqummersitsinernut tusagassiisarnernullu aamma.

§ 9, imm. 2, naapertorlugu Naalackersuisut aammattaaq tapiissuteqarsinnaapput Kalaallit Nunaata avataani kulturikkut sunngiffimmilu sammisassaqtitsinernut.

§ 9, imm. 3, naapertorlugu Naalackersuisut aamma kommunalbestyrelsip imm. 1 naapertorlugu tapiissutinik agguaassinermi isiginiartassavaat meeqqat inuusuttullu avatiminni killeqartunik atuisinnaasut inuttullu nalorninartunik inissisimasut peqataaffigisartagaat.

§ 9, imm. 4, naapertorlugu Naalackersuisut imm. 1 tunngavigalugu tapiissutinik tunniussinerni sapinngisamik isiginiartassavaat ingerlatsinerit nunamut tamarmut atasumik suliaasut, imaluunniit ingerlatat kommuninit arlaqartunit peqataaffigineqartut.

§ 9, imm. 5, -imi aalajangersarneqarpoq Naalackersuisut aamma kommunalbestyrelsip tapiiffigisinnaangikkai politikikkut, upperisarsiornernut imaluunniit sulinermik inuussutissarsiuteqartut peqatigiiffiini siunertanut tunngasut.

I henhold til § 9, imm. 6 naapertorlugu Naalackersuisut kommunalbestyrelsit isumasioreerlugit kulturikkut sunngiffimmilu sammisassaqtitsinermi tapiissuteqartarnermi malittarisassanik suliaqarsinnaapput, matumani ilanngullugit akisussaaffiit aamma suliassat agguataarneri, ingerlatsinerit tapiiffigineqarsinnaasut killissaannik, tapiissuteqartarnermi atugassarititaasunik

piumasaqaatinillu, qinnuteqaatinut periaasissanut, naatsorsuusiortarnernut aamma kukkunersiuisarnernut. Pisinnaatitaaneq taanna atorpeqarsimanngilaq.

Kiisalu aamma eqqaaneqarsinnaavoq § 1, imm. 5-imi, aalajangersarneqarmat Inatsisartut inatsisaat atortinneqanngimmat kulturikkut sunngiffimmilu sammisassaqaartitsinernut inatsisit allat aqputigalugit aqunneqartunut.

2.2 Inatsisissamik siunnersuusiortarnermi isumaliutersuutigineqartut

Naalackersuisut isumaliutigeqqaaralarpaat siunnersuutinik arlariinnik suliaqarnissaq, taakkunanilu aappaa filmiortarnernut atasunik malittarisassanik imaqaassasoq, aappaalu filmiortarnernut atatillugu aningaasartuutitut taartisiatut matussutissanik aqqissuussinertut. Naalackersuisut kingusinnerusukkut nalilerpaat pissusissamisoornerussatut aningaasartuutitut matussutissanik tapiissuteqartarnermik aqqissuussineq filmiortarnernut inatsisissatut siunnersuummut ilaassasoq. Tamanna pivoq naliliisoqarmat pissusissamisoornerussasoq filmiortarnernut tapiissuteqartarnermi periarfissap ataatsimut filmiortarnernut inatsimmiinnissaanik. Tamatumalu saniatigut aningaasartuutitut taarsiissutitut matussutissanik tapiissuteqartarnermik aqqissuussineq filmiortarnernut atasoq, allatigut filmiortarnernut aningaasatigut tapiissuteqarsinnaanermi periarfissat ilanngullugit filmiortarnermik Kalaallit Nunaanni killiliussatut atugassarititaasutut isigineqarmata, filmiortarnernup nukittorsarnissaanni, tamannarpiaallunilu siunnersuummi siunertaasoq.

Naalackersuisullu aamma tamatumunnga atatillugu siunnersuummik suliaqarnermi isumaliutersuutigisimavaattaq qanoq annertutigisutigut filmiortarnermi killiliussanik aqqissuussineq inatsisiliortarnermiissanersoq, qanorlu annertutigisumik nalunaarusianiissanersoq. Naalackersuisut nalilersimavaat siunnersuut suliarineqassasoq inatsisitut killiliussatut, imatut paasillugu Naalackersuisunut susassaqaarfiutinneqassasoq siunnersuummi aalajangersakkanut matumani naapertuuttumik, ersarinnerusunik malittarisassiortoqaassasoq nalunaarusiornikkut. Tamatumunnga tunuliaqutaavoq ataatsimut isigisumik inatsisinut teknikkimut tunngasunik inassuteqaatit saniatigut, immikkuualuttortalersukkanik aqutsineq allaffissornikkut malittarisassianiissasoq, teknologiit aamma atugassarititaasut filminik nioqqutissiornermi sukkasuumik allanngoriartorfiusumik ineriartortarmata, tamannalu tunngavigalugu pissusissamisuussanani Inatsisartut inatsisaatigut aqutsisoqarnissaa.

Naalackersuisut siunnersuummik suliaqarnernut atatillugu ilanngullugu isumaliutersuuteqarput ataqatigiinnernik Inatsisartut filmiortarnernut inatsisissaannut siunnersuummi, aamma inatsisiliortarnerni allaniittunik, aamma filmiortarnermi tapiissuteqartarnermi atugassarititaasunik aqutsisuusunik. Naalackersuisut naliliipput filmiortarnernut inatsit tassaassasoq inatsit immikkut illuinnartoq, Eqqumiitsuliornermut inatsit, Kulturikkut sunngiffimmilu sammisassaqaartitsinernut inatsit aamma Tips-imut aamma Lotto-mut inatsisit ataatsimut isigisunik inatsisaasut, imatut paasillugit, eqqumiitsuliorneq aamma kulturimut tunngasut immikkoortunut assigiinngitsunut agguataagaannginneri.

Naalackersuisut naliliisimapput pingaaruteqartoq Kalaallit Nunaanni filmiliorarneq pisinnaatinneqassasoq akisussaaffeqarlunilu aningaasatigut tapiissuteqartarnernut, filmiliorarnerup iluani. Tamatuma kinguneraa aallaavittut inatsisit allat aamma attuumassuteqarneri, aamma tapiissuteqarsinnaanermut periarfissaqartitsisut.

Eqqumiitsuliornermut inatsimmut atatillugu Naalackersuisut nalilersimavaat pisariaqartoq killiliussanik aaqqissuussisoqarnissaa, sutigut Kalaallit Nunaanni Eqqumiitsuliornermut Aningaasaateqarfik tapiissuteqarsinnaanersoq filmiliornermik suliassaqarfimmi eqqarsaatigalugu. Tamatuma kingunerissavaa pisariaqartitsineq nutarterinissamik Eqqumiitsuliornermik ingerlatsineq pillugu Inatsisartut inatsisaannik Namminersorlutik oqartussat nalunaarutaanni.

Siunnerfigineqanngilaq Kalaallit Nunaanni Eqqumiitsuliornermut Aningaasaateqarfiup siunissami mattunneqarnissaa filminik eqqumiitsuliornerup iluani.

Nersornaammik akissarsitinneqartartut taamaasillutik naatsorsuutigineqarput Kalaallit Nunaanni Eqqumiitsuliornermut Aningaasaateqarfiup tunniuttassagai, naatsorsuutaallunilu nersorinninniarnert assigisaat akissarsitinneqartarnissaat. Taamaattoq naatsorsuutigisariaqassaaq tapiissuteqartarnerit qanoq ittuuneri aamma tapiissutit siunertaat ersarinnerusumik nalunaarusiornikkut aqunneqassasut, taamalu ersarilluni Kalaallit Nunaanni Eqqumiitsuliornermut Aningaasaateqarfiup tapiiffigisinnaasaasa suuneri.

Tips-imut Lotto-mullu inatsimmut tunngatillugu Naalackersuisut nalilinggilaat siunnersuut allanguinissanik inatsisiliornikkut pissutissaqartitsisoq. Taamaasilluni suli ingerlaqqittumik periarfissaassaaq filmiliornermik suliassaqarfiup iluani tapiissuteqarsinnaanermut, tips-imut aamma lotto-mut inatsimmi, piunasaqaataasut naammassineqarsimatillugit.

Kulturikkut Sunngiffimmilu sammisassaqartitsinerup inatsimmut tunngatillugu taanna § 1, imm. 5 naapertorlugu siulliuvoq inatsisinit allanit. Taamaasilluni aalajangersarneqarpoq Inatsisartut inatsisaat atortinneqanngitsoq atortinneqanngitsoq kulturikkut sunngiffimmilu sammisassaqartitsinikkut ingerlatsinerni inatsisit allat naapertorlugit. Filmiliornermik ingerlatsisarneq kulturikkut sunngiffimmilu sammisassaqartitsinerup suliassaqarfiata iluaniittutut isigineqarsimatillugu taamaasilluni aqunneqassaaq filmiliorarneq pillugu Inatsisartut inatsisissaattut siunnersuummi aalajangersakkanit. Tamatumunnga erseqqissaatit siunnersuummi § 22 ilaavoq, kommunit periarfissaattut filmiliorarnermik siuarsaaqataamissamut, matumani aamma tapiissuteqartarnikkut aningaasanik, attartortitsisarnikkut imaluunniit attartugassanut qularnaveeqqusiisarnikkut, filmiliornermut, filminik isiginnaagassanik attartortitsinerup aamma filmertarfinni filmertitsisarnernut.

Siunnersuutip siunnerfigaa eqqumiitsuliornermi immikkoortumik aalajangersimasunik siuarsaaneq, filmiliornermik aammalu filmiliornermik inuussutissarsiutip siuarsarneqarneranik. Tamatumunngalu atatillugu Naalackersuisut kulturimut tunngasumik seminareqartitsipput november 2022-imi, eqqumiitsuliornermik suliaqartunit ujartugaasumik, siunnerfigalugu Naalackersuisut eqqumiitsuliornermik inuussutissarsiutit tapersersuinerunissaat, Kalaallit

Nunaanni eqqumiitsuliorneq inuussutigissallugu ajornakusoortorujussuummat. Taamaasillunilu siunnersuut kulturimut sammisumik aammalu inuussutissarsiutinut sammisumik umigaqarpoq. Taamaasilluni siunnersuut ilassutaassaaq eqqumiitsuliornerup kulturikkullu suliaasaqarfiup iluanut tunngasuni inatsisiliornerut.

Naalackersuisut siunnersuummik suliaqarnermut atatillugu ilanngullugu isumaliutersuutigisimavaat ingerlatsiviulersussatut siunnersuutaasup qanoq ateqartinneqarsinnaanera. Filmiliornermik inuussutissarsiortut akornaniit kissaatitut oqaatigineqarsimavoq filminstitutti ateritinneqassasoq. Taaguut filminstitutti (tuluttut Film Institute) nunani allani taaguutaavoq nalinginnaasoq ingerlatsivinnut pineqartutut ittunut, nunanilumi amerlanerusuni taaguutigineqarluni. Naalackersuisut taamaattumik aamma pissutissamisoortissimavaat ingerlatsiviup pineqartutut taaguuteqartinnissaa. Taaguutikkut Kalaallit Nunaanni filminstitutti siunnerfiuvoq tamanna nunani allani oqariartuutaasinnaasoq taanna nunatsinni pisortatigoortumik ingerlatsiviusoq.

Naalackersuisut ilanngullugu aamma isumaliutersuutigaat Kalaallit Nunaanni Filminstituttip annertussusissaa, suliaasai, akisussaaffissai, aaqqissuussaanissaa aamma aqutsisussai. Naalackersuisut tamatumunnga atatillugu nalilersimavaat Kalaallit Nunaanni filminstitutti annertussusissamigut aallaaveqassasoq inatsisitigut aalajangersakkanik siunertanik aamma suliaasanik, nunatsinnilu pissusiviusunik, matumanissaaq filmiliornermik inuussutissarsiutip qanoq annertussuseqarneranik aamma ingerlatsisut suliaasaqarfimmi tassani amerlassusaannik.

Tunngatillugu akisussaaffinnut, aaqqissuussaanermut aamma aqutsisunut Naalackersuisut nalilersimavaat Inatsisartut inatsisaanni taamaallaat aqunneqartariaqartut kiap pingaarnertut ingerlatsineq akisussaaffigineraa aammalu ulluinnarni aqutsisutut ingerlatsisut. Siunnersuummi siunnersuutigineqarpoq pingaarnertut aqutsineq siulersuisuniissasoq, ulluinnarnilu aqutsineq pisortamit siulersuisunit atorfinitsinneqartartumit isumagineqassalluni. Tamatumalu saniatigut aalajangersarneqarpoq pisortap sulisut atorfinitsittassagai. Taamaasilluni nalilernerqanngilaq pissusissamisuussasoq siunnersuummi aalajangersakkanik aaqqissuussisoqassasoq sulisunik aalajangersimasunik pisortaasup saniatigut atorfinitsitsisarnissanik. Taamaasillunilu pissusissamisoortinneqarpoq Kalaallit Nunaanni Filminstituttip nammineq sulisussanik pisariaqartitsineq nalilersortassagaa suliaasanut naapertuuttumik. Aamma pissusissamisoortinneqarpoq siulersuisut suleriaasissaminni ersarinnerusunik malittarisassiorumaartut siulersuisut pisortallu akornanni akisussaaffiit agguataarnerannik.

Ilanngullugulu isumaliutersuutigineqartuni ilaasimavoq pisariaqartitsisoqarnerseq meeqqanik inuusuttuaqqanillu illersuinermit tunngasunik. Naalackersuisut nalilersimavaat saqqummiussisarnermit matuminnga neqeroorutit maanna imatut annertussuseqartut periarfissaqarani nakkutilliinissamut pineqaatissiisarnissamullu naammassisaqarfiulluurtumik, meeqqanik inuusuttuaqqanillu illersuinermit filmit pitsaanngitsunik sunniutigisartagaat eqqarsaatigalugit. Naalackersuisut nalilerpaat taarsiullugu aallunneqartariaqartut angajoqqaanik

allanillu meeqqanik inuusuttuaqqanillu suliaqartartunik paasisitsiniaasarneq aqqissuulluugaasoq, tamatumani aamma atuarfinni ilinniartitaanermillu ingerlatsivinni. Taamaattumik siunnersuummi ilanngullugu allanneqarpoq Kalaallit Nunaanni Filminstituttip pisussaaffia aamma paasisitsiniaanermik ilitsersuisarnermillu ingerlatsisarnissamut.

2.3 Siunnersuummi qulequttat pingaarnertit

Siunnersuut sananeqarpoq tulliuttunik kapitalinik 8-nik:

- Kapitali 1 Atuuffia aamma taaguutit
- Kapitali 2 Kalaallit Filminstituttiat
- Kapitali 3 Aningaasatigut tapiissuteqartarneq
- Kapitali 4 Aningaasalersuineq, aningaasartuutissanik missingersuusiat, naatsorsuutit, kukkunersuineq aamma aningaasaliissutinik utertitsisarneq
- Kapitali 5 Akuersissuteqartarneq aamma nalunaarsuisarneq
- Kapitali 6 Nakkutilliineq aamma naammagittaalliutit
- Kapitali 7 Pineqaatissiissutit
- Kapitali 8 Atortuulertia aamma ikaarsaariarnermut aalajangersakkat

2.3.1 Atuuffia aamma taaguutit

Kapitali 1 -imi § 1-imi killilersuisoqarpoq Inatsisartut inatsisaata atuuffianik aammalu §§ 1-4 -mi taaguutinik filmiliortarnermi, filminut, kalaallit filmiliaannut, kalaallinut filmiliortunut - producentinut – aamma filmilioqataasunut.

2.3.2 Kalaallit Filminstituttiat

Kapitali 2 -mi Kalaallit Nunaanni filminstituttimut malittarisassat allassimapput. Kapitalimi malittarisassanik aalajangersaasoqarpoq instituttip siunertaanut aamma suliaasaanut aamma instituttip aqqissuussaananut aqunneqarneranullu. Tassaniipput malittarisassat inatsisitigut instituttip inissisimaneranut Filminstitutti pisortat ingerlatsivigaat namminersortoq. Tamatumalu saniatigut malittarisassaqaarpoq siulersuisut pillugit, ingerlatsivimmi qullersaallutik oqartussaasut. Malittarisassat tamakkua imaqaarput siulersuisut akisussaaffiannik aamma suliaasaannik, siulersuisunik aamma sinniisussanik toqqaasarnernik, piffissap atuuffiusussap sivilisussisissaanik aamma honoraarisianik. Malittarisassaniipput piumasaqaatit siulersuisuni ilaasortatut aamma sinniisussatut qinigaasinnaanermut piumasaqaatit. Taakkua ilagaat Kalaallit Nunaanni najugaqarnissamik piumasaqaat. Tamanna tunngaveqarpoq kissaatigineqarmat qularnaarneqassasoq siulersuisuni ilaasortat nunatsinni pissutsinik paasisimasqaqarnissaannik. Tulliullugu piumasaqaataavoq ilaasortat 18-inik ukioqalereersimassasut. Tamatumunnga tunngaviuvoq taamatut ukioqaleraanni inersimasunngortoqartarmat. Tamatuma saniatigut aamma killiliisoqarpoq ilaasortat politikikkut ingerlatsisuunnginnissaannik. Tamatumani tunngavigineqarpoq qularnaarumaneqarmat siulersuisut politikikkut pitussimannginnissaat.

Honoraareqartitsinermit atatillugu aalajangiunneqarpoq siulersuisut suliaminnut honorarisiaqassasut, - honoraareqassasut, taakkualu qanoq akilernerqartassanersut. Honoraarisiasat annertussusissaat nalunaarummi aalajangerneqassapput. Tamanna pissusissamisoortinneqarpoq periarfissaassamat ingerlaavartumik honoraarisiat akinut malinnaatinnissaat, tamanna pisariaqassappat.

Kiisalu aamma malittarisassaqqarpoq instituttip pisortaanut tunngasunik, matumani aamma pisortamik atorfinititsisarnermut, taassuma akisussaaffiinnut aamma suliaasaanut, matumani aamma atorfinititsisarnermut pisinnaatitsinermit. Tamatumunnga atatillugu aamma malittarisassaqqarpoq atorfeqarnermi atugassarititaasunut.

2.3.3 Aningaasatigut tapiissutit

Kapitali 3 -mi ilaapput aningaasanik tapiissuteqartarnermit malittarisassat. Tassani ilaapput malittarisassat immikkut aningaasaliissutissanik immikkoortitsisoqartarnermit aningaasanut inatsit aqutigalugu. Kiisalu aamma pingaarnertut malittarisassaqqarpoq tapiissuteqartarnermit, filmiliornermit aningaasartuutaasimasunut matussutissat ilaannik tapiisarnermut, aamma Naalakkersuisut pisussaaffiannik aningaasatigut tapiissuteqartarnermit malittarisassiornissamat, filmiliornermit aningaasartuutaasimasut ilaasa taarserlugit tapiissutitut akilernerqartarnissaannut.

Aningaasanik tapiissuteqartarnermit malittarisassani aalajangersagaqqarpoq pisussaaffimmik qularnaarinissamat allaatigisaq filmiliornermi najoqqutassaliorneq nioqqutissiornissamullu siunnersuutit filmiliamik isiginnaagassiassamik eqqumiitsuliornermit isigisumik qinnuteqaammik nalilersuisarnissamat, aamma naatsunik filmiliani dokumentar-itullu filmiliani, qinnuteqaatillu naliliivigineqarnissaanik aningaasatigut suliaasatullu nioqqutissiassatut.. Taamaasilluni siulersuisut oqartussaaffigaat nalilersussallugu qanoq qularnaarneqassanersoq, matumani aamma sulisussanik atorfinititsisoqassanersoq, imaluunniit suliaasaq allatut ingerlanneqartassanersoq.

Kapitalimi 3-mi ilanngullugu aalajangersagaqqarpoq kommunit periarfissaannik tapiissuteqarsinnaanermut, aningaasanik attartortitsisinnaanermut, filmiliornermit, filminik attartortitsisarnermut filmertitsisarfeqarnermullu, pisinnaatitsisoqarlunilu tamakkua pillugit Naalakkersuisut malittarisassiorsinnaanerannut.

2.3.4 Aningaasalersuineq, aningaasartuutissanut missingersuusiat, naatsorsuutit aamma tapiissutaasimasunik utertitsisarneq

Kapitali 4 -mi ilaapput malittarisassat Kalaallit Nunaanni Filminstituttip aningaasalersorneqarnissaanut, siulersuisut aningaasartuutissanut missingersuusianik nunattalu karsiata tapiissutissaasa annertussusissaannik siunnersuuteqartarnissamik, naatsorsuusiorarneq naatsorsuutillu saqqummiunneqartarneri, aammalu siulersuisut instituttip ingerlatsisimanagera pillugu nalunaarusiorarnerat. Kiisalu malittarisassanik aalajangersagaqqarpoq naatsorsuusiorarnermit tapiissutinik tunineqartartuniit, Naalakkersuisullu pisinnaatinnearlutik tamanna pillugu

malittarisassiorsinnaanermik. Kiisalu aamma malittarisassanik aalajangersagaqarpoq tapiissutinik utertitsisarnernut, Naalakkersuisullu pisinnaatinneqarlutik tamatumunnga malittarisassiorsinnaasut.

2.3.5 Akuersissut aamma nalunaarsuisarneq

Kapitalimi 5 -imi malittarisassanik aalajangersagaqarpoq Kalaallit Nunaanni Filminstituttimut qinnuteqartoqartassasoq akuersissummik Kalaallit Nunaanni filmiørsinnaanermut aningaasarsiutigalugu suliaasussamik, tamatumunngalu atatillugu akitsuummik akiliuteqartarnermut. Naalakkersuisut pisussaaffiligaapput tamanna pillugu malittarisassiornissamut. Kiisalu aamma malittarisassanik aalajangersaasoqarpoq pisussaaffimmik instituttip filmiørnissamut akuersissuteqarnermut atatillugu paasissutissat pingaernerit filmiassa pillugu nalunaarsortassagai, aamma tamatumani kikkut akisussaanersut ilanngullugu, pisussaaffeqarlunilu akuersissutit pillugit instituttip quppersagaatigut paasissutissiisarnissanik. Tamatuma saniatigut Naalakkersuisut pisussaaffilerneqarput ersarinnerusunik malittarisassiornissamut nalunaarsuisarnermut, matumani aamma paasissutissat pingaernerit suut Kalaallit Nunaanni Filminstituttip quppersagaani saqqummiunneqartassanersut pillugit.

2.3.6 Nakkutilliineq aamma naammagittaalliuteqartarneq

Kapitalimi 6 -imi malittarisassanik aalajangersaasoqarpoq Kalaallit Nunaanni Filminstituttimik nakkutilliinermut Inatsisartut inatsisaanni pisussaaffinnik suliaqartarnera pillugu, matumani aamma malittarisassanik Naalakkersuisut tunngavissaqartilerlugit instituttimut piumasaqarsinnaanermik paasissutissanik nakkutilliinermik suliaqarnermut atatillugu. Kiisalu aamma aalajangersagaqarpoq naammagittaalliorsinnaanermut aningaasaliissutinik tapiissutinut tunngasuni, Naalakkersuisullu pisinnaatinneqarlutik malittarisassiornissamut naammagittaalliortarneq taakkualu suliarineqartarneri pillugit.

2.3.7 Pineqaatissiissutit

Kapitalimi 7-imi malittarisassanik aalajangersagaqarpoq pisussaaffinnik unioqquutitsisoqartillugu pineqaatissiisarnissanut, pisussaaffinni Kalaallit Nunaanni aningaasarsiutigalugu filmiørnissamut akuersissuteqartoqarnissanik. Pissusissamisoortinneqarpoq unioqquutitsinerit pineqartut akiliisitsinikkut pineqaatissiissutaasinnaaneri.

2.3.8 Atortuulerfia aamma ikaarsaariarnermut aalajangersakkat

Kapitalimi 8 -mi aalajangersagaqarpoq Inatsisartut inatsisaata qaqugu atortuulernissaanik. Piffissaq atortuulersitsiviususaaq aalajangerneqarpoq tassaasoq 1. januar 2025 siunnerfigalugu Inatsisartut inatsisaata akuersissutigineqarsimatsiarluni atortuulersinneqarnissaa.

Kiisalu aamma aalajangersagaqarpoq piffissamut sumut siulersuisut siulliit toqqarneqarnissaannik. Tamanna tassaavoq 1. april 2025 -imiit 31. marts 2029 -imut. Tamatumunnga pissutaavoq piffissaqartoqassamat siulersuisuni ilaasortassanik toqqartuisoqarnissanut.

Kiisalu aalajangersarneqarpoq Inatsisartut inatsisaannik Kalaallit Nunaanni filminstitutti pillugu aalajangersakkat aatsaat atortinneqalissasut 1. januar 2026-imiit. Tamatumunnga tunngavigineqarpoq siulersuisunik toqqaasoqqaartussaana, pisortassamik atorfinitsisoqartussaana, nalunaarummi malittarisassiorqartussaana, qularnaarneqartussaanelu ininik atugassaqaarnissaq aammalu pequtisiniarnissaq il.il..

3. Aningaasaqarnikkut aamma allaffissornikkut pisortanut kingunerisassai

3.1. Filminstitutti

Siulersuisut

Kalaallit Nunaanni Filminstituttimi siunersuisut ukiumoortunik honorarisiarnissaat siunnersuutigineqarpoq. Honorarisiat annertussusissaat nalunaarusiami siunnersuummi § 13, imm. 4 naapertorlugu suliaasumi annertussusilerneqassapput. Naatsorsuutigineqarpoq honorarisiassat siulittaasumut 50.000 kr.-inik annertussuseqarnissaat, siulersuisunilu ilaasortat tamarmik immikkut 25.000 kr.-inik honorarisiaqassasut. Taamaasillunilu ukiumut honoraarisiaanuk aningaasartuutit 150.000 kr.-inik annertussuseqassallutik. Taakkua saniatigut aamma ilanngunneqassapput siulersuisut ingerlatsinerannut aningaasartuutit allat, matumani aamma angalanernut, ullormusianut il.il. Taakkua ukiumut nalilerneqarpoq 75.000 kr.-inik annertussuseqartussat. Siulersuisut ingerlatsinerannut ukiumoortunik taamaasilluni 225.000 kr.-inik missingersuusiortoqassaaq.

Naatsorsuutigineqarmalli siulersuisut aatsaat 1. april 2025 pilersinneqartussat 2025-imi honorarisiaassanut aningaasartuutillu allat annikinnerussapput. Taamaasilluni naliliisoqarpoq 2025-imi aningaasartuutissat katillugit 162.500 kr.-inik annertussuseqarumaartut.

Allaffissorneq

Siunnersuut naapertorlugu pisortassamik atorfinitsisoqartussaavoq, naatsorsuutigisariaqassaarlu sulisussanik allanik aamma atorfinitsisoqarnissaa pisariaqartinneqarumaartoq, matumani aamma fagitigut ilisimasalinnik sulisunik aamma allaffissornikkut sulisunik. Filminstituttip nammineq nalilersortussaavaa qanoq annertutigisumik sulisussanik allanik atorfinitsisoqarnissaa.

Naatsorsuutigineqarpoq pisortaasussamik aatsaat atorfinitsisoqarsinnaassasoq 1. juli 2025 aallarnerfigalugu, siulersuisut taakuummata pisortamik atorfinitsisisussat, siulersuisullu 1. april 2025 aatsaat pilersinneqartussat naatsorsuutigineqarlutik. Pisortaasup oqartussaaffigissavaa ingerlatsivimmi sulisussanik allanik atorfinitsisoqarnissaa, taamaattumillu naatsorsuutigineqarluni sulisut allat aatsaat 2025-ip ukiaani atorfinitsinneqarumaartut.

Pisortaasumut aningaasartuutaasussat nalilerneqarput ukiumut 600.000 kr.-t missaaniittussat, fagitigullu sulisussanut allanut aningaasartuutissat 1.000.000 kr.-nik ukiumut annertussuseqartussat, allaffissornikkullu sulisunut aningaasartuutit ukiumut 500.000 kr.-nik annertussuseqartussat. Katillugit tamatumani aningaasartuutissat taamaasillutik 2.100.000 kr.-nik annertussuseqassapput.

2025 -imi aningaasartuutissat naatsorsuutigineqarpoq 675.000 kr.-nik annertussuseqartussatut.

Ingerlatsinerup ilaa

Aningaasartuutissat missingersuusiortoqarpoq pilersitsinermut, allaffinnik attartornermut, allaffissornermut, filminik takoqqusaarisarnernut allatigullu aningaasartuusissanik. Tamatumunnga ukiumut aningaasartuutissat missiliuunneqarput 1.700.000 kr.-nik katillugit annertussuseqartussatut. Taakkua agguataarput 100.000 kr.-nik pilersitsinermut (taamaallaat 2025-imi aamma 2026-imi), 300.000 kr.-t allaffinnik attartornermut, allaffissornermut 500.000 kr.-t, 200.000 kr.-t filmilianik takoqqusaarisarnernut, aamma 600.000 kr.-t allanut aningaasartuutinut.

2025-imi naatsorsuutigineqarpoq aningaasartuutit 600.000 kr.-nik annertussuseqarnissaat, taakkunanga pilersitsinermut 100.000 kr.-t, allaffinnik attartornermut 150.000 kr.-t, allaffissornermut 250.000 kr.-t aamma 100.000 kr.-t allanut aningaasartuutit.

Tapiissutitut akilerneqartartut

Naatsorsuutigineqarpoq filmilianut isiginnaagassianut, dokumentaarinut, animationi atorlugu filmilianut filmilianullu naatsunut 3.900.000 kr.-t atorneqartarnissaat. Taakkua annertoqatigigaat filmiliornermut tapiissutissatut Naalakkersuisut Kalaallit Nunaanni Eqqumiitsuliornermut Aningaasaateqarfimmut nuussimasaat. Tamanna ilutigisaanik kinguneqassaaq kontumut pingaarnermut 40.95.01 aningaasaliissutit, Eqqumiitsuliornermut aamma kulturimut tapiissutit allat, aningaasat annertoqataannik apparneqarnissaannik.

Ilutigisaanik naatsorsuutigineqarpoq Filmiliortarfimmut atorneqarumaartut 800.000 kr.-t. Taakkua assigaat aningaasaliissutit maanna nunatta karsianiit aningaasartuutigineqartartut Filmiliortarfimmut konto pingaarneq 40.95.01 aqqutigalugu. Tamama ilutigisaanik kinguneraa kontomi pingaarnermi 40.95.01 aningaasaliissutit taakkua annertoqataannik apparneqarnissaat. Filmiliortarfik maanna ataatsimut Naalakkersuisunit aamma Kommuneqarfik Sermersuumit aningaasaliissutinik aningaasalersorneqartarmat, Filmiliortarfiup ingerlateqqinneqarnissaa ullumikkut annertussusiusut iluanni tunngaveqartariaqartoq ingerlaqqittumik Kommuneqarfik Sermersuumiit aningaasaliissutinik, imaluunniit nunatta karsiata siunertamut aningaasaliissutinik annertunerulersitsineratigut.

Ilutigisaanik naatsorsuutigineqarpoq immikkut aningaasaliissutinik pisariaqartitsisoqarumaartooq filmiliornermut aningaasartuutit ilaannik utertitsisarnernut. Siunnersuutigineqarpoq aningaasaliissutit Filmiliorneq pillugu suleqatigiissitap tamanna pillugu inassuteqaateqarneratulli 2.000.000 kr.-nik ukiumut aningaasaliissuteqartoqartassasoq. Tamanna aatsaat 2026-imit atortuulissaaq, Kalaallit Nunaanni Filminstituttup ingerlatsinera - sulinera - aatsaat 1. januar 2026-imiit aallartissammat. Ilutigisaanik aningaasanut inatsimmi oqaasertaliussaq nr. 5 siunertanut kontumut 24.10. Akileraarutit toqqaannartut atorunnaassaaq. Oqaasertaliussami tassani

pisinnaatitsineq naapertorlugu filmiliornermut ingerlatsivik namminersortoq akileraarutininik aamma akitsuutininik A-nik akilersimasaminik utertitsisinnaavoq, 10 mio. kr.-t angullugit ullorsiutit ukiuanni, utertinneqartussat qinnutigineqartut 3 mio. kr.-t qaangersimappatigit.

Aningaasartuutininik utertitsisarnermik aqqissuussineq nunani allani taamatut aqqissuussisimasuni misilittakkanik tunngaveqassaaq, isertitsissutaasassallunilu filmiliornermik inuussutissarsiortunut Kalaallit Nunaanni inuussutissarsiutinullu allanut aamma Kalaallit Nunaanni. Kiisalu aqqissuussineq aamma piginnaasanik ineriartortitsinermik Kalaallit Nunaanni filmiliornermik inuussutissarsiutini pilersitsissaaq.

4. Aningaasaqarnikkut allaffissornikkullu inuussutissarsiortunut kingunerisassai

Siunnersuut siunertaqartoq kalaallit filmiliornermik inuussutissarsiutaannik nukittorsaanissamik, Kalaallit Nunaannillu takutitsiniassalluni nunatut filmiliorfiusartutut. Taamaattumik siunnerfiuvoq amerlanerusut Kalaallit Nunaanni filmiliorarnissaat, kiisalu sulinermik inuussutissarsiutilinnik nunatsinni najugaqartunik sulisitsisoqarnissaa. Filmiliornermik inuussutissarsiorneq inuussutissarsiutitut naatsorsuutigineqarpoq siunnersuutikkut nukittorsarneqassasoq. Siunnersuummi aalajangersakkat aningaasartuutaasimasut ilaasa utertillugit akilernerqartarnissaannik naammattumik aqqissuussineq nunanit allaniit filmiliorniartunik nutsuisoqarsinnaappat aningaasarsiornekkut kaaviiartitanik amerlanerulersitsissaaq, aamma inuussutissarsiutini allani, matumani aamma takornariartitsinermi, kiffartuussinermik inuussutissarsiutini il.il.

5. Avatangiisinut, pinngortitamut innuttaasullu peqqissusiannut sunniutissai

Nalilerneqanngilaq siunnersuut kinguneqassasoq avatangiisinut, pinngortitamut imaluunniit innuttaasut peqqissusiannut.

6. Innuttaasunut kingunerisassai

Siunnersuut ataatsimut isigisumik innuttaasunut kinguneqartussaangilaq, kisianni siunnersuut siunertaqarpoq siuarsaanissamik filmiliornermik, tamatumalu eqqumiitsuliornertut inuussutissarsiutitullu ingerlanneranik. Kalaallit Nunaanni eqqumiitsuliornermik nukittorsaneq aamma siaruarterineq innuttaasunut iluaqutissartaqarpoq aammalu Kalaallit Nunaanni kulturimut namminermt.

7. Allatigut pingaarutilinnik kingunerisassai

Naliliisoqarpoq siunnersuut allatigut pingaaruteqartunik kinguneqartussaangitsutut.

8. Tusarniaaneq pisortani oqartussanik aamma kattuffinnik allanillu

Siunnersuut piffissami 17. juni 2024 - 15. juli 2024 tusarniaassutigalugu nassiunneqarsimavoq tusarniaavigineqartartunut susassaqartunut, tak. ilanngussaaq 1, aammalu tamanut ammasumik Naalakkersuisut quppersagaanni 19 juni 2024-miit takuneqarsinnaasimavoq.

Siunnersuummi aalajangersakkanut ataasiakkaanut oqaaseqaatit

§ 1 -imut

Aalajangersakkami aalajangerneqarpoq Inatsisartut inatsisaata atuuffigisai, aamma filmiliornerup suunerata qanoq paasineqarnissaa.

Kalaallit Nunaanni filmiliornermut tamanut ilaapput filmiliassamik piareersaasioorneq, filmiliorneq aamma filmiliamik suliareqqiineq.

Piareersaasioernermiipput filmiliorluni ingerlatsilernissamut piareersaatit, soorlu aningaasalersuinissaq aamma filmimi inuttaasussat il.il. Tassunga ilaapputtaaq isumassarsiamik ineriartortitsineq, manuskriptiliorneq pilersaarusernerlu. Filmiliorlut taanna piffissaq taasarpaat piareersaasioernermi killiffik, tamannalu aamma taaneqarsinnaavoq filmiliumnginnermi suliaasaqarfimmik.

Filmiliorneq tassaavoq filmimik immiussinermit toqqaannartumik sammisunik suliaqarneq, soorlu filmiliorfissamut sumiiffimmut angalanerit.

Suliereqqiineq imaqarpoq filmiliap immiutereerneratigut ingerlatsinernik, suliereqqiinernek. Tamatumani ilaatigut ilaapput nipaata aamma assiliartaasa killorlugit aqqissuullugillu suliereqqinneqarnerat, ilanngullugit filmiliornermi immiussat katitserneri, nipilersuusersorneri aamma allatigut takujuminarsaatit isigisumut sunniuteqartussat aamma nipitigut sunniuteqartussat. Tamanna suliaasaq suliereqqiinernek filmiliortertut taasarpaat tamannalu filmimik immiussereernermi suliereqqiinernek aamma taaneqarsinnaavoq.

Oqaatsini ”siuarsaaneq aamma siaruarterineq” paasineqassapput soqutiginnilersitsiniarnertut, pilersaarinertut, paasissutissiinertut, takutitsinertut, nioqquteqarnertut, attartortitsinertut aamma atortitsinertut.

Taaguut ”kalaallit filmiliasat” suussusilerneqarput siunnersuummi § 3, imm. 1-imi.

§ 2 -mut

Aalajangersakkami nassuiarneqarpoq “filmi” qanoq paasineqassanersoq. Suussusiliinerup tamatuma assigaa “eqqumiitsuliorneq filminik” Eqqumiitsuliornermut inatsimmi § 1, imm. 5.

§ 3 -mut

Imm. 1 -imut

Aalajangersakkami nassuiarneqarpoq suna paasineqassanersoq oqarnermi “kalaallit filmiliaat”.

Nassuiaammi suussusiliinermiipput immikkoortut arlariit. Oqaaseqatigiinni siullerni aalajangiunneqarpoq pineqartoq tassaasoq filmiliaq kalaallimik ataatsimik imaluunniit arlalinnik producenteqartoq. ”Filmi” nassuiarneqarpoq § 2 -mi, aammalu ”producenti kalaaleq” nassuiarneqarluni § 3, imm. 3 -mi.

Immikkoortup aappaa tassaavoq ilassutitut piumasagaat. Taamaasilluni piumasarineqarpoq filmi annerusutigut imminneqarsimassasoq kalaallit oqaasii atorlugit, imaluunniit eqqumiitsuliornikkut immikkut ittunik imaluunniit immikkut teknikkikkut suliaasimassasoq, peqataasunik filmilornerup eqqumiitsuliatut takutinnaani aamma Kalaallit Nunaanni filmkulturimik ersersitsisunik.

Piumasagaat filmi annerusutigut kalaallit oqaasii atorlugit immiunneqarsimanissaanik isumaqarpoq, filmimi kalaallit oqaasii annerusutigut atorneqarsimassasut. Piumasagaatip mattutinngilaa oqaatsit allat aamma inissaqarnissaat. Filmiliaq kalaallisut immiunneqarsimangippat, immikkut ittunik kulturimik imaluunniit teknikkimik imaqassaaq, peqataasunik filmiliap eqqumiitsuliaaneranut aamma kalaallini filmkulturimik ersersitsissalluni.

Imm. 2 -mut

Aalajangersakkap suussusilerpaa “nunani allamiut filmiliaat” qanoq paasineqassanersoq. Nassuiaammi suussusiliineq “residualdefinition”-iuvoq, tassa immaappoq suussusiliinermi isiginiarneqarluni “kalaallit filmiliaat”, aalajangiunneqarlunilu filmiliat kalaallit suliarinngisaat nunani allamiuusut.

Imm. 3 -mut

Aalajangersakkap suussusilerpaa “kalaaleq producenti” sumik imaqarnermoq.

Producenti paasineqassaaq oqaatsip oqariaatsillu nalinginnaasumik paasineqartarneratut. Tassa imaappoq inuk qullersaalluni suliami aningaasaqarnikkut akisussaasuusoq filmiliamullu sinniisuusoq. Producentip suliniut taassumalu aningaasaqarnera aqqissuussaraa.

Aalajangersakkami piumasagaatit taamaasillutik piumasagaataapput Kalaallit Nunaannut atasuunissamik, tamannalu pisariaqartinneqarluni producentip kalaallineersutut isigineqarsinnaaneranut.

Piumasagaat sumi najugaqartuunissamut, paasineqassaaq tamatuma killilersorneratigut, killilersuinermi suliaasumi Peqqussummi nr. 1198, ulloq 29. november 2006 -imeersumi,

atortuulersinneqartumi Kalaallit Nunaanni danskit qitiusumik nalunaarsuiffiannik taaguuteqartumik “Det Centrale Personregister”.

Imm. 4 -mut

Aalajangersakkami suussusilerneqarpoq qanoq paasineqartussaansoq “producenti nunani allamioq”. Nassuiaammi suussusiliineq “residualdefinition”-iuvoq, tassa immaappoq suussusiliinermi isiginiarneqarluni “kalaaleq producenti”, aalajangiunneqarlunilu filmiliat kalaallit suliarinnngisaat nunani allamiuusut.

Imm. 5 -imut

Aalajangersakkami aalajangiisoqarpoq imm. 3 -mut atatillugu piunasaqaatit sanioqqunneqarsinnaanerat.

Isumaqatigiissutit Kalaallit Nunaanni atsiorneqarsimasut tassaapput isumaqatigiissutit Kalaallit Nunaata isumaqatigiissuteqaqataaffigisai.

Isumaqatigiissutit Kalaallit Nunaata ilalersimasai tassaapput isumaqatigiissutit Kalaallit Nunaata nammineq isumaqatigiissuteqaqataaffiginngisai, kisiannili Kalaallit Nunaata isumaqatigiissuteqarnerup nalaani imaluunniit kingusinnerusukkut nalunaaruteqarnermigut ilalersimasai – tapersersimasai.

§ 4 -mut

Imm. 1 -imut

Aalajangersakkami suussusilerneqarpoq oqaaseq koproducent qanoq paasineqassanersoq.

Producenti tassaannngitsoq kalaaleq producenti § 3 naapertorlugu tassaassaaq procenti nunani allamioq.

Piunasaqaat filmiliap nioqqutissiarineqarsimanissaa - produceret – suleqatigiinnikkut nunani allamioq arlaqartulluunniit producentit suleqatigalugit, aamma minnerpaamik kalaaleq producenti ataaseq isumaqarpoq kalaaleq producenti aamma nunami allamioq arlaqartulluunniit producentit filmiliornermi akuusussaananerannik. Tamanna periaatsit assigiinngitsut atorlugit pisinnaavoq, matumani aamma filmiliornermi namminer, kisianni aamma filmiliassap pilersinneqarnerani suliaattigut allatigut.

Imm. 2 -mut

Aalajangersakkami aalajangerneqarpoq qaqugu filmiliaq koproducerikkatut kalaallit suliaattut isigineqassanersoq. Aalajangiunneqarpoq tamatumani pisariaqartoq naapertuuttunik

atugassaqaarnissaa kalaallit aamma nunani allamiut aningaasaliissutaanni aamma nioqputissiornermi sunniutaasuni, suliniutit eqqumiitsuliornertut imaluunniit teknikkimut tunngasut eqqarsaatigalugit.

Eqqummaarissumik oqaasertaliisoqarpoq ammasumik - siammasisumik - pissusissamisoortut, nalilerneqarmat Kalaallit Nunaanni Filminstituttip allaffissornermik aaqqissuussinera qeratasuumik qeratasuujunngitsoq, nalilerneqarmat instituttip pisumi namminerimi ataatsimoortumik nalilersuisarnissaa suliniummik, pissutsit atuuttu iluanni. Taamaattoq siunnerfiuvoq kalaallit iliuusaat - suliniutaat - aningaasatigut aamma eqqumiitsuliornikkut teknikkikkullu annikitsuinnaassanngitsoq.

§ 5 -imut

Imm. 1 -imut

Aalajangersakkami aalajangiunneqarpoq Kalaallit Nunaanni filminstituttip siunertaa suunersoq.

Nr. 1 -imi aalajangerneqarpoq Kalaallit Nunaanni filminstitutti siunertaqartoq siuarsaanissanik filmiliornermik, filmertarnermi kulturimik aammalu Kalaallit Nunaanni filmertarfeqarnermik. "Filmiliorarneq" suussusilerneqarpoq § 1 -imi.

Nr. 2 -mi aalajangersarneqarpoq instituttip suliassarigaa nunamut tamarmut filmkommissionitut ingerlatsisuuneq, aalajangersakkamilu innersuussisoqarpoq imm. 3-mut, tassani aalajangersarneqarmat suliassat suuneri. Suliassanik ingerlatsisoqarnissaani aallaaviunngilaq pinngitsoorami filmkommissionærinik atorfinititsinissaq. Ingerlatsisuuneq taamaasilluni aamma ilaatinneqarsinnaavoq atorfimmi allanik arlaqartunik suliaqarfiusumi, imaluunniit inuit arlaqartut suliassanut peqatigiinnerisigut.

Nr. 3 -mi aalajangersarneqarpoq instituttip suliassarigaa kalaallit filmiliaasa ilisimaneqarnerannik siaruarterineq aamma nunani allamiut filmiliaannik Kalaallit Nunaanni ilisimasaqarneq. Ilisimasanik siaruarterineq pisassaaq paasisitsiniaasarnikkut, filmertitsisarnikkut, ussasaarinernik ingerlatsisarnertigut il.il. Instituttip oqartussaaffigaa nammineq nalilersussallugu tamatuma qanoq ingerlannissaa.

Nr. 4 -mi aalajangerneqarpoq instituttip siuarsassagaa kalaallit filmiliaasa nunani allani nioqputigineqartarnerat.

Kalaallit filmiliaasa ilisimaneqarnerat aamma nioqputigineqartarnerat annertusarneqarsinnaavoq instituttip aningaasatigut tapiissuteqartarneratigut filmiliornerit immikkoortuini assigiinngitsuni, pilerisaarisarnerni aamma takutitsisarnerni.

Nr. 5 -imi aalajangerneqarpoq institutti katersuisassasoq filmilianut tv-iikkullu aallakaatitassianut atatillugu allaaserisanik katersallu tamanit iluaqutigineqarsinnaatillugit. Inuit tamat paasisutissanik

pineqartunik takunnissinnaanerat assigiinngitsunik aaqqissuussinikkut pisinnaavoq, tamatumani aamma naqitatut uninngatitsinikkut aammalu digitaliusunik takussutissiivitsigut.

Nr. 6 -imi aalajangerneqarpoq instituttip isumagissagaa isiginnaartartunut saaffiginnittunik assigiinngiiaartunik filmit pillugit ingerlatsisoqartarnissaa. Isiginnaartartunut saaffiginnittunik susassaqtitsisarnerit assersuutigalugu pisinnaapput immikkut ittutigut filmertitsinertigut, ulluni filmertitsiviusuni, filmertarneq pillugu festivalertitsinikkut, workshops -isigut aamma seminareqartitsisarnertigut il.il.

Nr. 7 -imi aalajangerneqarpoq instituttip qularnaassagaa ingerlaavartumik oqallittoqarnissaa filmiliortartut silarsuaanni aamma atuisuusut pingaaruteqartut akornanni, Kalaallit Nunaanni Filminstituttip ingerlatsinera pillugu. Instituttip nammineq pisussaaffigaa nalilersussallugu susassareqatigiinneq pineqartoq qanoq ingerlassanersoq.

Nr. 8 -mi aalajangerneqarpoq institutti paasissutissiisassasoq ilitsersuisarlunilu meeqqanut aamma inuusuttuaqqanut filmit naleqquttut pillugit, tamatumani aamma filmit meeqqanut inuusuttuaqqanullu ajoqusiisinaanersut pillugu. Paasissutissiinissamut ilitsersuinissamullu pisussaaffik tunngavoq paasisitsiniaasarnermut ilitsersuisarnermullu ataatsimut isigisumik, kisiannili aamma filminut ataasiakkaanut tunngatillugu.

Nr. 9 -mi aalajangerneqarpoq instituttip siuarsassagai proffessioneliusut filmiliat misileraasut eqqumiitsuliatur aamma piginnaasanik ineriartortitsineq filmværksted-imik ingerlatsinikkut. Aalajangersakkap mattutinngilaa filmværkstedet-p aamma siunertanut allanut atorqeartarsinnaanera, tamatumani aamma pikkorissaanernut, workshops-inut il.il.

Imm. 2-mut

Aalajangersakkami aalajangerneqarput suliassat aalajangersimasut suut Kalaallit Nunaanni Filminstituttimit suliassaanersut. Matumani pineqarput ingerlatsinikkut suliassat.

Nr. 1 -imi aalajangerneqarpoq Nunaanni Filminstituttip suliassarigaa aningaasatigut tapiissuteqartarneq allaatigisaq filmiliornermi najoqqutassaliorneq, ineriartortitsinernut, nioqqutissiornermut, ussasaarinerneq, saqqummiussinerneq, takutitsinernillu ingerlatsinerit kalaallit filmiliaannik aamma filmilianik coproducerikkatut suliassat filmiliat, kiisalu aamma ingerlatsinerit allat filmertarnermik, filmertarnermut kulturimik aamma filmertarfinnik ingerlatsinerimik siuarsaasut. Taagorneqartut suliassat tamakkiisuunngillat, - ilassaqarsinnaapput, tassuunalu erseqqissarneqarpoq naggasiullugu oqaatigineqartoq allassimasoq ” kiisalu ingerlatsisarnerit allat filmiliornermut, filmiliornerup kulturianut aamma nunatsinni filmerarfeqarnermik kulturimik siuarsaasut”. Oqaasertaliussami siunnerfigineqarpoq ingerlatsinerit tamarmik tapiiffigineqartartut, siunertamik pineqartumik siuarsaasuunissaat.

Nr. 2 -mi aalajangerneqarpoq instituttip suliassarigai Kalaallit Nunaanni filmiliornissamut akuersissuteqartoqarnissaanik qinnuteqaatit, aamma paasissutissanik tamatumani - filmiliornermi pineqartumi - qitiusunik nalunaarsuisarneq, tamatumani akisussaasut ilanngullugit. Ersarinnerusunik killilersuinerit paasissutissat qitiusut suunerinik nalunaarusiornikkut aalajangersarneqassaaq, siunnersuummi § 31, imm. 3 -mi pisinnaatitsineq naapertorlugu.

Imm. 3 -mut

Aalajangersakkami aalajangerneqarpoq filmkommissionitut suliassanut suut ilaanerat. Tassani immikkoortut arlariit pineqarput, atortulersuusersuineq aamma soqutiginnilersitsiniarneq “nutsuinerlu” nunani tamalaani filmiliornerit tv-iikkullu aallakaatitassiornerit Kalaallit Nunaannut, kiisalu aamma Kalaallit Nunaanni filmiliornerit tv-iikkullu aallakaatitassianut atortulersuusersuisarneq. Atortulersuusersuineq soqutiginnilersitsiniartarnerlu paasineqassapput ingerlatsinernut siunnerfeqartutut periarfissaqartitsinissanik eqaallisaanissanillu Kalaallit Nunaanni filmiliornerit ingerlanneqarsinnaanerit. Tamatumani pineqarsinnaapput Kalaallit Nunaanni sammisanut naleqquttunut inunnut attavissalersuinerit, aamma qulaajaasernerit aaqqissuussisarnerillu, allaffissornermik aamma inatsisitigut pissutsinik atuuttunik paasisitsiviusartut.

§ 6 -imut

Imm. 1 -imut

Aalajangersakkap aalajangiuppaa Kalaallit Nunaanni Filminstituttip inatsisitigut inissisimanera namminersortutut pisortat ingerlatsiviattut. Inatsisitigut inissisimanerup matumani pineqartup assersuutigalugu assigaa Nunatsinni isiginnaartitsisarfiup, KNR-ip aamma Iisimatusarfiup inissisimaneri.

Ingerlatsiviup pisortanit pigineqarnera pingaarnertut tunngaviligaavoq ingerlatsivik ingerlatsinera annertunerpaatigut pisortanit aningaasalersugaammat, tak. siunnersuummi § 23, imm. 1. Kiisalu aamma ingerlatsiviup siunnersuummi § 25, imm. 2 -p kingunerisaanik malittarisassarai Namminersorlutik Oqartussat piffissami sumiluunniit malittarisassaliaat minngersuusiortarnernut, naatsorsuusiortarnernut aamma naatsorsuusianik saqqummiisarnernut.

Ilutigisaanilli aamma ingerlatsivittut namminersortutut inissisimaneq, oqariartuuteqarpoq ingerlatsiviup arlaannaanulluunniit pitussimanginnissaa anguniagaasoq, tamannalu erseqqissarneqarluni ingerlatsiviup siulersuisunit aquneqarnerani. Taamaasilluni Naalakkersuisut ingerlatsiviup ingerlatsinernut sunnuteqarsinnaassusiat killiligaavoq siulersuisunik inassuteqaatinik tunngaveqartumik toqqaasarnernut, siulittaasumillu toqqaasarnernut.

§ 7 -imut

Imm. 1 -imut

Aalajangersakkami aalajangerneqarpoq siulersuisut amerlassusissaat aamma siulersuisut piginnaanerisassaataatsimut. Piginnaanerineqartussanut piunasaqaatit oqariartorput kissaatigineqartut siulersuisut filmiliornerup silarsuaanik ilisimasaqartut aammalu inuussutissarsiornermik aqutseriaatsinillu ilisimasaqartut.

Imm. 2 -mut aamma 3-mut

Aalajangersakkami aalajangerneqarpoq piginnaanerit qanoq ittut siulersuisuni ataasiakkaanut atatillugu piunasaqarneri aamma siulersuisut siulittaasuannut.

Piginnaasanik piunasaqaatit siunnerfigaat siulersuisuni ilaasortat tamarmik ataasiakkaarlutik piginnaanernik naleqquttunik tunniussassaqaarnissaat, aamma immikkuullarissunik siulittaasumut piunasaqartoqarnera, qularnaarisumik siulittaasup inuussutissarsiornikkut aamma aqutsinikkut nukittuutut inissisimanissaa.

Til stk. 4

Aalajangersakkami aalajangerneqarpoq Kalaallit Nunaanni Filminstituttimi suleqataasut sinniisumik toqqaassasut, siulersuisut ataatsimiinneranni taaseqataasinnaanani peqataasussamik. Siulersuisuni ilaasortaangikkaluarluni, kisisanni sulisunut sinniisumik taamaalilluni instituttip ingerlarnganik sulisut tungaanniik isiginnittariaatsimik tunniussaqaarsinnaasumik. Sulisut qinigaattut sinniisup instituttimi sulineramik ineriartorneranillu ilisimasaqaarnissaa pingaaruteqarmat, qinerneqaarsinnaasoq taasisinnaasullu sulisut killilerneqarput, ukiumut suliarisinnaasaasa naatsorsorneranni ukiup affaanik sinnerlugulu atorfeqaarsimasunut.

§ 8 -mut

Imm. 1- imut

Aalajangersakkami aalajangersarneqarpoq qanoq siulersuisut toqarneqartassanersut.

Aalajangersakkami aalajangerneqarpoq siullertut Naalakkersuisut siulittaasoq inassuteqaatitaqanngitsumik toqqartaraat. Naalakkersuisut toqqaanermi qularnaartassavaat toqqarneqartup siulittaasumik immikkut piginnaanertigut piunasaqartunik naammassinnittuunera, tak. siunnersuummi § 7, imm. 3.

Aalajangersakkap ilanngullugu aalajangerpaa siulersuisuni ilaasortat sinneri sisamat Naalakkersuisunit toqqarneqartartut inassuteqaatinik tunngaveqartunik, kattuffinniit, ingerlatsivinniit il.il. inassuteqaarsinnaasunit. Naliliinermi kikkut inassuteqaarsinnaanersut pingaartinneqaarsimavoq taakkua tassaassasut kattuffiit il.il., filmiliornerup silarsuaani, eqqumiitsuliornermi aamma inuussutissarsiutinik ilisimasaqartut paasisimasaqartullu. Tamatuma

saniatigut pingaartinneqarpoq kattuffik matumani ingerlatsisunik qitiusunik sinniisuusoq, tassalu isiginnaartitsisartunut.

Imm. 2-mut

Siulersuisut aalajangersartassavaat siulittaasup tullia qanoq qinerneqassanersoq.

Pissusissamisoortinneqarsimavoq siulersuit namminneq siulittaasup tullianik qinersisarnissaat.

§ 9 -mut

Imm. 1-imut

Aalajangersakkami aalajangerneqarput piumasagaatit tamatigoortut, piumasagaatitut ilaasortatut toqqarneqarsinnaanermut. Siullertut matumani pineqarpoq Kalaallit Nunaanni najugaqarnissamik piumasagaat.

Tulliullugu piumasagaataavoq ilaasortat 18 -inik ukioqalereersimanissaat. Toqqaasoqarnerani qassinik ukioqarnissamik piumasagaat naammassineqariissaaq.

Tamatuma saniatigut killiliisoqarpoq, aalajangerneqarmat ilaasortat politikikkikut ingerlatsisuunnginnissaat.

Imm. 2-mut

Aalajangersakkap aalajangerpaa Kalaallit Nunaanni filminstituttimi pisortaq siulersuisunut qinerneqarsinnaanngitsoq. Tamanna pissutaavoq, pisortaq, siulersuisunit atorfinitsinneqartoq, siulersuisunit ilitsersorneqartussaaffigineqarmat.

§ 10 -mut

Aalajangersakkami aalajangerneqarpoq siulersuisuni ilaasortanut inuttut ataasiakkaarlugit sinniisussanik toqqaasoqartarnera, aamma qaqugukkut taakkua siulersuisuni ilaasortanngortarneri.

Sinniisussap ilaasortamut aalajangersimasumut sinniisutut toqqarneqartarnera isumaqarpoq, sinniisussap pineqartup ilaasortamut aalajangersimasumut taamaallaat sinniisussaananerik.

Sivisunerusumik siulersuisuniit peqanngittarneq ingammik tassaasinnaasarpoq sivisunerusumik napparsimasoqarnera. Piffissami sivisunerusumi peqannginneq paasineqassaaq pisoq qaammataalunnik sivisussuseqartoq.

Aalajangersakkallu aamma ilanngullugu aalajangiuppaa sinniisussat § 7, imm. 2-mi aamma § 9 -mi piumasagaatinik naammassinnittarnissaat. Taamaasillunilu tamanna atuuppoq sinniisussatut toqqarneqarnermiilli.

§ 11 -imut

Imm. 1-imut

Aalajangersakkami aalajangerneqarpoq piffissaq siulersuisut atuuffigisassaat.

Imm. 2-mut

Aalajangersakkami aalajangerneqarpoq siulersuisuni ilaasortanik toqqaqqissinnaaneq. Toqqaqqittarnermut tunngatillugu tamanna imatut paasineqassaaq piffissap qinigaaffiusup naanerani toqqaannartumik toqqaqqinneqarsinnaaneq. Tamatumalu taamaasilluni aamma mattutinngilaa toqqaagaasimasup kingusinnerusukkut piffissami allami toqqarneqarsinnaanera.

Imm. 3-mut

Aalajangersakkami aalajangersarneqarpoq siulersuisunut ilaasortaq imaluunniit siulersuisunut kingoraartissat siulersuisunut ilaasortannorsimasut qanoq ilisukkut tunuartinneqarsinnaanersut. Siulersuisuni ilaasortatut peqqarniitsumik akisussaaffigisamik sanioqqutsisimanermik oqarnermi eqqarsaatigineqarput pisut qinigaaffimmik isumaginniffiusimasut naammaginangitsut, pissutsillu pisimasut nalinginnaasumik mianersuaalliornertut isigineqarfiginngisaat. Aalajangersagaq assersuutigalugu atorineqarsinnaavoq annertuumik piumassuseqarsimannginnermi, siulersuisuni peqataasanninnikkut imaluunniit amigartumik siulersuisut sulineranni peqataasarnerni. Tamanna aamma atortinneqarsinnaavoq siulersuisuni ilaasortap immikkut akuersissuteqarnissamik piumasaqannnginnerani imaluunniit akuerisaanngitsunik aningaasartuutissanut missingersuusiat unitsinneqannnginneranni. Tamatumalu saniatigut isumaliutaasinnaavoq aalajangersakkap atortinneqarsinnaanera pisuni siulersuisuni ilaasortat pisinnaatitaaffimminik tamatumani killiliussanik peqqarniitsumik sanioqqutsinerani, imaluunniit nammineq inuttut soqutigisaminik siulersuisuni akulerussinerani Kalaallit Nunaannut filminstituttip soqutigisaanut akornusiisumik.

Pisuni siulersuisuni ilaasortap pineqartup allatigut siulersuisuni ilaasortaanissamut naleqqutsinngitsutut pissusilersorfigisaani, minnerunngitsumik eqqarsaatigineqarput pinerluuteqarnermik iliuitsit, matumanilu minnerunngitsumik aningaasatigut pinerluuteqarneq, soorlu paarisanik aningaasanik peqquserluuteqarnikkut, peqquserlunneq, piginnaatitaanermik atornerluinikkut il.il. Allatigullu aamma pinerluuteqarnerit inuttut nammineq iliuserineqarsimasut aamma kingunerisinnaavaat pineqartup tatigineqarunnaanera, pisortat ingerlatsivianni siulersuisunut qinigaasinnaasutut.

§ 12-imut

Imm. 1-imut

Aalajangersakkami aalajangerneqarpoq siulersuisut namminneq suleriaasissartik aalajangersassagaat. Tamanna isumaqarpoq suleriaaseq Naalakkersuisunit akuerineqartussaanngitsoq. Tamatumali mattutinngilaa siulersuisut suleriaasissamik suliaqarnerminni Naalakkersuisunik tamanna pillugu isumasiuisinnaanerit.

Imm. 2-mut

Aalajangersakkap aalajangiuppai suleriaatsimi minnerpaatut ilaasussat. Minnerpaaffissatut piumasagaatit taakkua suleriaatsini nalinginnaasuupput.

Oqartussaassutsip qanoq agguataarneqarneranut atatillugu malittarisassat siulersuisut aamma pisortap akornanni tassaasinnaapput malittarisassat kikkut imaluunniit kia pissutsini suni aalajangiisarnissaa.

Ataatsimiittarnernut aamma ataatsimeeriaatsinut tunngatillugu pineqarsinnaapput malittarisassat ukiumut qasseriarluni ataatsimiittoqartarnissaanut, aamma ataatsimiinnerit naapinnani - katersuunnani - allatut ingerlanneqarsinnaaneri. Ilanngullugit maleruagassat tassaasinnaapput ataatsimiigiaqqusisarnerit, ataatsimiigiaqqusinissap siumoortumik ilisimatitsissutigisarnera aamma ullormut oqaluuserisassat allassimaffiata nassiunneqartarnera, ataatsimiinnerup ingerlanissaa, matumanissaaq immaqa aamma oqaluuserisassat aalajangersimasut pinngitsoorani sammineqartussat aamma ataatsimiinnermi aqutsisoqartarneq.

Ataatsimiinnermi taasisarnermut tunngatillugu malittarisassaqaarsinnaavoq qanoq taasinerup ingerlanneqartarnissaanik, matumani aamma immaqa allallugu taasisarnermut. Aamma pineqarsinnaapput siulersuisut qanoq ilisuni aalajangiisinnaassuseqarnerat, aamma akuersinerup nalinginnaasumik amerlanerussutit atorlugit pisarnissaa imaluunniit allatut.

Sulianut attuumavallaarsinnaaneq eqqarsaatigalugu Pisortat ingerlatsinerani suliassat suliarineqartarnerat pillugu inatsimmi arlaannaanulluunniit atasuunnginnissamik malittarisassat atuupput, sanioqqunneqarsinnaassanatillu sakkukillillugit. Suleriaatsimi taamaattumik pisortat ingerlatsineranni arlaannaanulluunniit atasuunnginnissamik malittarisassat issuarneqartariaqassapput, pisariaqarpat erseqqissaatinik sakkortusisanik malittarisassalerlugit, instituttimi suliassanut siunertanullu atasumik.

Nipangiusimannittussaataaeremut atatillugu Pisortat ingerlatsinerani suliassat suliarineqartarnerat pillugu inatsimmi nipangiusimannittussaaneremut aalajangersakkat atuupput, taakkualu sakkukinnginngorlugit sanioqqunneqarsinnaassanatik. Taamaattumillu suleriaasissami pisortat ingerlatsineranni suliassat suliarineqartarnerannut aalajangersakkani nipangiusimannittussaaneremut malittarisassat issuarneqartariaqassapput, pisariaqarpat erseqqissaatinik sakkortusaatinilluunniit ilallugit, instituttimi suliassanut anguniakkanullu naapertuuttunik.

Imaqarnilianut tunngatillugu malittarisassaqaarsinnaavoq aalajangikkanut atasumik imaqarniliortoqartassanersoq imaluunniit allatut imaqarniliortoqartassanersoq, kialu suliaasaq isumagissaneraa, qanoq imaqarnialiat akuerineqartassanersut, tamatumani ilanngullugu allakkatigut periaatsimik atuisoqassanersoq. Aamma imaqarsinnaavoq isummanik oqaatigineqartunik imaqarniliamut ilanngussisitsisoqartarsinnaassanersoq.

§ 13-imut

Imm. 1-imut

Aalajangersakkami aalajangiunneqarpoq siulersuisut suliaminnut honorarisiaqarnissaat, aamma qanoq honoraarit akilerneqartarnissaat. Honorarit annertussusissaat aalajangerneqartassapput imm. 4 naapertorlugu nalunaarummi. Erseqqissarneqarpoq, sulisut sinnerlugit siulersuisuni aalajangiisinnaanani peqataasussaq honorarisiaqartassanngilaq. Tamanna peqqutaavoq, sulisut sinnerlugit siulersuisuni aalajangiisinnaanani peqataasussaq siulersuisuni ilaasortaannngimmat taamaasilluni siulersuisuni ilaasortaasutut akisussaaffeqarani. Sulialli suliarineqarnera sulisut atorfinitsinneqarnerani ilaareertarmat.

Imm. 2-mut

Aalajangersakkap aalajangerpaa qanoq periaaseqartoqassanersoq siulersuisuni ilaasortanut qaammatip ingerlanerani tunuartunut, imaluunniit toqqarneqarlutik peqataalersunut qaammatip iluani. Aalajangersagaq taanna atorneqassaaq ilaasortamik piffissap atuuffiusup iluani tunuartoqarpat, taamalu nutaamik toqqaasoqarluni.

Imm. 3-mut

Aalajangersakkap kinguneraa instituttip aningaasartuutissanik missingersuusiani honorarisiassanut aningaasartuutissanik immikkoortitsisoqartassammat.

Imm. 4-mut

Honorarisiassat annertussusissaannut malittarisassani naatsorsuutigineqarpoq aallaavigineqassasut tamanna pillugu nalunaarneqareersut siunnersuutip aningaasatigut kingunerisassaasa allaaserineqarneranni.

Honorarisianik akiliisarnermut malittarisassat imm. 2-mi aalajangersakkanut ilassutaassapput.

§ 14-imut

Aalajangersakkami aalajangerneqarpoq aningaasartuutit atorneqartut siulersuisuni ilaasortat sulineranni matussuserneqartassasut Namminersorlutik Oqartussani tjenestemand-inut

malittarisassat sukkulluunniit atuuttut naapertorlugit. Kiisalu aamma aalajangersarneqarpoq aningaasartuutit pineqartut Kalaallit Nunaanni Filminstituttip akilertassagai.

Aalajangersakkap kinguneraa aningaasartuutissanut missingersuusianut ilanngunneqassammata aningaasartuutissat eqqaaneqartut.

Aningaasartuut Kalaallit Nunaanni Filminstituttimik kiffartuussinermi atorineqarsimasutut isigineqassaaq pineqarpat aningaasartuut pisariaqartoq siulersuisuni sulinermtu atattillugu suliani, assersuutigalugu siulersuisuni ataatsimiinnermi imaluunniit ingerlatsinerni allani siulersuisunit pisariaqartinneqartuni siulersuisuni sulianut atattillugu. Siulersuisuni ilaasortaq pisuni nalorniviusuni allaganngorlugi neriorsuummik siumoortumik siulersuisuniit siulittaasumiilluunniit piumasinnaavoq, aningaasartuutit matuneqarumaarnera pillugu.

§ 15-imut

Imm. 1-imut

Aalajangersakkap nassuiarpaa siulersuisut Kalaallit Nunaanni Filminstituttip oqartussarigai qullerpaajusut, siulersuisullu suut pingaarnertut sulissarineraat.

Siulersuisut aqutsinermi qullersaallutik oqartussaanagerat isumaqarpoq siullertut siulersuisut ulluinnarni aqutisunut atattillugu ataatsimut isigisunik ilitsersuusiorsinnaanagerat.

Siulersuisut qullersaallutik oqartussaanagerat aamma isumaqarpoq siulersuisut akisussaammata instituttip ingerlatsinerani. Tamanna aamma aalajangersakkami erseqqissarneqarpoq. Siulersuisut instituttimi suleriaasissamik namminerisaminnik aalajangersaassapput, tamatumani aamma akisussaaffiit agguataarnerannik siulersuisut aamma pisortaasup akornanni. Pisussaaffinnik pisinnaatitaanernillu ingerlatsiviup nammineq iluani agguataarineq pineqartoq kisianni allanguingilaq siulersuisut avammut isigisumik instituttip ingerlannerani akisussaanagerannik.

Akisussaaffik ingerlatsiviup aningaasatigut pigisaanik ingerlatsinermiittoq taamaattoq pisussaaffiliivoq qularnaarnissamik nunatta karsianiit aningaasaliissutit ingerlanneqarnissaannik tamatumunnga piumasagaatit atuuttut iluanni taakkualu qaangerneqannginnissaannik, qularnaarneqassallunilu aningaasaliissutillu siunertaasunut naammassisaqarfiusumillu atorineqarnissaannik. Tamatuma ilaatigut kinguneraa pisussaaffik aningaasaliissutit atorineqarnissaannik sapinngisamik pitsaanerpaamik, qularnaarlugulu aamma ingerlatsinerup isumannaatsumik aqqissuunneqarnissaa, tamatumani aamma pitsaasumik naammassisaqarfiusumillu aningaasanik aqutisisoqarnissaa.

Aalajangersakkami aamma siulersuisunut pisussaaffiliisoqarpoq aalajangersaanissanik instituttip anguniagaanik. Anguniakkat qulequttatut suliat periusissiani nalinginnaasumik sakkuusarput ingerlatsiviup qullersaallutik oqartussaasuini.

Anguniakkat ilisimatusarfiup § 5 malillugu suliasaanut naapertuuttunik anguniakkanut soorunami attuumassuteqassaaq. Anguniakkat aamma allanut sammitinneqarsinnaapput, assersuutigalugu ilisimatusarfiup tunngaviusumik suliaqarneranut anguniakkat.

Imm. 2-mut

Aalajangersakkat aalajangerneqartut Kalaallit Nunaanni Filminstituttip ingerlatsineranut atasumik ilaatigut tassaasinnaapput Inatsisartut inatsisaanniittut, aammali allaffissornikkut maleruagassianiittut, Inatsisartut inatsisaanni pinsinnaatitsinermik tunngavilimmik suliaasut.

§ 16-imut

Imm. 1-imut

Aalajangersagaq pisortaasup atorfiata taaguutaanik aalajangiingilaq. Taamaasilluni siulersuisut susassaraat nalilersussallugu taaguut qanoq ittoq pissusissamisoornersoq.

Imm. 2-mut

Aalajangersakkami pineqarpoq pisortap siulersuisunut atorfinitsitsisartuusumik sammisumik akisussaaffia.

Imm. 3-mut

Pissusissamisoortut isigineqarpoq aqutsinermi suliassamik ingerlatsisuunermut atatillugu atorfinitsitsisarnermut soraarsitsisarnermullu oqartussaaffiit inissisimappata, ulluinnarni akisussaasumi ingerlatsinernut.

§ 17-imut

Aalajangersagaq siunnersuutigineqarpoq atortinneqartussatut inatsisiliat erseqqissarumallugit, Kalaallit Nunaanni Filminstitutti pisortat ingerlatsiviattut malinnissasoq Namminersorlutik Oqartussani sulisuusunut atugassarititaasunik. Instituttip pisussaanera Namminersorlutik Oqartussanut atuuttunik atugassarititaasunik malinninnissamut taamaasilluni pingaarnertut kissaataavoq aningaasartuutunik aqutsinissamik, aammalu Namminersorlutik Oqartussat ingerlatsiviini assigiinnik atugassarititaasoqarnissaanik.

§ 18-imut

Imm. 1-imut

Aalajangersagaq siunertaqarpoq qularnaarinissamik siunertanut aalajangersimasunut immikkoortunik aningaasaliisoqartarnissaanik. Kalaallit Nunaanni Filminstitutti taamaasilluni aningaasat kiffaanngissuseqarluni atorsinnaasami iluanni pitussimassaaq aningaasaliissutit siunertanut aalajangersimasunut pitussimanerannik, taamalu siunertanut taakkununga taamaallaat atorsinnaanerannut.

”Immikkoortunik nioqutissiornermut aningaasaliissuteqarneq” paasineqassaaq aningaasaliissutit taamaallaat immikkut pineqartunut siunertanut atorpeqarsinnaasutut. Tamanna imatut paasineqarsinnaanngikkuni ukununga 1) filmiliat isiginnaagassiat aamma naatsut aamma dokumentaarit, imaluunniit 2) Kalaallit Nunaanni Filminstituttimiit allatigut tapiissutit.

Allatigut tapiissutit Kalaallit Nunaanni Filminstituttimiit tunniunneqartartut assersuutigalugu tunniunneqarsinnaapput suliaareersunik takoqqusaarinernut, saqqummiussinernut pilerisaaruteqarnernulluunniit.

Imm. 2-mut

Pissusissamisoortinneqarsimavoq siunnersuummi aalajangersassallugu tapiissutinik agguaanernut atatillugu atugassarititaasunik aalajangersaasinnaaneq. Atugassarititaasut taamaasillutik aalajangiisuusinnaapput tapiissutit sumut atorsinnaanerannut, atugassarititaasunillu eqqortitsinnginneq - malinninnginneq – tapiissutit utertinneqarnissaanik piumasaqarnermik kinguneqarsinnaalluni.

§ 19-imut

Imm. 1-imut

Aalajangersakkap oqaasertalersornerani siunnerfiuvoq Kalaallit Nunaanni Filminstituttip nammineq aalajangersinnaagaa, eqqumiitsuliornerup nalilersorneqarnera aningaasaqarnermi aamma nioqutissiornerup teknikkimut tunngasortaasigut ingerlanneqartassanersoq.

Pisussaaffiliinikkut eqqumiitsuliornerup nalilersornissaanik siunnerfiuvoq instituttip qularnaassagaa fagitigut eqqumiitsuliornerup pitsaassusia, ataatsimoortunik naliliinerni, naliliinermi ilanngullugu imartussaasumi aningaasarsiornerup aamma filmiliornerup teknikkimut tunngasortaasa nalilersornerisulli.

Suliniuummi aningaasarsiornerup aamma filmiliornermi teknikkimut tunngasunik nalilersuineq ilaatigut tunngavissiuussisaaq nalilersuineranut aningaasartuutissatut missingersuusiat piviusorsiornerannik.

§ 20-mut

Utertitsisarneq isumaqarpoq aningaasartuutaasimasut ilaannik utertitsisarnertut. Tamatumani taamaasilluni aallaaviuvoq qinnuteqartup uppersarsinnaagaa aningaasartuutit atornerarsimanerat.

Filmiliornermut aningaasartuuteqarnertut paasineqassaaq aningaasartuutit filmiliamut aalajangersimasumut atasutut. Tamatuma ersarinnerusunik aqunneqarnera pissaaq nalunaarusiami sinnersuummi § 21 -p kingunerisaanik.

§ 21-mut

Aalajangersakkap Naalakkersuisut pisussaaffilerpai aningaasanik tapiissuteqartarnermut malittarisassiornissamik, aamma filmiliornermi aningaasartuutaasimasut ilaasa matussutissaannik tapiissuteqartarnikkut. Aalajangersakkami nalunaarsorneqarput malittarisassanik suusinnaaneri. Nalunaarsukkat tamakkiisuunngillat.

Aalajangersakkami ammaanneqarpoq malittarisassanik aalajangersaanikkut aamma pissutsinik immikkut ittunik peqarsinnaanera § 20 -imi procentiliunneqartup sanioqqunnissaanut, aamma annerpaamik minnerpaamillu tapiissutigineqarsinnaasuni, aningaasanut inatsimmi aalajangersarneqartuni filmiliornermik aningaasartuutinik taarsiisinnaanermut, tak. § 20. Pisut immikkut ittut minnerunngitsumik tassaassapput nunani allani filmiliat, aningaasatigut inuiaqatigiillu isigalugit iluanaarutissat annertusinnaaneriniittut, taamaattunilu naleqquttuusinnaalluni procentiliussap qaffannissaa imaluunniit aningaasat qaffasinnerpaaffissaasa qaffannissaat.

§ 22-mut

Imm. 1-imut

Aalajangersakkap aquppaa qanoq kommunit peqataasinnaanersut tunniussaqaqlutik filmiliornermik siuarsaanermili filmertarfeqarnermilu.

Imm. 2-mut

Aalajangersakkap Naalakkersuisut pisinnaatippai ersarinnerusunik malittarisassiorsinnaanermik, kommunit tapiissuteqartarnerannut, attartortitsisarnernannut aamma qularnaveeqquisiisarnernannut filmiliornermut, filmimik attartortitsinissamut aamma filmertitsisarnermut. filmertitsisarnernut. Tamanna assersuutigalugu tassaasinnaavoq piumasaqaatit, qinnuteqarnermi periaasissat aamma tamatumani allaffissorneq.

§ 23-mut

Imm. 1-imut

Aalajangersakkap aalajangerpaa qanoq Kalaallit Nunaanni Filminstituttip aningaasalersorneqarnissaa, tassalu nunatta karsiata tapiissutaasigut.

Imm. 2-mut

Aalajangersakkap aalajangiuppaa Kalaallit Nunaanni Filminstituttip tiguisinnaanera tunissutinik kingornussanik aamma tunissutinik kiisalu tapiissutinik aamma sponsorit aningaasaliissutaannik nunatta karsiata avataaneersunik. Institutti aningaasaateqarfinnik aamma legat-inik tunissutineersunik pilersitsisinnaavoq. Kingornussat taamaattut, tunissutit aamma aningaasaateqarfimmit aningaasat ukiumoortunik naatsorsuutini immikkoortillugit nalunaarneqartassapput.

Imm. 3-mut

Immikkut eqqaaneqarpoq Kalaallit Nunaanni Filminstitutti isertitanik pissarsisinnaasoq isertitsiniutaasunik suliaqarnikkut. Isertitsiniutaasut suliat assersuutigalugu tassaasinnaapput pikkorissartitsisarnerit, workshops-it il.il. Isertitsissutaasussanik suliaqarnermi instituttip akigitassat kiffartuussinerillu allat imatut aaqqissuuttassavai namminersortunut neqerooruteqartartunut nunatsinni unammillernerunngitsumik.

Isertitsissutaasartunik suliaqarsinnaanermut pisinnaatitaanerup institutti pisinnaatinngilaa nammineq filmiliornermik aallartitsisinnaanermik imaluunniit aningaasarsiutigalugit ingerlatsinernik namminersortunut unammillertunik. Taamaasillunilu instituttimut periarfissaassanngilaq nammineq filmertarfimmik ingerlatsisinnaaneq.

Imm. 4-mut

Aalajangersakkap aalajangerpaa Kalaallit Nunaanni Filminstituttip kiffaannngissuseqarluni tapiissutinik isertitanillu allanik atuisinnaanera, atugassarititaasullu malissallugit aamma aningaasartuutissanut missingersuusiat.

Kalaallit Nunaanni Filminstituttip taamaasillu eqqortissavai atugassarititaasut aamma aningaasartuutissanut missingersuusiani tunngaviusut suliassanik ingerlatsinermi, suliassallu taakkunani allassimasut sularissallugit.

§ 24-mut

Aalajangersakkap siulersuisut pisussaaffilerpai ukiut tamaasa Naalakkersuisunut aningaasartuutissanut missingersuusiortarnissaanik aningaasat ukiuannut tulliuuttumut, Naalakkersuisunit piffissaliussap iluani. Kiisalu aamma aalajangiunneqarpoq aningaasartuutissanut missingersuusiat sunik imaqarnissaat.

Siunnersuutip tunniunneqartup oqaatigissavaa Kalaallit Nunaanni Filminstituttip aningaasaliissutissanik pisariaqartitai. Kingulliullutik Inatsisartut oqartussaapput aningaasanut inatsisip akuersissutigineqarneranut atatillugu aningaasaliissutissat annertussusilissallugit.

§ 25-mut

Aalajangersakkap aalajangersarpaa Kalaallit Nunaanni Filminstituttip malittassagai maleruagassat atuuttut minngersuusiortarnernut, naatsorsuusiortarnernut aamma naatsorsuusianik saqqummiussisarnernut, Namminersorlutik Oqartussani piffissami sumiluunniit atuuttuusut. Piumasaqaammut pissutaavoq instituttip pisortat ingerlatsiviattut namminersortutut ingerlagaluarni annerusutigut Namminersorlutik Oqartussanit aningaasalersugaanera.

§ 26-mut

Imm. 1-imut

Aalajangersakkami ersippoq Kalaallit Nunaanni Filminstituttimut ukiumoortunik naatsorsuusiat kukkunersiorneqartussaasut Namminersorlutik Oqartussat kukkunersiuisunit. Tamatumalu taamaasilluni aamma kinguneraa Namminersorlutik Oqartussat kukkunersiuisuisa Kalaallit Nunaanni Filminstituttip naatsorsuutaanik sammisaqarnerminni paasisutissanik siulersuisunit piniarsinnaaneri.

Imm. 2-mut

Aalajangersakkami erseqqissarneqarpoq naatsorsuutit Naalakkersuisunut saqqummiunneqarnerminni siulersuisunit aamma kukkunersiuisunit akuerineqareersimanissaat, tamatumalu kingorna naatsorsuutit kukkunersiuisut oqaaseqaataannik ilallugit Naalakkersuisuinut akuerisassanngorlugit saqqummiunneqartussaanerat. Tamanna isumaqarpoq naatsorsuusiat akuerisat Naalakkersuisoqarfimmut oqartussaasumut nassiunneqartussaanerannik.

Imm. 3 -mut

Tamanut saqqummiussisussaaneermik piumasaqaat ilanngunneqarpoq takuneqarsinnaaqullugu uppersarumallugulu Kalaallit Nunaanni Filminstituttip ingerlatsinera. ”Naalakkersuisut akuersinerisa kinguninngua” isumaqarpoq tamanut saqqummiussineq akuerineqareerneranni sukkasuumik pisussaammat.

§ 27-mut

Imm. 1-imut

Aalajangersakkami siulersuisut pisussaaffiligaapput ukiumoortumik Kalaallit Nunaanni Filminstituttip ingerlatsinera pillugu nalunaarusiortarnissamik Naalakkersuisunut, nalunaarusiallu instituttip quppersagaatigut tamanut saqqummiuttarnissaanik.

Tamanut saqqummiussisussaannermut piumasaqaat ilanngunneqarpoq uppersarsarumallugu inuiannut Kalaallit Nunaanni Filminstituttip ingerlatsinera.

Imm. 2-mut

Aalajangersakkap aalajangerpai piumasaqaatit minnerpaat nalunaarusiap imarisassaani, aningaasatigut tapiissutit pillugit ukiup siuliani tunniunneqarsimasut. Matumani pineqarput paasissutissat objektiviusumik paasineqarsinnaasut kisitsisinilu paasissutissani atorneqarsinnaallutik aammalu pilersaarusiornermi atorneqarsinnaallutik.

Piumasaqaatit nr. 3 aamma 4 -miittut ilaqarput kikkut tunineqarsimanerannik aamma kikkut itigarsimanerannik, kikkullu siusinnerusukkat itigartinneqarsimanerannik. Tamatumani siunertaavoq takussutissiuutissallugu qinnuteqartuni assigiit tunineqarsimansut itigarsimansullu.

Imm. 3-mut

Aalajangersakkap aalajangersarpaa nalunaarusiami ilanngullugit nassiuarneqartassasut Kalaallit Nunaanni Filminstituttip aningaasaqarnikkut sulisoqarnikkullu inissisimamera, aamma instituttip inatsisit naapertorlugit pisussaaffiisa naammassineqarsimaneri. Piumasaqaatip tamatuma naggataani siullermut sanilliullugu imm. 2 -mi piumasaqaammut atasumik pissutsinik oqaluttuarluni allaaserinninnerussaq, tassuunalu instituttip naliliineranik oqariartussalluni.

§ 28-mut

Imm. 1-imut

Aalajangersagaq piumasaqaatinik aalajangiivoq, Inatsisartut inatsisaat, imaluunniit malittarisassiat taanna naapertorlugu suliaasut tunngavigalugit tapiissutinik tiguisartup, taakkununnga naatsorsuusiortussaananeramik. Piumasaqaat siunertaqarpoq qularnaariniarnermik tapiissutigineqartut tapiissuteqarnermi atugassarititaasunik tunngavilimmik atorneqarsimanissaanik.

Aalajangersagaq imaqaangilaq piumasaqaammik naatsorsuutit kukkunerisiorneqarsimanissaanik, kisiannili Naalakkersuisut imm. 2 -mi pisinnaatitsineq naapertorlugu malittarisassiorsinnaassapput naatsorsuusiortarnissanik, matumani aamma kukkunerisuisoqarnissaanik piumasaqaammik.

Imm. 2-mut

Aalajangersakkap Naalakkersuisut pisinnaatippai malittarisassiornissamut naatsorsuusiortarnermut, matumani aamma kukkunerisuisarnermut.

Aalajangersakkamik tunngaveqartumik assersuutigalugu ersarinnerusunik malittarisassiorqarsinnaassaaq, qaqugukkut naatsorsuutit kisimik atorfissaqarnersut, qaqugukkullu naatsorsuutit kukkuniuisumit kukkuniorneqarsimasut atorfissaqarnersut. Aamma malittarisassiorqarsinnaassaaq naatsorsuutit qaqugukkut nassiunneqareersimanissaat ilanngullugit.

§ 29-mut

Imm. 1-imut

Aalajangersakkami aalajangerneqarpoq qaqugu tapiissutit aningaasaliissutaasimasut tamakkiisumik ilaannakuusumilluunniit utertinneqartariaqarnersut piumasarineqarsinnaanersoq.

Tapiissuteqartarnermut atugassarititaasut takuneqarsinnaassapput tapiissutit nassiunneqarnerannut atatillugu allakkani.

Imm. 2-mut

Pissusissamisoortinneqarsimavoq Naalakkersuisut pisinnaatinnissaannut malittarisassiornissamut tapiissutit atorunnaartarnerannut aamma utertinneqartarnerannut. Aalajangersakkami tunngavilimmik assersuutigalugu malittarisassanik aalajangersaasoqarsinnaassaaq uppersaatinik piumasaqaataasartussat pillugit, periaasissanut malittarisassanik il.il.

§ 30-mut

Imm. 1-imut

Aalajangersakkami aalajangersarneqarput kikkunnut tamanut aningaasarsuutigalugu Kalaallit Nunaanni filmiliortartunut pisussaaffiit, qinnuteqartarnermut atasut. Tamatumunnga atatillugu immikkoortitsisoqanngilaq nunani allamiut aamma kalaallit filmiliaannik. Erseqqissarneqarpoq aalajangersakkami akuersissuteqartoqartarnissaanik piumasaqaat tusagassiornermi atuutinngitsoq. Aalajangersagarlu taamaasilluni siunnerfeqanngilaq killiliiniarnermik innuttaasut oqalussinnaatitaaneranni paasissutissinneqarsinnaaneranniluunniit, eqqumiitsuliornikkut killiligaannginnermik aamma tusagassiornikkut kiffaanngissuseqarnermik. Aalajangersagarlu aamma akornusiinngilaq innuttaasut annikinnerusunik isertitassarsiorsinnaaneranni assersuutigalugu eqqumiitsuliornikkut imaluunniit internetimi qppersakkani paasisitsisinnaanerannik.

§ 2-mi filminik nassuiaanerup kinguneraa, filmi ussasaarut siunnersuummi aamma ilanngunneqarmat. Tamanna pillugu filminut ussasaarutitut tunngatillugu akuersissummik piumasaqaat aamma atuutissaaq, aningaasarsuutigalugu filmiliorneq uani pineqarmat. Suliffeqarfii mikisut namminneq suliaminnik naatsuaqqanik videoliortarput, taakkua naatsuliat suliffeqarfimminnit niuerutiginiarlugit inuit attaveqatigiittarfiinut ikkuttarpaat. Taama ittunik videonik naatsunik suliaqarnissamut akuersissummik qinnuteqartoqartarnissaa siunnersuummi siuneqartarineqanngilaq. Taamaattumik pisuni immikkut ittuni, soorlu taakkunani, akuersissummut

piumasaqaatit saneqqunneqarsinnaaneri pillugit malittarisassanik aalajangersaasinnaaneq imm. 2-mi tunngavissatut aalajangersakkami ammatinneqarpoq.

Aalajangersakkap ilanngullugu aalajangersarpaa qinnuteqarnermut atatillugu akitsuummik akiliisoqartussaammat, qinnuteqaammut atatillugu allaffissornikkut sulianut matussutaasussanik. Naalakkersuisut imm. 2 naapertorlugu pisussaaffilerneqarput akitsuutip annertussusissaanut malittarisassiornissamut.

Imm. 2-mut

Aalajangersakkap Kalaallit Nunaanni filmiornissamut akuerineqarnissaq pillugu qinnuteqarnissamut malittarisassanik erseqqarinnerusunik matumani ilanngullugit immikkut pisoqartillugu akuersissutit pillugit piumasaqaatinik saneqqutsisinnaaneq, ilusissaanut piumasaqaat, qinnuteqarnissamut piffissaliussanik aamma akiliutip akilerneqartussap annertussusissaa pillugit aalajangersaanissaanut Naalakkersuisut pisussaaffilerpai.

Ilusissanut piumasaqaatit assersuutigalugu tassaasinnaapput immersugassamik aalajangersimasumik atuisoqassanersoq.

§ 31-mut

Imm. 1-imut

Aalajangersakkap pisussaaffilerpaa Kalaallit Nunaanni Filminstituttip akuersissummik nalunaaruteqarnermut atatillugu nalunaarsuisussaananeramik paasissutissanik qitiusunik filmiassaq pillugu aamma tamatumunnga akisussaasunik.

Paasissutissat qitiusut paasineqassapput paasissutissat nalilerneqartut filmiapp Kalaallit Nunaanni immiunneqartussap annertussusissaanut aamma suussusianik. Paasissutissat kisitsisini paasissutissani atorsinnaassapput, pilersarusiornermut sumiiffimmilu aqutsisinnaanermik piareersaasinnaanernut.

Imm. 2-mut

Aalajangersakkap Kalaallit Nunaanni Filminstituttimik pisussaaffiliivoq quppersakkamigut tamanut paasissutissiisassasoq akuersissutit nalunaarutigineqartut tamaasa pillugit.

Paasissutissat ilaqassapput paasissutissanik filmiapp suuneranik aamma kiap akisussaasuuneranik. Imm. 3-mi pinsinnaatitsisutip kingunerisaanik malittarisassiortoqassaaq ersarinnerusunik paasissutissat suut qitiusut tamanut saqqummiuttarnissaannik.

Imm. 3-mut

Aalajangersakkap Naalackersuisut pisussaaffilerpai ersarinnerusunik malittarisassiornissamik paasissutissat imm. 1 -imi pineqartut nalunaarsorneqartarnissaannut tunngasut pillugit.

Malittarisassani assersuutigalugu ilaasinnaapput piumasqaatit, paasissutissat suut nalunaarsorneqartarnissaanut, aamma qanoq iluseqartumik nalunaarsuisoqartarnissaanik.

§ 32-mut

Imm. 1-imut

Aalajangersakkami aalajangerneqarpoq Naalackersuisut Kalaallit Nunaanni Filminstituttimik nakkutilliisuusut Inatsisartut inatsisaat naapertorlugu ingerlatsineq pillugu. Tamanna Naalackersuisut immikkoortumik nakkutilliinerata ilaasut isigineqassaaq.

Imm. 2-mut

Pisinnaatitaaneq Kalaallit Nunaanni Filminstituttimiit paasissutissanik piniarsinnaanermut pisariaqartunik Naalackersuisut Inatsisartut inatsisaannik tunngaveqartumik suliassaminnik isumaginninnerannut atatillugu tunngavoq nakkutilliinnermut aamma suliassanik isumaginninnermut Naalackersuisut Inatsisartut inatsisaannik tunngaveqartunik suliassaannik.

§ 33-mut

Imm. 1-imut

Aalajangersagaq aalajangersaavoq aalajangiinerit allaffissornikkut oqartussanut allanut naammagittaalliutigineqarsinnaanngitsut.

Imm. 2-mut

Aalajangersagaq aalajangiivoq aalajangiinerit inatsisinut tunngasut Naalackersuisunit ingerlatinneqarsinnaasut aalajangiisoqarneraniit sap. ak. 4 -at qaangiutsinnagit. Inatsisinut tunngasut assersuutigalugu tassaasinnaapput apeqqutit aalajangiineq inatsisinik tunngavilimmik pisimanersoq, matumanissaaq malittarisassat tapiissutinik aqutsisuusut, aammali pisortani ingerlatsinermi ileqqussat naapertorlugit.

Piffissaliisoqarpoq sap. ak. 4 -anik naammagittaalliuteqarsinnaanermut, qularnaarumallugu suliassat sularineqartassasut pissutsinut naammagittaalliutaasunut atasumik. Naammagittaalliut piffissaliussap iluani tunniunneqanngippat Naalackersuisut suliassamik suliqaarnissaq itigartissinnaavaat.

Imm. 3-mut

Aalajangersakkap Naalakkersuisut pisinnaatippai naammagittaalliortarnermut malittarisassiornissamut naammagittaalliutillu suliarineqartarnerannut. Assersuutigalugu tamatumani pineqarsinnaapput oqaaseqarsinnaanermut piffissaliineq, piumasaqaatit nalinginnaasut il.il.

§ 34-mut

Imm. 1-imut

Unioqutitsineq pisussaanermik aningaasarsiutigalugu filmiornissamut akuersissummik qinnuteqartussaanermik, tamatumunngalu atatillugu akitsuummik akiliisussaanermik, aalajangersakkami siunnersuutigineqarpoq akitsuummik akiliisitsinermik pineqaatissiissutaasartussatut.

Tapiissummut tiguneqartumut naatsorsuutininik saqqummiisussaatitaaneq pillugu siunnersuutip § 28-ani, imm. 2-mik unioqutitsineq pineqaatissiinermut aalajangersakkami ilaanngilaq. Tamanna pissuteqarpoq, siunnersuummi § 29, imm. 1 naapertorlugu pisussaaffiup taassuma malinneqannginnera tapiissutip utertillugu akilerneqarnissaanik piumasaqaammik kinguneqarsinnaammat.

Imm. 2-mut

Aalajangersagaq periarfissiivoq nalunaarusiornikkut malittarisassiorsinnaanermik akitsuummik akiliisussaanermut Kalaallit Nunaanni pinerluttulerinernut inatsimmik tunngaveqartumik.

Imm. 3-mut

Aalajangersagaq pisinnaatitsivoq inatsisit naapertorlugit inuit, assersuutigalugu ingerlatseqatigiiffiit, peqatigiiffiit inatsimmik unioqutitsinermi akitsuummik akiliisinneqarsinnaassasut.

Imm. 4-mut

Aalajangersakkap aalajangerpaa akitsuutit pineqaatissiissutigineqartut Inatsisartut inatsisaat naapertorlugu imaluunniit malittarisassat taassuminnga tunngavilimmik suliat naapertorlugit nunatta karsianut akilerneqartassasut.

§ 35-mut

Imm. 1-imut

Aalajangersakkami aalajangersarneqarpoq atortuulerfissaa. Atortuulerfissaq siunnersuutip akuersissutigineqarsimatsiarnerata kingornagut pisussatut naatsorsuunneqarpoq.

Imm. 2 -mut

Aalajangersakkap aalajangersarpaa piffissamut sorlermut siulersuisut siullit toqqarneqarnissaat. Tamatuma aalajangernerani isiginiarneqarsimavoq Inatsisartut inatsisaannik atortuulersitsineq piartuaartussaammat, siulersuisut toqqarneqarnissaannut.

Imm. 3 -mut

Aalajangersakkap aalajangerpaa Kalaallit Nunaanni Filminstituttip sulineranut malittarisassat aatsaat atortuulissasut 1. januar 2026. Taamatut aaqqissuussisoqarpoq qularnaarumallugu piffissaqarnissaa siulersuisunik toqqaasoqarnissaanut, pisortaasussamik atorfinitsitsisoqarnissaanut, sulisussanik allanik atorfinitsitsisoqarnissaanut, inissikkiartuaarnissamut il.il. kiisalu Inatsisartut inatsisaat naapertorlugu allaffissornikkut ileqqoreqqusassanik suliaqartoqarnissaanut.

Tusarniaanermi akissuteqaatit pillugit allagaq

Siunnersuut piffissami 17. juni 2024 - 15. juli 2024 tusarniaassutigalugu nassiunneqarsimavoq tusarniaavigineqartartunut susassaqartunut, tak. ilanngussaaq 1, aammalu tamanut ammasumik Naalakkersuisut quppersagaanni 19 juni 2024-miit takuneqarsinnaasimavoq. Ajuusaarnartumik kukkusoqarneratigut siunnersuut Kalaallit Nunaanni Eqqumiitsuliornermut Aningaasaateqarfimmut nassiunneqarsimanngilaq, tamannalu tusarniaanissamut piffissaliussap naanerani aatsaat paasineqarluni. Taamaattumik Kalaallit Nunaanni Eqqumiitsuliornermut Aningaasaateqarfik ulloq 19. juli siunnersuummik malinnaatitsiffigalugu nassiussiffigineqarpoq qinnuigineqarluni kingusinnerpaamik 5. august tusarniaanermi akissummik nassiusseqqullugu.

- Avannaata Kommunia
- Kommune Qeqertalik
- Qeqqata Kommunia
- Kommuneqarfik Sermersooq
- Kommune Kujalleq
- KANUNUPE
- Kalaallit Nunaanni Eqqumiitsuliornermut Aningaasaateqarfik
- Nunatta Isiginnaartitsisarfia/ Grønlands Nationalteater (NUIS)
- EPI
- Film.gl
- SILA
- Kalaallit Atuakkiortut
- Nunatsinni nipilersortartut
- KIMIK
- Nunatta Katersugaasivia Allagaateqarfialu
- Ilisimatusarfik
- Nunatta Atuagaateqarfia
- NAPA
- Katuaq
- Taseralik
- Sermermiut Kulturhus
- Kalaallit Nunaata Radioa
- NTK
- Sulisitsisut (GE)
- NUSUKA

- Visit Greenland
- Inuit innarluutillit pillugit oqaaseqartartoq Tilioq
- Utoqqaat pillugit oqaaseqartartoq
- Inuit Pisinnaatitaaffii pillugit Siunnersuisooqatigiit

Tusarniaanermi akissutit ukunannga tiguneqarput:

Film.gl, Kalaallit Nunaanni Eqqumiitsuliornermut Aningaasaateqarfik, NUIS, Kommuneqarfik Sermersooq, Sulisitsisut aamma Visit Greenland.

Siunnersuummi ataasiakkaanik allannguuteqarnermik tusarniaaneq kinguneqarpoq.

Tusarniaassutigineqartumi §§ 22 aamma 23-mi aningaasaqarfiliorsinnaanermik periarfissiinermut tunngasut aalajangersakkat peerneqarput Film.gl.-ip akissuteqaataanik peqquteqartumik.

Taamaattumik tusarniaassutigineqartumi § 34, imm. 3 peerneqarpoq.

Film.gl-imit akissuteqaat oqaasiliornermut allannguutissanik ataasiakkaanik amerlanngitsunik kinguneqarsimavoq. § 1-imi filmiliornerup suuneranik erseqqissaanerit allanngortinneqarput, naalagaaffimmi innuttaassuseqarnissamik Kalaallit Nunaannilu najugaqarnissamik piumasaqaatit ersarissisinnearput siunnersuummi § 3, imm. 3-mi, § 4-mi, imm. 2-mi ”tunisassiorneq” ”filmiliornermut” allanngortinneqarpoq, ”siornatigut toqparneqareersimasumik” kingornani ”toqqaannartumik” § 11-mi ilanngunneqarpoq, ”aningaasaliissutinik atuinernut aalajangersaasarnernut instituttip anguniagaanik pingaarnernik Kalaallit Nunaanni filmiliornerup siuarsarniarlugu” allanngortinneqarpoq imatut ”aningaasaliissutinik atuinernut aamma aalajangersaasarnernut instituttip anguniagaanik” § 15, imm. 1-imi, § 19, imm. 2-mi oqaaseqatigiit ”filmilianik pisariaqartussatut siunnersuutigineqartuni, aamma filmit innuttaasuni gruppikkaani siunnerfiusuni qanoq inissisimanissaat, aamma Kalaallit Nunaanni Filminstituttimi filminik nassiussuisarnermi aqqqissuussinermi periarfissat eqqarsaatigalugit” peerneqarput.

Taakku saniatigut allannguutit naqqiinerillu annikitsuinnaat ilanngunneqarput.

Tulliani tusarniaavigineqartut akissuteqaataat oqaaseqarfigineqarput. Tusarniaavigineqartut akissuteqaataannut oqaaseqaatit uingasunik allassimapput, oqaaseqaatigineqartullu sapinngisamik assilillugit allanneqarsimapput pingaaruteqarnerinik nalileereernikkut.

NUIS:

NUIS siunnersuummut oqaaseqaatissaqanngillat.

Sulisitsisut:

Sulisitsisut pingaarnertigut iluaraat Kalaallit Nunaanni filmiliornerup pillugu suliniuteqarneq nukittorsarneqalerat, tamannami annertuummik periarfissaqartoq sulisitsisut nalilerpaat. Aamma

Sulisitsisunit taaneqarpoq, filmiliortarnerup annertunerulenera inuussutissarsiutinut allanut pitsaasumik sunniuteqarnissaa.

Filmiliornermi aningaasartuutunik utertitsisinnaanermut siunnersuut pillugu Sulisitsisut oqaatigaat tunngaviusumik inuussutissarsiutit tamarmik assigiimmik periarfissinneqartariaqartut. Naak Sulisitsisut filmiliortarnek siuarsarniarlugu aaqqissuussinermut siunertat paasigaluarlugit, Sulisitsisut tunngavissaqarsorinngilaat inuussutissarsiortut ilaat allanut naleqqiullugit pitsaanagerusunik atugassaqartinneqarnissaat, inuussutissarsiutimmi allat aamma assinganik aaqqissuussinertigut iluaquteqarsinnaassagaluarмата.

Tamanna pillugu Naalakkersuisut uparuassavaat, filmiliornermi aningaasartuutunik utertitsisarnek nunani arlalinni atuuttuummat, taamatullu aaqqissuussineq filmiliortartunut kajumissaataavoq angusaqarfiulluarluni sunniuteqarluartartoq, tamannalu tunisanik annertusaasarluni isertitatigut inuussutissarsiutinilu piginnaasanik annertusaasarluni.

Visit Greenland:

Visit Greenland siunnersuummut nalinginnaasumik iluarinnilluni akissuteqarpoq. Pingaartillugu oqaatigineqarpoq inatsit tuniniaanermi ussassaarinermilu pitsaasunik periarfissiisinnaammat, tamannalu nunatta filmiliorfissatut inissisimanera pilerinarsisissavaa, Kalaallit Nunaanni Filminstituttimik pilersitsineq filmiliorluni tunisassiornerup ineriartornissaa kaamisassavaa, nunatsinnilu filmkommissioneqalernerup nunanit allanit filmiliassanit kajumissuseqarnermik kinguneqassaaq, tamatumalu nunatta nunarsuatsinni malunnaateqarnerulernissaa annertusassavaa.

Aningaasaliinertigut tapiissuteqartarnek aamma aningaasartuutunik utertitsisinnaanermik aaqqissuussineq Visit Greenland-ip taperserpaa. Aamma taaneqarpoq nunatsinni filmiliornerup iluani takornariartarnermut periarfissat annertummata, filmiliornerullu nunatta immikkuullarissutut takornariarfissatut tuniniarnerani sunniuteqarluassaaq, filmillu nunatsinni kulturip nunanut allanut tuniniarnerani sunniuteqarluassaaq, kiisalu filmiliornek suliffissanik pilersitsisinnaalluni aamma nunatsinni suliasanik neqeroorsinnaasunik pisariaqartitsineq annertusassavaa, tamakkulu nunatta aningaasaqarneranut pitsaasumik sunniuteqassapput.

Aningaasanik sulisinnaasunillu isumalluutunik naammattunik Kalaallit Nunaanni Filminstituttimut illikartitsisoqartarnissaa pingaarnarpaasoq Visit Greenland-ip aamma taavaa, inatsimmi siunnersuutigineqartut suliniutit tapeeriaasillu amerlasuut pitsaasumi kinguneqartuarmillu ingerlanneqarnissaat taperserneqarnissaallu eqqarsaatigalugu pisariaqarpoq.

Aningaasanik illikartitsinerit aningaasaqarnikkut allaffissornillullu kingunerisassaat pillugit nalunaarusiami allaatigineqartut naammassasut Naalakkersuisut nalilerpaat.

Naggataatigut Visit Greenland-ip oqaatigaa inatsisissatut siunnersuut nunatsinni filmiliortarnerup ineriartornissaanut pingaaruteqarluinnassasoq, nunatsinneersut nunanillu allaneersut filmiliortartut tapersorsornerisigut nunatsinni filmit pillugit takornariaqarnerup piviusunnigortinnissaanut aamma nunarsuatsinni filmiliortartut akornanni inissinnissamut ilapittuutaassasoq.

Film.Gl:

Film.gl-ip tusarniaanermi akissuteqaatiminni kattuffittut siunnersuut naammagisimaarluarlugu oqaatigaa. Film.gl-ip oqaaseqaatiminni inatsisissatut siunnersuummut oqaaseqaatinullu allannguutissanik siunnersuuteqarpoq.

Siullermik Film.gl-ip § 1, imm. 1-imi filmiliortarnerup suunera pillugu oqaasiliorerit allangortinneqarnissaat kissaatigaa.

Allannguutissatut siunnersuutigineqartut tunngavilersorluagaapput, taamaattumik siunnersuummut ilanngunneqarput.

Film.gl-p § 2, imm. 1-imi oqaasiliorneq isumaqatigaa, tassani tv-mi allakaatitat filmiliornernut ilanngunneqanngillat. Tassunga tunngatillugu Film.gl-p uparuarpaa, KNR-imut inatsisiliornermi annertuumik amigaateqartoq, tassaasorlu tv-kkut aallakaatitassiornermik aamma filmiliornermik inatsimmi immikkoortitsisoqannginnera, KNR-ip inuiaqatigiinnut kiffartuussisussaataitaneranut atatillugu pisussaaffiliisoqarsimanngilaq KNR-ip pisussaaffigissagaa nunatsinni filmiliornerup siuarsarnissaanut, tapersorsornissaanut aamma nunatsinni filmiliat takutinneqartarnissaannut, KNR-ilu pillugu inatsimmi aalajangersakkanik piaartumik ilanngussisoqassasoq siunnersuutigineqarpoq.

Naalackersuisut tassunga tunngatillugu oqaatigissavaat Radiukkut tv-kkullu aallakaatitsisarneq pillugu Inatsisartut inatsisaat nr. 7 8. juuni 2014-imeersukkut Radiukkut tv-kkullu aallakaatitsisarneq pillugu Inatsisartut inatsisaata allangortinneqarnera pillugu Inatsisartut inatsisaat nr. 15 21.november 2022-meersukkut allangortinneqartumi siunertarineqarmat radiukkut aamma tv-kkut aallakaatitsisarnerup aalajangersaaffigineqarnissaa. Tassunga atatillugu tv-kkut aallakaatitassiornerup aamma filmiliornerup immikkoortinneqarnissaat tulluartuunngilaq, taakkumi tamarmik aallakaatitassianik aaqqissuinermi ilaasinnaammata. Rakiukkut tv-kkullu aallaatitsisarneq pillugu inatsisiliornerup nutarterneranut oqaaseqaatit ilanngunneqarsinnaanerat Naalackersuisut isumaliutissanut ilanngutissavaat.

§ 3, imm. 3, pkt. 2-mut tunngatillugu Film.gl-ip allappaa, piunasaqaatitaqanngimmat “pisortanut ilaasut aamma siulersuisunut ilaasortat amerlanerit Danmarkimi innuttaassuseqarnissaannik nunatsinnilu najugaqartuutitaanissaannik piunasaqaatitaqartoqanngimmat, tamannalu ilanngunneqartariaqartoq Film.gl allappoq.

Tamanna Naalackersuisut siunnersuummut ilannguppaat, siunertaanngimmat suliffeqarfiup qanoq ittuunera naaportorlugu assigiinngitsunik malittarisassaqaarnissaa.

§ 4, imm. 1-imut oqaasiliorerit naaportorlugit nunatsinni producentit akornanniinnaq koproduktion imaluunniit nunatsinni filmiortut arlaqartut akornanni taamaallaat pisartussaangitsaq Film.gl allappoq, periarfissarlu taanna ilaatinneqartariaqarpoq.

Tassunga tunngatillugu Naalackersuisut oqaatigissavaat oqaasiliornermi nunatsinni ataasiakkaat arlaqartulluunniit producentit nunanit allaneersunik producentinik suleqateqarlutik filmiliaasa nalilerneqarsinnaanerisa killilerneqarnissaat taamaallaat anguniarneqarpoq. Filmi nunatsinneersut producentit filmiliaat nunatsinneersut filmiliaattut Inatsisartut inatsisaat naaportorlugu nalilerneqartussaavoq. Tamanna § 3, imm. 1-imi oqaasiliornikkut “kalaallimik ataatsimik arlalinnilluunniit producenteqarluni suliat”-kut erseqqissarnerpoq, taakkulu oqaaseqatigiit “kalaallimik ataatsimik producenteqarluni” taarserpai.

§ 4, imm. 2-mut tunngatillugu Film.gl siunnersuuteqarpoq oqaasiliorerit allanngortinneqassasut. Allanngortitsinissamut tunngavilersuutigineqarpoq oqaatsimi “filmiorneq”-mi ilaammata suliasat tamarmik filmimik pilersitsiniarnermi aqqusaagassat, “sanaartornermi”-li taamaallaat filmimik immiussineq ilaasarluni.

Naalackersuisut allanngortitsinissamut tunngavilersuut isumaqatigigamikku siunnersuummut allannguutitut ilannguppaat.

§ 5-imut tunngatillugu Film.gl-ip oqaatigaa, Kalaallit Nunaanni Filminstituttip siunertaanut paragraffimi allasimannngimmat institutti nunatsinnut filmilianik tammatsaaliuineri qulakkeerinnittuussatitaassasoq, tamannalu amigaataammat ilungersunartuuvoq. Nangillugu nassuiaasiami “Inassuteqaatit qanoq aqqissuussinikkut Kalaallit Nunaanni filmiortarnerup nukittorsaavigineqarnissaa pillugu” Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfimmeersumi 2023-milu ullulerneqarsimasumi oqaatigineqarpoq Naalackersuisut isumaqartut suliasaq taanna atuagaateqarfiit pillugit inatsimmi Nunatta Atuagaateqarfianut saqqummersinneqartunik tamanik tunniussisussaataitanikkut isumagineqarsimasoq. Film.gl tamatumunnga isumaqataangilaq, saqqummersitanik tamanik tunniussisussaataitanikkut nunatsinni filmiliat pigiinnarnissaat qulakkeersinnaangilaa, atuagaateqarnerlu pillugu inatsimmilu aalajangersakkap nunatsinni filmiliat pigiinnarneqarnissaat qulakkeernaviangilaa.

Oqaatigineqarporlu aalajangersakkap aamma qulakkiinngikkaa kalaallit filmiliaasa inunntu tamanut takuneqarsinnaalernissaannut, filmilianillu tunniussisussaataitaneq kisimi naammanngilaq qulakkeerneqassappat filmiliat kulturikkut kingornussatut pigiinnarneqassappata tamanillu takuneqarsinnaangussappata.

Groenlandicami, tunniussisusaatitaanermik isumaginnittuusussami kalaallit filmiliaasa siunissami pigiinnarnissaannut akisussaasumi, naammattumik ilisimasaqarneq teknikkikkullu piginnaasaqarneq amigarpoq, aamma kalaallit filmiliaat Groenlandicamut tunniunneqarsimasut inunnut tamanut takuneqarsinnaanngornissaannut periarfissaqanngilaq. Kiisalu oqaatigineqarpoq suliassanut taakkununga akisussaaffik Kalaallit Nunaanni Filminstituttimiittoq, tassani sulisussaqaarlunilu aningaasaqarnikkut isumalluutissaqarmat kulturikkut kingornussat taakku isumagineqarnissaannut. Tassunga tunngatillugu innersuunneqarpoq 2015-imi inuit kajumissutsimikkut suliniutaat pingaaruteqartoq pilersinneqarmat kalaallit filmiliaasa kulturikkut kingornussat pigiinnarneqarnissaat inunnillu tamanit takuneqarsinnaanngorneqarnissaat qulakkeerniarlugu, inuit kajumissutsimikkut suliniutaat "Inuiaat Isaat" pilersinneqarpoq taassumalu kalaallit filmiliaannik toqqorsivissatut isumaliutaavoq. Tassunga ilanngullugu oqaatigineqarpoq malunnartoq filmiliat pigiinnarneqarnissaannut maannakkut akisussaasoqanngitsoq, tassami kulturip pigiinnarnissaanut suliffeqarfiit maannakkut ingerlasut inuit kajumissutsimikkut suliniutaannut akisussaasutut inississinnaasimangimmata.

Naggataatigut oqaatigineqarpoq kulturip pigiinnarnissaanut suliffeqarfik akisussaaffimmik tigusisinnaasutuaammatt Kalaallit Nunaanni Filminstitutti. Taamaattumik Film.gl sakkortuumik kajumissaarivoq kalaallit filmiliaasa kulturikkut kingornussassatut pigiinnarneqarnissaannut akisussaaffik Kalaallit Nunaanni Filminstituttip siunertaanut ilanngunneqassasoq. Film.gl-ip Kalaallit Nunaanni Filminstituttip suliassaata isumaginissaanut katillugit ukiumut aningaasartuutissat 900.000 kr.-nik annertussuseqarnissaat naatsorsorpaa.

Film.gl-ip kalaallit filmiliaasa pigiinnarneqarnissaannut oqaaseqaataanut akissutigalugu siullermik Naalakkersuisut oqaatigissavaat atuagaateqarfii pillugit Inatsisartut inatsisaat nr. 8 8. juuni 2014-imersoq naapertorlugu Nunatta Atuagaateqarfianut tunniussisusaatitaanerup filmit pigiinnarnissaat qulakkiissavaa. Atuagaateqarfinnut inatsimmi aamma aalajangersarneqarpoq Nunatta Atuagaateqarfiata peqataaffigissagaa nunatsinni kulturikkut kingornussassat pigiinnarnissaat qulakkeerneqassasut. Aamma atuagaateqarfimmut inatsimmi aalajangersarneqarpoq, kalaallit kulturikkut kingornussaannik siunertamut katersaateqarfimmini (Groenlandica) Nunatta Atuagaateqarfia nunatsinni saqqummersinneqarsimasunik tamanik tammatsaaliuinermi peqataassasoq katersinikkut, nalunaarsuinikkut aamma pilersitanik tamanik tammatsaaliuinikkut. Nunatta Atuagaateqarfia Groenlandica aqutigalugu katersatigut ilisimatusarnermut atuagaateqarfimmik suliaqassaaq, tassani ilaassallutik atuakkat, atuagassiat aamma allat issittoq pillugu saqqummersitat kiisalu sammisat nunatsinni inuiaqatigiinnut pingaaruteqartut. Nunatta Atuagaateqarfiata Groenlandicami katersat ilisimatusarnermilu atuagaateqarfik inunnut tamanut takuneqarsinnaanngornissaat qulakkiissavaa, nunatsinnilu kulturikkut kingornussat iluaniittut atuagaateqarfiup akisussaaffigisaanut ilisimasat misigisallu ingerlateqqittassallugit.

Nunatta Atuagaateqarfia, atuagaateqarfik pillugu inatsit naapertorlugu saqqummersinneqartut katersinissamik pisussaaffeqartoq, suliassamut immikkut ilisimasaqarluartunik sulisoqarpoq aamma katersinermi toqqorsivinnik ikuallatsaaliukkanik silaannarissakkanillu naammattunik peqarpoq. Taamaattumik immikkut ilisimasalinnik teknikkikkullu piginnaasaqartunik pisariaqartunik peqannginneraaneq Naalakkersuisut akuerinngilaat.

Aamma Naalakkersuisut oqaatigissavaat, tunniussisussaataaernerup atuuttumut aalajangersagaliat atortussanut saqqummersinneqartunut tunniussisussaataaernerup iluaniittunut, taakkulu Groenlandica-mut tunniunneqartussaapput, Groenlandica-lu sulisutigut illutatigullu siunertamut aaqqissukkanik peqarpoq. Tunniussisussaataaernerup tunngaviata allanngortinneqarnissaa, suliffeqarfimmut allamut tunniussisinnaanngortitsinikkut, Naalakkersuisut pitsaasutut nalilinnigilaat. Tunniussisinnaatitaanerup arlalinnut aaqqissuunneqarsinnaanera siunertaqanngitsumik akitsorsaataassaaq, taakkumi tunniussisussaataitsinermi tigooraaviusussanik immikkut tamarmik suliamut piumasaqaatitalinnik pilersitsissapput.

Innuttaasut Groenlandicami katersukkanut innuttaasut takunnissinnaanissaat pillugu atuagaateqarnermut inatsimmi § 13-imi aalajangersagaqarpoq, aamma Goenlandicami katersaniittut ilisimatusarnikkullu atuagaateqarfimmiittut kulturikkut kingornussassat atuagaateqarfiup akisussaaffigisaata iluaniittut pillugu ilisimasat Nunatta Atuagaateqarfiata ingerlateqqittassavai. Taamaattumik Groenlandicami katersanut takunnissinnaasoqassasoq inatsisiliornikkut aalajangersarneqarpoq, aamma atuagaateqarfiup akisussaaffigisaata iluaniittunut kulturikkut kingornussassanut ilisimasanik misigisanillu ilisimasat Nunatta Atuagaateqarfiata ingerlateqqittassagai. Nunatsinni filmeqarnikkut kingornussat pillugit ilisimasat tamanut ingerlateqqinneqarnissaat inatsisitigut qulakkeerneqarsimavoq. Aamma, innuttaasut namminneq suliniutaata siuliani taaneqartup saniatigut, filmitigut pisuussutit kulturimik tammatsaaliuinerimik suliffeqarfiit isumagisassaat suliarineqanngitsunik oqaaseqarneq Naalakkersuisut isumaqatiginngilaat. Innuttaasut katersukkanik takunnissinnaanissaannut tunngatillugu Nunatta Atuagaateqarfiata Kalaallit Nunaanni Filminstituttillu suleqatigiinnermik pilersitsisinnaanerat periarfissaassaaq.

§ 8, imm. 1,-imut tunngatillugu Film.gl allappoq Kalaallit Nunaanni Filminstituttimut siulersuisut tallimanik inuttaqartoq tulluartuusoq. Film.gl ilanngullugu allappoq, Sulisitsisut taarserlugit Visit Greenlandip toqqaasussaataaasunngortinneqarnissaa tulluarnertinneqarnerusoq. Tassunga atatillugu oqaatigineqarpoq, inuussutissarsiutinut atassuteqarnissaaq pingaartinneqartoq, Visit Greenlandillu Sulisitsisut taarserlugit siulersuisunut aallartitaqarneratigut tamanna qulakkeerneqassasoq. Nangillugu oqaatigineqarpoq, Kalaallit Nunaanni Filminstituttip Visit Greenlandillu anguniagaanni akisussaaffiit ilaat assigiissuteqartut, taakkulu siulersuisuni sammineqartarnissaasa qulakkeerneqarnissaat pingaaruteqartoq oqaatigineqarpoq, siulersuisunilu

inuussutissarsiortunut nalinginnarnut taamaallaat atassuteqarnermit takornariaqarnermut atassuteqarnerunissaq qulakkiissallugu pingaernerutinneqarpoq.

Naalackersuisut nalilerpaat, siulersuisunut ilaasortat piginnaasaqarnissaannut tunngatillugu Sulisitsisut NUSUKA—lu ataatsimut inassuteqaateqarsinnaatitaanissaat tulluarnerusoq. Ilanngullugu oqaatigineqassaaq Visit Greenland nammineq siulersuisunut inassuteqarsinnaatitaanissaminik kissaateqarluni nalunaaruteqarsimannngimmat.

Kiisalu Film.gl siunnersuuteqarpoq, nutaamik paragraffimik ilanngussisoqartariaqartoq, tassanilu aalajangersakkat Kalaallit Nunaanni Filminstituttimut pisortamut tunngasut ilanngunneqassammata. Tassunga tunngatillugu siunnersuummi Kalaallit Nunaanni Filminstituttimi pisortamut piginnaasassatigut piumasaqaatinik suliassanillu siunnersuummi ilanngussaqaannngimmat, taamatullu ilanngussaqaarnissaq pisariaqartutut taaneqarpoq. Aamma oqaatigineqarpoq pisortaq siunnersuummi ulluinnarni aqutsisutut taaneqarmat, pisortarli § 5-imi taaneqartoq akisussaaffimmik annertuumik pigisaqartoq ulluinnarni aqutsisuinnaangilaq. Oqaatigineqarportaaq Kalaallit Nunaanni Filminstitutti pisortat suliffeqarfigissammassuk namminersortoq, inatsisitigullu inissisimassalluni soorlu Nunatta Isiginnaartitsisarfia, KNR aamma Ilisimatusarfik assigalugu. Taannalu nangillugu oqaatigineqarpoq, suliffeqarfinni taaneqartuni pingasuni pisortat, isiginnaartitsisarfinni pisortaq, direktør aamma rektor naligisaanik Kalaallit Nunaanni Filminstituttimi pisortaq taaguuteqarsinnaammat filmimut pisortaq imaluunniit direktør.

Suliffimmi akisussaaffimmut “ulluinnarni aqutsisoq” taaguutigineqarpoq, taannalu tassaangilaq atorfirmut taaguutigineqartussaq. Siulersuisut namminneq aalajangissavaat aqutsisup qanoq taaguuserneqarnissaa. Allani inatsisiliani aalajangersimasumik atorfirmik taaguuteqartoqaraangat tassani atorfirmut pissusissamisoortumik tulluartumik taaguuteqarnissaq tunngaviusarpoq. Film.gl-ip oqaaseqaatai tunngavigalugit “ulluinnarni aqutsisoq”-mut “pisortaq” taarsiullugu Naalackersuisut ilannguppaat, taamaalilluni Kalaallit Nunaanni Filminstituttimi ulluinnarni aqutsineq pisortamit siulersuisunit atorfinitsinneqartussamit isumagineqartussaasoq allassimalissasoq Naalackersuisut nalilerpaat.

Aamma siunnersuummi pisortamut piumasaqaatinik ilanngussaqaarnissaq tulluartaunngitsoq Naalackersuisut taassavaat. Oqartussat atorfinitsitsisussat suliassat inatsimmi aalajangersarneqartut naapertorlugit pisortamut piumasaqaatinik allataqarnissaat tulluarnerutinneqarpoq.

Film.gl aamma § 15, imm. 1-imut allannguutissamik siunnersuuteqarpoq tunngavilersuutigalugu Kalaallit Nunanni Filminstituttip anguniagaanuk ukkataqarnissaq taamaallaat siunertarineqassammat. Tunngavilersuutigineqartoq aallaavigalugu allannguutissaq siunnersuummut ilanngunneqarpoq.

§ 16, imm. 2-mut Film.gl oqaaseqarpoq, tulluartuussasoq aalajangersakkap pingaarnertut oqariartuutigippagu inatsisiliornerup [atuutinneqarneralu] siulersuisullu aalajangigaannut tamanut malinninnissamut pisortaq akisussaaffeqartoq.

Aalajangersakkap allanngortinneqarnissaanut Naalackersuisut peqqutissaqanngillat, inatsisip malinnissaanut pisortap akisussaaffeqarnera inatsimmik tunngaveqarmat, tamannalu sunut tamanut atuuttussaammat. Siulersuisut aalajangigaannut piviusunnngortitsinissaq atorfeqarnermut pissusissamisoortumik ilaavoq.

Film.gl-ip aamma inassutigaa, § 19-imit § 21-mut innersuussisoqarnissaa assinganillu § 20-mit § 21-mut innersuussisoqarnissaa.

Tamanna pisariaqanngitsutut Naalackersuisut nalilerpaat.

§ 19, imm. 2-mut Film.gl siunnersuummut tusarniaanermi oqaaseqarpoq, inatsimmi inatsimmullu oqaaseqaatini allassimangitsoq agguaassisarnissamut suna aalajangersimasumik eqqarsaatigineqarsimansoq. Oqaatigineqarpoq aalajangersakkap aamma takutikkaa Kalaallit Nunaanni Filminstituttimut akisussaaffimmik takunnissinnaatitaanermillu pisariaqartoq.

Naalackersuisut isumaqatiginngilaat aalajangersakkap takutikkaa kalaallit filmiliaannik tammatsaaliuinissamut takunnissinnaatitsinissamullu akisussaaffiup tamarmi Kalaallit Nunaanni Filminstituttimut katersuunneqarnissaa. Naalackersuisut nalilerpaat, aalajangersagaq pisariaqanngitsoq, taamaattumillu aalajangersagaq siunnersuummit peerneqarpoq.

Aamma Film.gl siunnersuuteqarpoq, tusarniaassutigineqartumit §§ 22 aamma 23 peerneqassasut. Tamatumunnga tunngavilersuutigineqarpoq, aalajangersakkat aningaasaateqarfiliorsinnaanermik periarfissiisut tunngaveqarmata filmit pillugit suleqatigiissitap oqaaseqaataanit, suleqatigiissitallu siunnersuutaa immikkut aningaasaateqarfiliornissamik pisariaqartitsinertut takorloorneqarsimangilaq.

Tamanna tunngavigalugu siunnersuummi matumani aningaasaateqarfiliornissamut periarfissiinissaq Naalackersuisut ilanngutinngilaat.

Aamma Film.gl-ip oqaasiliornernut allannguutissanik siunnersuutinik arlaqartunik saqqummiivoq.

Siunnersuutit taakku tamaasa akuersaarneqarput.

Film.gl arlalinnittaaq taasaqarpoq kissaatigalugu oqaaseqaatinut allannguuteqartoqassasoq. Siunnersuut siulleq siulersuisunut ilaasortat sulinerminnut honorarisiassaasa annertussusissaannut tunngassuteqarpoq. Siulersuisut suliassaateqarfiliornissamut innersuussutigalugit aannertussusaannullu tunngatillugu

Kalaallit Nunaanni Filminstituttip piginnaasaqartunik inuussutissarsiortunillu aqunneqarnissaa siunnertaralugu honorarit qaffanneqarnissaat siunnersuutigineqarpoq. Siulittaasumut ukiumut 120.000 kr.-nik honorariliisoqassasoq taannalu pinngippat 90.000 kr.-ussasoq siunnersuutigineqarpoq.

Naalackersuisut tassunga oqaatigissavaat, honorarit annertussusissaat siunnersuummi aalajangersarneqanngimmat, tamannalu § 13, imm. 4 tunngavigalugu immikkut nalunaarummik aalajangersaanikkut aalajangerneqassaaq. Siulittaasumut siulersuisunullu ilaasortanut honorarisiassat naatsorsuutigineqartut oqaaseqaatini allassimapput.

Naalackersuisut isumaqarput siulersuisut akisussaaffiinik suliassaannillu suliaqarneq annertunerusumik honorarisinissamik kinguneqassanngitsoq.

Aamma Film.gl allappoq 600.000 kr.-nik pisortamut honorarisiaqartitsinissaq appasippallaartoo. Pisortamut piginnaasatigut piumasaqarnissaq il.il. tamatumani eqqarsaatigineqarpoq. Film.gl isumaqarpoq minnerpaamik akissarsiassaartitsinissaq 800.000 kr.-usariaqartut. Allanut tamanut honorarisiassat 1.500.000 kr.-ussasut oqaatigineqarpoq sulisut ikinnerpaaffissai aallaavigalugit Kalaallit Nunaanni Filminstituttimilu sulisut suliassaminnik isumaginninnissannut atorneqartussat.

Naalackersuisut isumaqanngillat ukiumut aningaasartuutissat appasippallaamut inissinneqarsimasut, isumaqarlutillu honorarisanut aningaasartuutissatut nalilerneqartut sulisussatigut pisariaqartitsinermut naapertuuttuusut.

Aamma Film.gl allappoq, aningaasat filminstituttimut filmkommissiinimullu ingerlatsinermut aningaasartuutissatut siunnersuutigineqartut piviusorpalaanngitsumik appasippallaartut. Kalaallit Nunaanni Filminstituttimut siunertat tamaasa naammaginartumik isumagineqarnissaannut naammangitsut oqaatigineqarpoq, Kalaallit Nunaanni Filminstituttimullu siunertap tamarmiusup isumagineqarnissaa ajornassaaq, instituttillu qaffasissumik siunertalerneqarnera isumaaruppoq, tassami siunertat qulakkeerneqarnissaannut aningaasatigut sinaakkusiussat appasippallaarmata siunertat qulakkeerneqarnissaat naammangillat.

Aningaasanik siunnersuutigineqartunik appasippallaartutut oqaaseqarneq Naalackersuisut isumaqatiginngilaat, aamma isumaqanngillat siunertat aningaasaqarnikkullu sinaakkutissat imminnut naapertuutinngitsut.

Tapiissuteqartarnissaq pillugu Film.gl allappoq, 3.900.000 kr.-t siunnersuutigineqartut ukiuni marlunnik siusinnerusumut assinganik kinguneqassasut, Film.gl-ilu tassunga atatillugu naammagisimaarlugu nalilerpaa oqaaseqaatini anguniarneqarmat filmiliorneqarnissamut tapiissuteqartarnissaq pigiinnarneqarmat.

Film.gl-ip filmiliornermut ingerlatsivik eqqarsaatigalugu eqqortuusoraa filmiliornermut ingerlatsiviup Kalaallit Nunaanni Filminstituttimut toqqaannertumik atasunnagortinneqarnissaa.

Atassusiineq taaneqarpoq filmiliornermut ingerlatsivik tassaassammat filmiliornermik ilinniarfik, ilinniartitsinermullu tungasoq nukittorsarneqarsinnaavoq Kalaallit Nunaanni Filminstitutti filmiliornermut ingerlatsivimmut akisussaalerpat. Tassunga ilanngullugu taaneqarpoq maannakkut filmiliornermut ingerlatsivik, Filmiliornermut tassaammat suliffeqarfik imminut aquttoq, filminullu inatsimmut oqaaseqaatini taaneqartariaqarput siunissami periarfissat maannakkut aaqqissuussinerup allannngortinneqarnissaa pitsaanerpaamik qanoq piviusunngortinneqarsinnaasoq. Filmiliornermut ingerlatsivimmut aningaasaleeqatigiinnerup qulakkeerneqarnissaanut minnerpaamik Kommuneqarfik Sermersuumik oqaloqateqarnissap qulakkeerneqarnissaa pingaaruteqarpoq. Tassunga tunngatillugu apeqqutigineqarpoq kommunini allani immikkoortortaqaarnissaq isumaliutigineqarsinnaanersoq.

Kommuneqarfik Sermersuumik filmiliornermut ingerlatsivik pillugu suleqatigiinnerup ingerlaqqinnissaa pillugu oqaloqatigiinneq Naalakkersuisut aallarnisarpaat. Filmiliornermut ingerlatsiviup ingerlaneratigut Kalaallit Nunaanni Filminstituttip siunertat inatsisitigut isumagisassami ilaattut nutaaliarluni filmiliornermut piginnaasaqartunillu inerititsineq siuarsassavaa. Tassunga aningaasartuutit nunatta karsianit aningaasalersorneqassapput, instituttimmi sulinera nunatta karsianit tapiissutitigut isumagineqassammat. Kalaallit Nunaanni Filminstitutti siunnersuut naapertorlugu kingornussassanik tunissutinillu aamma allanik aningaasaliisunit tunineqassaaq. Siunissami instituttip sulineranut aningaasaleeqataasinnaaneq soorlu kommuninit ataatsimit periarfissaassaaq. Kommunini immikkoortortaqaarsinnaanermik pisariaqartitsinermik naliliinermik tunngaveqassaaq. Kalaallit Nunaanni Filminstituttip nammineerluni naliliineq taamaattoq ingerlassinnaanerusavaa.

Utertitsinermut aaqqissuussinermut atatillugu Film.gl-ip naammagisimaarlugu oqaatigaa, § 20, imm. 2,-mi utertitsinermut killigitatut aalajangersakkamik sanequtsisinnaaneq periarfissaatikkaa, soorlu Kalaallit Nunaat “James Bond pillugu saaffigineqassagalarpat”.

§ 21-mi Naalakkersuisut pisussaaffilerneqarput tapiissuteqarnermut utertitsinermullu malittarisassanik aalajangersaanissaminut. § 21, imm. 2, naapertorlugu malittarisassanut taakkununga ilaassapput immikkut pisoqartillugu § 20-mi procentit annertunerpaaffissatut aalajangerneqarsimasut sanequtissallugit aamma aningaasat qummut killingi aningaasallu minnerpaaffissat aningaasat inatsisaanni filmiliornermi aningaasartuutigineqarsimasunik utertitsisinnaanermut aalajangerneqarsimasut.

Kalaallit Nunaanni Eqqumiitsuliornermut Aningaasaateqarfik

Kalaallit Nunaanni Eqqumiitsuliornermut Aningaasaateqarfik isornartorsiivoq siunnersuut aningaasaateqarfimmut siullermik tusarniutigineqarsimanngimmat. Pitsaasumik aaqqiissuteqarnernut oqaloqatigiinneq siumut aqutissaasoq aningaasaateqarfiup upperigaa oqaatigineqarpoq, taamaattumillu aningaasaateqarfiup tungaanit inatsisissamat siunnersuutip

unammilligassanut EA-mut pilersitaanut aaqqiissutissamik nassaartoqassasoq aamma kissaatigineqarpoq. Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisumik ulloq 1. august ataatsimeeqateqarnissaq isumaqatigiissutigineqartoq oqaatigineqarpoq, oqaloqatigiinnerlu ingerlaqqissasoq, aamma suliap ineriartoqqinnissamut tunngatillugu Naalakkersuisumit ataatsimiigiaqqusinissamut aningaasaqaateqarfik qilanaarpoq.

Ajuusaarnartumik kukkusoqarneratigut Kalaallit Nunaanni Eqqumiitsuliornermut Aningaasaateqarfimmumt nassiunneqarsimanngilaq, tamannalu tusarniaanissamut piffissaliussap naanerani aatsaat paasineqarluni. Taamaattumik Kalaallit Nunaanni Eqqumiitsuliornermut Aningaasaateqarfik ulloq 19. juli siunnersuummik malinnaatitsiffigalugu nassiussiffigineqarpoq kingusinnerpaamik ulloq 5. august tusarniaanermut akissuteqaqqullugu qinnuigineqarluni. Aamma aningaasaateqarfiullu kissaateqareerneratigut siunnersuut pillugu Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisumik ulloq 1. august 2024-mi ataatsimeeqatiginnittoqarpoq.

Filminstitutti pillugu siunnersuutikkut Kalaallit Nunaanni filmiliornermik sullissinerup nukittorsarneqarnissaanut Naalakkersuisut tungaannit suliniuteqarneq Kalaallit Nunaanni Eqqumiitsuliornermut Aningaasaateqarfiup pitsaasutut isigaa. Oqaatigineqarpoq, filmiliorneq eqqumiitsuliornerut allatuulli annertoorujussuarmik periarfissaqartoq, aamma immikkut periarfissaq pingaaruteqartoq filmiliorneq aqutigalugu uagut Kalaallit Nunaanni oqaluttuaatitta nammineerluta pilersinnissaanut. Nangillugu oqaatigineqarpoq, Kalaallit Nunaanni eqqumiitsuliornermut assigiinngisitaartut tamaasa tapersersornissaannik siunertaq aallaavigalugu Kalaallit Nunaanni Eqqumiitsuliornermut Aningaasaateqarfik pilersinneqarsimasoq, taamaattumillu aningaasaateqarfiup tapersersuinermit eqqumiitsuliornerup kulturikkullu ineriartorneq tapersersorniarpaa. Nangillugu oqaatigineqarpoq, Kalaallit Nunaanni eqqumiitsuliornermut kulturimullu aningaasat tapiissutit ataatsimut katillugit amerlanerulernerannik inatsisissatut siunnersuut kinguneqassapat, eqqumiitsuliornermut kulturikkullu inuunermut pitsaasuussasoq, kisianni siunnersuummi matumani taamaannigilaq, pissutigalugu suleriaatsimi isumaqarmat, aningaasat tapiissutaasartut taakkorpiaat agguarneqassasut.

Naalakkersuisut paasivaat, Kalaallit Nunaanni filmiliornermik suliaqarnerup filminstitutteqalernissaq pillugu siunnersuuteqarnerikkut nukittorsarneqarnissaa Kalaallit Nunaanni Eqqumiitsuliornermut Aningaasaateqarfiup pitsaasutut isigigaa. Eqqumiitsuliornermut kulturimullu aningaasat tapiissutit pillugit allanneqartunut tunngatillugu, malugineqassaaq, aningaasatigut tapiissuteqarnerulernissaq siunnersuummi siunertarineqannigimmat, kisianni Kalaallit Nunaanni filmiliornermik suliaqarnerami sinaakkutit atugassarititaasut pitsaasut pilersinnissaat. Eqqorpoq, siunnersuuteqarnermi siunniunneqarmat, aningaasat, Kalaallit Nunaanni Eqqumiitsuliornermut Aningaasaateqarfiup pilersinneqarnerani, filmiliornermut tunngasunit aningaasaateqarfimmumt nuunneqartut, utertinneqassasut siunnersuutigineqarpoq.

Kalaallit Nunaanni Eqqumiitsuliornermut Aningaasaateqarfiup nangilluni oqaatigaa, inatsisissatut siunnersuummi aningaasaateqarfiup sulinerata sunniiffigineqarnera aningaasaateqarfiup immikkut sammigaa. Uani pisumi filmiliornermik suliaqarnermi aningaasat tapiissutaasartut agguaanneqartarnerat pineqarpoq. Tassunga atatillugu oqaatigineqarpoq, aningaasaateqarfiup pilersinneqarnerani aalajangerneqartoq, eqqumiitsuliorneq pillugu inatsimmi eqqumiitsulioriaatsinut nassuiarneqartunut tamanut namminersorlutik oqartussanit kulturimut tapiissutit ataatsimoortinneqassasut, tassalu aningaasaateqarfimmi. Tamanna pillugu aningaasaateqarfik suliarineqarpoq, akuliutinnginnissamik tunngaviusoq pillugu kissaateqarnermik aallaaveqarluni, aalajangerneqarporlu qinnuteqaatit suliarinerinut paasisimasallit attuumassuteqassasut. Taakkua paasisimasallit tassaapput inuit eqqumiitsulioriaatsit assigiinngitsut tapiiffigineqartartut pillugit matumani aamma filmiliornermik suliaqarnermik ilisimasallit. Aningaasat agguaanneqarnerannut tunngatillugu aalajangiinerit piukkunnaateqarnerannut tulleriaarnerannullu annertuumik peqataapput.

Akuliutinnginnissamik tunngaviusoq paasisimasallillu pillugit oqaatigineqartunut Naalackersuisut oqaatigissavaat, siunnersuutip § 19-ani aalajangersarneqarmata, Kalaallit Nunaanni Filminstituttip aningaasaliissutissanik qinnuteqaatinik allaatigisaq filmiliornermi najoqqutassaliornermut aamma filmiliatut nioqqutissiassatut siunnersuutigineqartunut, aamma naatsunik dokumentaarinillu filmiassatut siunnersuutigineqartunik suliaqarnermi qularnaartassavaa eqqumiitsuliatut sulianik naliliisoqartarnissaa, aamma qinnuteqaatit aningaasaqarnikkut aamma nioqqutissiornikkut teknikkimut tunngasutigut nalilersuivigineqartarnissaat. Taamaalilluni akuliutinnginnissamik tunngaviusoq suli siunnersuummi ilaavoq aamma qinnuteqaatit eqqumiitsuliornikkut nalilerneqarnera pisassasoq qulakkeerlugu.

Nangillugu oqaatigineqarpoq, Aningaasaateqarfimmiit 3,9 mio. kr. tiguneqarnissaat siunniunneqartoq, aamma filminut qinnuteqaatit siumut sammisumik Kalaallit Nunaanni Filminstituttimit tapiissutit tigusassagaat. Tamanna isumaqarpoq, aningaasat tapiissutit nutaajunngitsut, kisianni eqqarsaatigineqarpoq eqqumiitsuliornermut kulturimullu aningaasaateqarfimmit tapiissutit aningaasaat immikkoortitat 3,9 mio. kr.-nit tiguneqassasut, tassalu eqqumiitsulioriaatsinut sunulluunniit tamanut aningaasaateqarfiup aningaasat tapiissutaasa affangajaat. Tassunga atatillugu oqaatigineqarpoq, tapiiffigineqarnissaq pillugu aningaasaateqarfik qinnuteqaatinik amerlasoorpassuarnik pisartoq maannakkullu qinnuteqartunut aningaasat agguaassasat ikinnerujussuupput.

Kalaallit Nunaanni Eqqumiitsuliornermut Aningaasaateqarfiup nangilluni oqaatigaa, aningaasaateqarfiup siulersuisuinut apeqqut angisooq tassaasoq, Naalackersuisut aningaasaateqarfik suniarpaat. Tassunga atatillugu oqaatigineqarpoq, inatsisissatut siunnersuummik tassannga eqqumiitsuliornermut aningaasaateqarfiup siunertaa pikkunaallisarlugu aallartinneqartoq

siunertamilu allannortitsinissaq pisariaqartinneqassaaq. Matuma kingorna Kalaallit Nunaanni Eqqumiitsuliornermut Aningaasaateqarfik pillugu nalunaarummit §§ 1 aamma 2 issuarneqarput:

" § 1. Kalaallit Nunaanni Eqqumiitsuliornermut Aningaasaateqarfiup siunertaraa siuarsassallugit Kalaallit Nunaanni eqqumiitsuliornikkut ingerlatsineq, aamma kalaallit nunani allani eqqumiitsuliornikkut ingerlatsinerat, sapinngisamilu qularnaarniassallugu innuttaasut siammasissumik aamma tamatigoortumik kalaallit eqqumiitsuliaannik eqqumiitsuliornikkullu ingerlatsinerannik periarfissaqarnissaat, aamma eqqumiitsuliornikkut nunani allaneersunik periarfissaqartinneqarnissaat.

§ 2. Kalaallit Nunaanni Eqqumiitsuliornermut Aningaasaateqarfiup ingerlatsinerani ilaapput eqqumiitsuliornermik ingerlatsinerit tamakkiisut, Inatsisartut eqqumiitsuliornermut inatsisaanni ilaasut."

Tassunga uiggiullugu Kalaallit Nunaanni Eqqumiitsuliornermut Aningaasaateqarfik aperivoq, tamanna isumaqarnerisut, eqqumiitsulioriaatsit allat qulaatiinnaarlugit filmeqarnerup iluani ineriartorneq maannakkut Naalakkersuisut immikkut suliniutigigaat. Nangillugu oqaatigineqarpoq, Naalakkersuisut kultureqarnermut politikikkut tulleriissaarinerat pillugu ersarissumik isummaminnik nalunaaruteqarneri amigaataasoq.

Siunnersuummut oqaaseqaatini nalinginnaasuni oqaatigineqartutut naalakkersuisut nalilerpaat pingaaruteqartoq Kalaallit Nunaat Filmiliornermini filminut tunngasut iluanni aningaasanik tapiissutinik tunniussinissamut piginnaaneqalertariaqartoq akisussaassuseqalerlunilu. Tamatuma allaaviatigut inatsimmut allamut tunngatillugu tapiinissamut aamma periarfissaqartumut qaleriittoqartissavaa. Eqqumiitsuliorneq pillugu inatsimmut tunngatillugu peqatigitillugu Naalakkersuisut naliliipput, filmiliornermut tunngatillugu Kalaallit Nunaanni Eqqumiitsuliornermut Aningaasaateqarfiup tapiissuteqarsinnaaneranut erseqqarinnerusumik killiliinissaq pisariaqartoq. Tamatuma eqqumiitsuliornermik ingerlatsineq tamatuminnigalu ingerlatitseqqittarneq pillugit nalunaarutip nutarterneqarnissaanik pisariaqartitsineq kingunerissavaa. Siunissami Kalaallit Nunaanni Eqqumiitsuliornermut Aningaasaateqarfiup filmiliornermi eqqumiitsuliornerup iluani tapiissuteqarsinnaanerata peerluinnarneqarnissaa siunertarineqanngilaq. Ataqqinaammik nersornaasiinerit Kalaallit Nunaanni Eqqumiitsuliornermut Aningaasaateqarfimmit tunniussinerit aamma nersornaatitut akissarsisitsinerit taamatut ilimagineqarput ingerlaannarnissaat naatsorsuutigineqarpoq. Kisianni tapeeriaatsit tapiissuteqartarnermullu siunertat nalunaarummi erseqqarinnerusumik aaqqiiffigineqarnissaat naatsorsuutigisariaqarpoq, taamaalilluni Kalaallit Nunaanni Eqqumiitsuliornermut Aningaasaateqarfiup aamma Kalaallit Nunaanni Filmisinituttip qanoq tapiissuteqarsinnaaneri erseqqarissumik takuneqarsinnaanngorlugu.

Siunnersuummi oqariartuutigineqanngilaq, eqqumiitsulioriaatsit allat qulaatiinnarlugit filmiliornerup iluani ineriartornissaq massakkut Naalakkersuisut immikkut suliniutigigaat.

Siunnersuummi oqaatigineqartoq tassaavoq Kalaallit Nunaat filmiliornerup nukittorsarneqarnissaanik kissaatigisaqarneq. Nukittunerulersitsineq Inatsisartunit Naalackersuisutulli kissaatigineqartoq. Kalaallit Nunaanni Eqqumiitsuliornermut Aningaasaateqarfimmit filminstituttimut instituttip tapiissuteqarnermik suliaqarneranut 3,9 mio. kr.-nik nuussineq, immikkoortut allat tunulliutinneqalernerannik ersersitsinerunngilaq, Ataatsimut isigalugu Kalaallit Nunaanni Eqqumiitsuliornermut Aningaasaateqarfimmi, filmiliornermut aningaasat tapiissutit ilanngunneqannginnerat sioqqullugu, amerlassusaat suli taakkuusussaammata. Naalackersuisut isumaqanngillat, pineqartumi siunnersuut naapertorlugu Kalaallit Nunaanni Filminstituttip filmiliornermut tunngasunik tapiissutinik tunniussinermik suliaqarnerata kingunerissagaa, taamaalilluni Kalaallit Nunaanni Eqqumiitsuliornermut Aningaasaateqarfiup suliaqarnerata kissaatigineqarunnaarnera.

Kalaallit Nunaanni Eqqumiitsuliornermut Aningaasaateqarfiup kajumissaarutigaa, ”konto pingaarnermi 40.95.01-mi. Eqqumiitsuliornermut kulturimut tapiissutit allat” aningaasaateqarfimmut aningaasaliissutinit 3.900.000 kr.-nit tiguneqassanngitsut kajumissaarutigalugulu aningaasaliissutit tiggummiinnarneqassasut, aamma EA filmiliornermut, taamatut eqqumiitsulioriaatsinut allanut nangittumik aningaasanik agguuasinnaassasoq. Filminstituttip nutaaq sunniteqarnissamut periarfissikkumallugu imaassinnaavoq, qinnuteqaatit suliarinerinut paasisimasalinnik toqqaanermut filminstituttissaq peqataasinnaasoq. Kalaallit Nunaanni Eqqumiitsuliornermut Aningaasaateqarfiup nangilluni oqaatigaa, eqqumiitsulioriaatsinut tamanut tapiissuteqarnermut aningaasat immikkoortitat EA-mit tigunagit, taarsiullugulu filmiliornermut tapiissuteqarnermut akisussaaffik filminstituttip tigussappagu, tassunga aningaasanik nutaanik nassaartoqartariaqartoq.

Tamanna pillugu qulaani pissutsit assinginut oqaaseqaat Naalackersuisut innersuuppaat.

Kalaallit Nunaanni Eqqumiitsuliornermut Aningaasaateqarfiup aamma kajumissaarutigaa, aningaasaliissutit ”konto pingaarnermi 40.95.01”-mut. Eqqumiitsuliornermut kulturimut tapiissutit allat” ukiuni aggersuni amerlineqassasut, eqqumiitsulioriaatsit tamarmik aningaasanut amerlanerusunut qinnuteqarsinnaaniassamata. Tamanna pisariaqarpoq eqqumiitsulioriaatsit iluanni ineriartornerujussuaq malinnaaffiginarlugu aamma eqqumiitsuliornermut inuussutissarsiornikkut periarfissaqarnerulernissaat pilersinniarlugu. Tamanna soorlu imaassinnaavoq ukiuni arlalinni ukiumoortumik ingerlaavartumik qaffakkiartortoq. 2025-mut aningaasanut inatsisissamut aamma ukiunut missingersuusiorfiusunut Naalackersuisoqarfimmi itisiliinerusumik oqaloqatiginninnissaq EA-mit tamanna kissaatigineqarpoq.

Naalackersuisut tassunga oqaatigissavaat, eqqumiitsuliornermut kulturimullu aningaasat Naalackersuisut amerlanerulersikkusummatigit, kisianni tamanna aningaasanut inatsimmik suliaqarnermut atatillugu tulleriissaarinernut nalinginnaasunut ilaasariaqassaaq.

Filmiliornermik suliaqarneq pillugu inatsisissatut siunnersuut saqqummiunneqartoq, ingammik tapiissutinik agguaassisarnermut tunngatillugu, aningaasaateqarfiup sulineranut Kalaallilu Nunaanni eqqumiitsuliortut silarsuaannut annertooujussuarmik kinguneqassasoq Kalaallit Nunaanni Eqqumiitsuliornermut Aningaasaateqarfiup naggasiilluni oqaatigaa. Naak aningaasaateqarfimmi siulersuisunut siusinnerusukkut saqqummiussisoqarsimanngikkaluartoq, taamaattumillu soorlu siusinnerusukkut allaaserineqartutut siunnersuutip matuma suliarineqarnera pillugu oqaloqatigiinner mut eqeersimaartumik ilaatitsisoqarnissamik aningaasaateqarfik kajumissaaruteqassaaq. Aningaasaateqarfimmik oqaloqatiginnittoqassasoq aningaasaateqarfiup kisiat siunnersuutiginnigilaa, kisianni allat ingerlatsisut pingaarutillit soorlu EPI

Aningaasaateqarfiup oqaloqatigiinneq pillugu oqaaseqaatai Naalackersuisut tusaatissatut tiguaat.

Kommuneqarfik Sermersooq:

Kommuneqarfik Sermersooq tusarniaanermi akissuteqaatimini siullertut innersuussivoq siulersuisut katitigaanermik assigiinngisitaartuunissaanik. Oqaatigineqarpoq pingaartuusoq siulersuisut inuiaqatigiit, soorlu suaassutsit, kulturikkut tunuliaqutit aamma filmiliornermik inuussutissarsiordermi immikkoortut. Siulersuisut assigiinngisitaartuunerisa qulakkiissavaat tamatigoortumik isummertarnissat taamaalillutillu Kalaallit Nunaanni filmikkut kultureqarnerup ineriartornissaa pitsaanerusemik tapersersussallugu.

Arnat angutillu pillugit siulersuisunut toqqaaneq naligiissitaaneq assigiinngisitsinninnissarluk pillugit Inatsisartut inatsisaat nr. 36 4. juuni 2024-meersumi kapitali 7-imi malittarisassat naapertorlugit pissaaq. Naalackersuisullu nalilerpaat siunnersuummi anguniarneqartoq siulersuisut katitigaanerisigut assigiinngisitaarnissaat. Maluginiarneqarpoq Kommuneqarfik Sermersooq siulersuisut inuttalersorneqarnissaanut allannguutissanik siunnersuuteqanngimmat.

Kommuneqarfik Sermersooq aamma oqaaseqarpoq, aningaasaliissutissanik qinnuteqarnerit suliarineranni akuersissutinillu suliaqarnermi suleriaatsinik sukumiisunik suliaqartoqassasoq. Soorlu Kalaallit Nunaanni filmiliornermut qinnuteqaatit allaffissornikkut isumagineqarnissaannut suleriaatsimut assingusunik.

Naalackersuisut tassunga oqaatigissavaat, siunnersuummi Naalackersuisut aalajangersakkanik suliaqarnissaannut piumasaqaateqarmat aningaasanik tapiissuteqarnermi utertitsinermilu malittarisassanik suliaqarnissamut, aamma Kalaallit Nunaanni filmiliornermut akuersissuteqarnissamut qinnuteqarnermut malittarisassanik Suliaqartoqassaaq. Ujartorneqartoq aalajangersagaliornissaq nalunaarusiornikkut pissasoq naatsorsuutigineqarpoq. Taamaattumik Naalackersuisut naleqquttuusorinngilaat inatsisiliornermut tamanna pissasoq.

Kommuneqarfik Sermersuup aamma oqaatigaa Kalaallit Nunaanni filmiliornermik inuussutissarsiteqarneq siuarsarniarlugu erseqqissunik sinaakkusersuisoqassasoq, piginnaasaqartunik inerisaaneq aamma nutaanik misileraalluni filmiliornikkut eqqumiitsuliorneq qanoq tapersorsorneqassanersoq. Tassani suliniutigineqarsinnaapput workshoppit, mentorit atorlugit pilersaaruteqarnerit aamma filmiliassanut nutaanut neriunaateqartunut aningaasanik tapiissuteqarnerit, taakkumi najukkani atasinnaasumik ineriartornernut tapersiissapput.

Kalaallit Nunaanni Filminstituttip inatsisitigut siunersaasa ilaanni professionaliusumik misileraalluni filmiliornikkut eqqumiitsuliorneq aamma piginnaasalinnik inerisaanik filmiliornermut ingerlatsivimmik ingerlatsinikkut siuarsassavaa. Instituttip nammineq piareersaanermi sinaakkutissat aalajangersassavai, siunertaq taanna qanoq siuarsarneqassanersoq. Taassuma inatsisitigut annertunerusumik inatsisitigut malittarisassiuunnissaa tulluurtuutinngilaat taamaattumillu malittarisassiorfigissanagu.

Kommuneqarfik Sermersooq aamma kajumissaarivoq, filmiliornermi inooqataanikkut akisussaassuseqarnissaq tapiissuteqarsinnaanissamut ilanngunneqassasoq. Tamatumani piffinni suliniartut peqataatinneqartariaqarput, piffinni inuiaqatigiit suleqatigineqassallutik piffinnilu ileqqut avatangiisillu ataqqineqassallutik. Piffinni isumalluutit piginnaasaqartullu pilersitsinerni peqataatinnessaat filmit kulturikkut pisuunngortissavaat, aammalu piffinni aningaasaqarneq inuiaqatigiillu peqataanerat nukittorsassallugu.

Siunnersuummi § 21 naapertorlugu aningaasatigut tapiissuteqartarnermut aningaasartuutinillu utertitsisarnermut Naalakkersuisut malittarisassiussapput. Filmiliornermi inooqatinut akisussaassuseqarneq malittarisassani aamma ilaatinneqarsinnaavoq. Siunnersuummi § 18, imm. 2 naapertorlugu tapiissutinik agguaassinermi aamma atuagassanik aalajangersaasoqarsinnaavoq pineqartut pissutsit pillugit.

Kommuneqarfik Sermersooq Kalaallit Nunaanni Filminstituttip filmiliornermut aningaasatigut tapiissutinik nammineerluni agguaasarnissaa ernumassutigalugu allappoq. Tassunga ilanngullugu allappoq Kalaallit Nunaanni Eqqumiitsuliornermut Aningaasaateqarfik siunertaqareeremat eqqumiitsuliorluni sulianut tapiissuteqarnissamut, taakkunungalu ilaapput filmiliornerit, Kalaallit Nunaanni Filminstitutti suliassamik taassuminnga suliassinneqarpat pisariaqanngitsumik allaffissornermik pilersitsisoqassaaq aamma allaffissornermut isumalluutit imminnut qalleraatilissallutik. Taamaattumik innersuussutigineqarpoq, Kalaallit Nunaanni Eqqumiitsuliornermut Aningaasaateqarfimmi aaqqissuussineq pigiinnarneqassasoq nukittorsarneqassasorlu filmiliornermut aamma sammisaqarsinnaanngortillugu, taamaaliornikkut allaffissornikkut isumalluutit sunniteqarnerusumik atorneqassallutik. Taamaattumik aamma kaammattuisoqarpoq, sunaluunniit aaqqiissut toqqarneqaralarpat, inuussutissarsiummut nutaanik isumaluutinik tunniussisoqassasoq, Eqqumiitsuliornermullu Aningaasaateqarfik ilanngaaffigineqassanani Filminstituttimut aningaasat illikartinnerisigut.

Naalackersuisut nalilerpaat, Kalaallit Nunaanni Filminstitutti piginnaatinneqassasoq akisussaaffeqalissasorlu filmiliornermut aningaasatigut tapiissutinik agguaasinnaangornissaminut. Aningaasatigut tapiissutinik agguaaneq eqqumiitsuliornikkut inuussutissarsiornermullu tunaartaqassaaq. Siunnersuummi Kalaallit Nunaanni Filminstituttimut siunertat aalajangerneqartut piviusunngortikkumallugit Naalackersuisut isumaqarput pisariaqartoq institutti pineqartumut aningaasatigut tapiissutinik agguaasalersinneqarnissaa. Tassunga atatillugu Naalackersuisut nalilerpaat Kalaallit Nunaanni Eqqumiitsuliornermut Aningaasaateqarfiata siunissami filmiliornermut tapiissuteqarsinnaanera killiliiffigineqassasoq. Pingaarterneqarpoq Kalaallit Nunaanni Eqqumiitsuliornermut Aningaasaateqarfik filmiliornikkut eqqumiitsuliornermut tapiissuteqarsinnaanera peerneqassanngitsaq. Nalunaarusiornikkut tapeeriaatsit tapiinermilu siunertat aalajangersarneqassapput, erseqqissitillugu Kalaallit Nunaanni Eqqumiitsuliornermut Aningaasaateqarfiup aamma Kalaallit Nunaanni Filminstituttip sunut tapiissuteqarsinnarneri. Kalaallit Nunaanni Filminstituttimik pilersitsineq aningaasartuuteqarnerunermik kinguneqassaaq, siunnersuummut aningaasaqarnikkut allaffissornikkullu pisortanut kingunerisassani oqaaseqaatiniittuni tamanna nassuiarneqarpoq. Tamatumunnga itinerusumik nassuiaaneq innersuussutigineqarpoq.

Kommuneqarfik Sermersooq aamma Filmiliornermut pingaaruteqarneranik erseqqissaavoq, tassungalu Namminersorlutik Oqartussat ingerlatsinerneqartut tapiissutaasa aneqqataani kommunip tapiissuteqartarpoq. Kommunip inassutigaa Filmiliornermut naliliiffigineqassasoq, taamaaliornikkut kommunip tapersiissuteqartarnera iliuuseqartarneralu nukittorsarneqarsinnaammat, qilanaaralugulu Filmiliornermut ineriartortinneqarqinnissaa kalaallit filmimik inuussutissarsiorneranni angusaqarluartarnera qulakkeerniarlugu.

Siornatigut Naalackersuisut taavaat Filmiliornermut pillugu Kommuneqarfik Sermersuumik suleqateqarneq pillugu oqaloqateqarneq aallartisarneqarsimasooq.

Kommuneqarfik Sermersooq naggasiilluni oqaaseqarpoq, Kalaallit Nunaanni filmiliornermik inuussutissarsiteqarnerup inatsisiliornikkut nukittorsarneqarnissanut kommunip isumaqataasoq, aamma kommunip neriuppoq allannguutissatut siunnersuutit erseqqissaanerillu Kalaallit Nunaanni suli annertunerusumik peqataatitsilluni filminik sanaartortoqarnissamat ilapittuutaajumaartut.